

Opobalsami veteribus cogniti vindiciae / [Johann Vesling].

Contributors

Vesling, Johann, 1598-1649.

Publication/Creation

Patavii : Typis Pauli Frambotti, 1644.

Persistent URL

<https://wellcomecollection.org/works/zhmrg944>


License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>





Digitized by the Internet Archive
in 2019 with funding from
Wellcome Library

<https://archive.org/details/b30762479>

IOANNIS VESLINGII²
MINDANI.

ÆQVITIS,

Et in Patavino Gymnasio Anatomix, & Phar-
macix Professoris primarii,

OPOBALSAMI VETERIBVS
COGNITI

VINDICIÆ.



PATAVII, clc.lcc.xliv.

Typis Pauli Frambotti, Bibliopolæ.
Superiorum permissu.

OPUSCULUM
MINDA

FOVITIS

Et in Papyro Gyrano ad Apolloniam & Bellum
maie Pithagoras pithagoras

OPORBASSAMI VETERIBVS

COGNITI

VINDICIA



PATAVII. cl. 1700.

Typis Joh. Baptistae Schönbacheri
Leoben

Illustrissimis, atque Excellentissimis Viris.

D. BAPTISTÆ NANIO.

D. PETRO FVSCARENO.

D. ALOYSIO VALARESSIO EQ.

D. MARCI PROCVRATORI.

PataVini Archilycæi Moderatoribus
prudentissimis.

Ioannes Veslingius. S. P.



*U*Æ in florentissimo Gymnasio vestro, à multis iam annis, rerum naturæ curiosissimi viri publicè tradiderunt, non simplici priscorum auctorum lectione; sed observatione propria sæpius edocti, dum magno vitæ, sumptuumque dispendio, remotas ab Europæ complexu provincias lustrarunt,

— mediosque fugam tenuere per hostes.

Eadem à liuore, & aspersis litigantium contentione tenebris vindicata, sistere vobis, Illustrissimi, atque Excellentissimi Rectores, & ad iudicij vestri solem examinare, tam officij mei ratio, quàm debita summis vestris meritis obseruantia postulabat. De Opobalsamo enim agitur, eximio medicamento, cuius stirpem impenso quondam studio, regijs hortis Palestina colebat; nunc Arabia mercium odoratarum fertilitate beata,

patrio gremio feliciter fouet, atque educat. Perditam eam
esse, vulgata dudum fama, etiam eruditis hominibus impo-
suerat. Donec è Veneta nobilitate tot clarissimi viri, qui By-
zantio, Tripoli Syriae, & Cahiroy subditis Serenissimæ Repu-
blicæ præfecti, salutarem balsami lacrymam, in lucem postli-
miniò reduxerunt, ut iam auspiciis horum, in urbe ipsa Vene-
tiarum, non in Museis tantum illustrium ciuium; sed etiam
publicis aromatum tabernis, longa annorum serie facile quæ-
rentibus obuia fuerit, atque etiamnum obuia nobis sit. Quod
mihi maior illorum ingratitudo videtur, qui rem a tot seculis
Veneto beneficio orbi Europæo redditam, et potissimum à Pro-
spero Alpino, Lycei vestri professore quondam celeberrimo,
scriptis abundè patefactam, ausi fuerunt obscurare iterum, &
ab officinis medicis,

— ultra Sauromatas, & glaciale

Oceanum —

relegare. Idque dum Opobalsamo, partim notas assignant
eiusdem naturæ penitus repugnantes; partim rarissimæ cuius-
dam, & ineffabilis fragrantiae speciem induunt, nunquam ta-
men sensu narium ab ijs perceptam. Itaque secutus vestigia
doctissimorum hominum, contra instandum, et utilissimæ resi-
næ facultates ac substantiam, ex veterum, qui acuratissime
pleraque complexi, monumentis reuocandam esse duxi. Non
tam ut stabilirem, quæ nobilissimis Venetorum consulibus, at-
que antecessoribus meis, rata probataque fuere; quàm ut rei
medicæ præsidium assererem, in propulsandis funestarum agri-
tudinum periculis insigni virtute paucissimis post habendum;
quoque Mithridatis & Andromachi saluberrima antidota,
sine virium euidenti detrimento, carere non possunt.

Quic-

Quicquid est, in paucularum chartarum angustias contra-
ctum, oculis vestris summittere non dubitavi. Neque ingra-
tum fore arbitratus donum, quod per se non magnum, pendus
ab animo meo accipiet uniuersum. Dedi enim, quod hoc qui-
dem tempore optimum habui, in omni literario meo prouentu.
Cetera beneuolentia vestra commendabit, qua me publicis, ge-
minatisque Gymnasii vestri muneribus admotum, non prom-
ptè minus suscepistis; quàm constanter hactenus, & liberaliter
fouistis. Neque aliud de vobis mente præcipere debui qui in-
uictâ virtute Atlantes, cælum patriæ sustinetis, omnia pro
Iustitia prudenter, pro communi ciuium salute strenuè, pro uni-
uersa Republica piè geritis. Quique inter grauissima Senatus
onera, hunc saltem laborum fructum consecuti estis, ut vos non
publici tantû consilii clarissima sidera; sed etiam Sapientiæ pe-
netralis, perfugiumque omnis doctrinæ seculum hoc fateatur.
Numen illud veneror, ut seruet amplissima rei Venetæ decora,
annorumque semper renascentium felici serie diutissimè prospe-
ret.

IOANNES VESLINGIUS

Lectori suo. S.



Actum, ut aiunt, haud immeritò agere videar, quod post laudatissimum Prosperum Alpinum, antecessorem meum, de Opobalsamo scribere voluerim. Illoque ipso, quod inclyta suaueolentibus sylvis Arabia producit, & in hanc usque lucem finitimis populis subministrat. Vix enim quicquam est, circa balsamici ligni, seminis, succique præstantis naturam, & actiones, vel intellectu difficile, vel sensibus obscurum, quod admota veluti clarissima face, non sic illustrarit, ut qui de tenebris adhuc, & caligine conqueritur, cum iure cum veteri dixeris Comico.

Τὸ φλὲν τὰ τῶτα, τὸν τε νοῦν, τὰτ' ὄμματα.

Scripserat P. Alpinus, tum ut arti medicæ desideratum aliquot seculis medicamentum restitueret, tum eorum expectationi satisfaceret, quorum intererat, historiam ipsam Opobalsami, salutaris scientiæ cultoribus iterum innotescere. Inuitarunt autem optimum virum, præcipuè doctiores sui temporis pharmacopœi, ut Theriacam Mithridatumque composituri, (scilicet antidota quæ Opobalsamo deficiente non parum ab estimatione pristina decedebant,) palàm factis legitimis eiusdem notis, & natali solo, deinde excellenti hac resina liberius uti, fruique possent. Miscuerunt igitur Arabicum balsami succum magnis alexi pharmacis peritissimi quique. Veronę Ioannes Pona, & Franciscus Calceolarius, materiæ medicæ indagatores

gatores solertissimi. Bernardinus Cicala Brixiae. Neapoli Ferrandus Imperatus, rerum naturę scriptor, indagatorque indefessus. Lucę, Balthassar & Michael Campii, varia doctrina, artisque pharmaceuticę cognitione percelebres. Frequentiùs autem magnorum Hetrurię ducum lectissimi pharmacopęi: tandemque Romę egregii viri, Vincentius Panutius, & Antonius Manfredus. Quorum hic Pharmacopolio pręfectus, quod non tenui censu; sed regiis impensis, pauperum necessitati instruxit, Eminentiſſimus FRANCISCUS Cardinalis BARBERINVS: beneficium illis exhibiturus, tantò magis cœleste Deoq; gratum, quantò propius diuinam munificentiam, hostimenti nullius indigam, attingit.

Vt mirari etiam subeat, utcunque paucis lustris ab Alpini nostri decessu exactis, iterum de Opopobalsamo scribendum fuisse, impellentibus, tantumque non urgentibus pharmacopœis; quamuis ob causam occasionemq; omninò dissimilem. Accidit enim, cum aliquot eorum Arabicam balsami lacrymam examinare conarentur, Prosperi Alpini fidissimo ductu, siue Latini sermonis inscitia, siue defectu libelli destituti, & vulgarium Dioscoridis interpretum verbis inhærentes, ut circa liquoris balsamici substantiam, inhæſionem, maculę inductionem, coagulationem, dissolutionem, eos incurrerint paralogismos, ut re incognitam damnare, falsi fictique insinulare, non erubuerint. Grauiore deindè affectuum impetu, ultra metam rectę rationis abrepti, spreta clarissimorum Medicorum sententia, virorumq; industriorum exemplis insuper habitis, Aduocatos sibi quęsuerint, quibus hic potissimum

scopus propositus, ut Prosperi Alpini candorem, si qua p
sent parte sugillarent, virorum in cognitione Opobalsa
versatissimorum sensum, ac voces eluderent; fidem eti
eorum suspectam redderent, qui propius natales balsa
terras accesserunt,

Eoasque domos Arabum —

Summa, quibus nihil magis curæ esset, quàm ^{ὡς ὁ πορνεῖν} ^{ὁ δὲ πορνεῖν}, rei que incognitæ sibi, quiduis potius tribuere
quàm quod eius naturæ, hominum peritissimorum co
sensus detulit.

Subuerterunt tamen has machinas, solidâ doctrina, v
tutumque omnium comitatu clarissimi viri, Petrus Cast
lus, Baldus Baldus, Balthasar Bonannus, Franciscus Per
publicis scriptis Opobalsamum pharmacopœis incogn
asserentes. Quibus hæc, quæ veritatis tuendæ studio so
fragatum summitto, tantum cedunt,

Puniceis humilis quantum saliuunca rosetis.

In iis tamen hanc mihi præcipuè operam sumpsi, ut oster
derem, nihil à P. Alpino de Balsami stirpe, lacrymæq
prastantis vel criteriis, vel facultatibus, literis diuulga
fuisse, quod non Dioscoridis, inter veteres de Opobalsam
scriptores ^{τελείας ἀπὸ δὲ οὐκ}, doctrinæ optimè consentiret. E
regrino deinde Pitorio me patefacere, cui quæ de co
trouerso liquore testatus fueram, parū liquidè constabat.
Tuum erit, amice lector, æquiter omnia, & remoto,
dicitur, velo expendere, quum nobilis ea, de qua conten
tio est resina, haud secus; quàm priscum illud, sacrum
^{طبر} ^{طاب}, ex aromatis suauius compositum unguen
tum, Deo, bonæque Valetudini consecrata fuerit: quo
rum illum, atque hanc, ut propitiam habeas, ex animo
voueo.

In Vindicias Opobalsami

Perillustris & Excellentissimi Viri

IOANNIS VESLINGII

EQVITIS,

Et in Patavino Lycéo Anatomen, & Pharmacian
in prima sede profitentis,

ELOGIUM.

Balsama odoratis demessa Orientis in oris

Sacrilegæ Solymis surripuère manus.

ortice dissecto iam non opobalsama sudant,

Ulla nec in cornu gutta serena fluit.

ic perijsse putant pretiosum vulgo liquorem,

Partus Idumæi qui fuit ante soli.

Nunc tamen in lucem reuocat *VESLINGVS* apertam

Nec sinit in terris ligna beata mori.

empe ydem manant fragranti è stipite succi,

Ploratu quondam quos sua planta dabat.

a age, vir sapiens, tibi fac durable nomen,

Ut longum durat Balsami amœnus odor.

oc Arabes, Indiue ferant; tibi laudis odorem

Hic liber ultra Indos, ultra Arabasque feret.

Scipio à Grandimonte.



Prima Palestinae cessantia balsama ferro,
VESLINGI calamo iam rediuiua vigent.
Hæc equiti diues Nilo dedit arma Cairus,
Hæc Latio Solymis ille trophæa tulit.
Fidis plus oculis, quàm famæ credimus uni:
Inde licet famæ sit quoque nata fides.
Redde nouo meritos victori Roma triumphos:
Innocuus turbis præstat in Vrbe liquor.

Ioannes Rhodius.

Noi Reformatori del Studio di Padoa

HAuendo veduto per fede del Molto R.P. Inquisitore del S. Ufficio di Padoa, che nel Libro intitolato Ioannis Veslingij Opobalsami Veteribus cogniti Vindiciæ non si troua cosa alcuna contra la Santa Fede Catolica, inparimenti per attestationi del Segretario Nostro, non vi si troua cosa alcuna contra Principi & buoni costumi, concedemo licenza, che sia stampato, douendosi offeruar quanto per legge in proposito di stampe, con conditione che non sia venduto se prima non vien presentato vno per la Libreria publica, giusta la parte dell'Eccell. Senato de 2. Decemb. 1622. In quorum fidem, &c.

Venetia a' 3. di Nouembre 1643.

{ Batista Nanni Reff.

{ Pietro Foscarini Reff.

Aluise Querini Seg.

Ioanni Veslingio Equiti, Viro clarissimo.

Aloysius Quirinus S. P.

VIndicias tuas Opobalsami veterum, contra recentiorum quorundam inscitiam vidi, legi, & approbaui. Veslingii enim sunt, hoc est, doctissimi viri, qui scientias omnes callet, & in his studiosissime summo posterorum fructu ætatem consumpsit. Laudent ii qui profitentur tanta hæc, cum illa degustarint, palatoque suauissima experimento comprobarint. Quare quantò citius effice ut edantur, &c.

Die 16. Octobris 1643.

Opus cui titulus Ioannis Veslingii Opobalsami Veteribus Cogniti Vindiciæ, quod fuit examinatum ab Excell. D. D. Ioanne Cottunio, & Octauio Ferrario, cuius initium, Quæ in florentissimo, &c. Et finis, Laboremus, &c. fuit pro impressione Paduæ visum etiam & approbatum supradie, & anno, cum nihil contra fidem, Principes, seu bonos mores in ipso reperiatur.

Ita est ego Fr. Antonius Vercellus à Lendenaria
Inq. Generalis Paduæ.

Eruditissimum hoc opus Præclarissimi, & Excellentissimi Ioannis Veslingii Equitis, & in Patauina Vniuersitate Botanices, & Anatomiae Primarii Professoris, Hortique medici Præfeti; cui inscriptio, Opobalsami Vindiciæ, Ego Ioannes Cottunius diligentissimè, ac summa cum voluptate perlegi. Nec quicquam in eo reperi à Catholica pietate morumue probitate deuium. Quin uerò doctrinæ soliditate, & singulari elegantiae candore ita vbique est firmatum, atque inspersum, ut per manus, & ora doctorum hominum volitare mereatur. In quorum fidem, &c.

Ioannes Cottunius
Philos. primi loci ordinarius
qui supra.

Reuerendissimi P. Hæreticæ prauitatis Quæstitoris iussu, Vindicias Opobalsamo ab Ioanne Veslingio Viro Clarissimo latas legere, pretium fuit. Quo in opere, non modo nihil occurrit quod Christianum lectorem moretur, aut turbet, quodque politica toruitas secus dictum interpretetur: sed suus superis honos constat, qui in eo succo quoddam immortalitatis simulacrum posuerunt: nec indignatur superis æqua potestas Regium liquorem in ordinem privati usus cogi, qui omnem seculi morumque tabem procul habeat. Patauii V II. Kal. Nouembris MDCXLIII.

Octavius Ferrarius
Eloquentiæ, & Græcæ linguæ
Prof. ordinarius.

INDEX

INDEX

MEMORABILIVM IN VINDICIIS.

A



- Abensina* accuratè rē medicam tractavit. 34.
- Abensina* de opobalsami caliditate sententia. 24.
- Abensina* interpres de verbo Solvi notatus. 30.
- Abensina* interpres de opobalsami quantitate explicatus. 18.
- Abensina* interpres de condensatione notatus. 30.
- Abensina* interpres accusatur. 11.
- Abdalla* dux Saracenorum. 5.
- Ab el moschi* odor Opobalsamo præferatur. 11.
- Abietis*, & pini lacrymæ opobalsami succedanea. 40.
- Acidus spiritus* an in opobalsamo. 48.
- inest etiam dulcibus. 48.
- facile resinis educitur. 48.
- Egypti hortus* balsamum alens. 11.
- Egyptus* nō est balsami natale solū. 13.
- quare educando balsamo non idonea. 14.
- Egyptus sacchari* copiā producit. 45.
- eria* & terrea non iunguntur. 30.
- thmet Habibus* laudatus. 17.
- opobalsamum ignis opera colligi prodidit. 17.
- lbedo* opobalsami per aquā diffusus. 9.
- rosp. Alpinus* plantarum exoticarum peritus. 52.
- balsami illustrator. 3.
- rectè veteribus ignorantiam obiecit. 41.
- an opobalsamum triviale fere. ib.
- opobalsamum magnis *Hetruriæ Ducibus* donavit. ib.
- Prosperi Alpini* de adhæsione opobalsami dubium. 27.
- ab eodem recognita sublatum. 27.
- Antiqui* de opobalsamo pugnantia scripsere. 45.
- iisdem non immerito ignorantiam obiecit *Alpinus*. ib.
- pleraque auditu de opobalsamo acceperunt. ib.
- exotica medicamenta in antidotis usurparunt. 43.
- falsi *Iudæam* balsami patriam instituerunt. 7.
- Antiquorum* diligentia in rerum utilium inventione. 1.
- luxus in unguentis disperdendis. 25.
- proclivitas in opobalsamo adulterandis. 25.
- Aquarum fontis Matabariæ* virtus. 13. 14.
- Arabes* maxima gens. 5.
- multis victoriis clari. 5.
- hodie *Turcis* rebelles. 5.
- quomodo balsami succum colligant. 8.
- cur olim balsamū colere desierint. 8.
- cur denuo excolant. ib.
- thuris* & *myrrhæ* arbores celarunt exteris. 6.
- an decoctione opobalsamum parent. 17.
- opobalsamum quo ordine examinent. 19. 41.

I N D E X.

<i>balsami arborem quando & quoties incidunt.</i>	16.	<i>quibus instrumentis facta.</i>	16.
<i>Arabia quare felix habita.</i>	5.	<i>Ferrum quomodo reformidet balsamum</i>	16.
<i>pluribus locis balsamum alit.</i>	6.	<i>Balsami planta difficulter apud Arabes cognosci potest.</i>	6.
<i>ab Augusto Cesare expetita.</i>	5.	<i>qui revelarunt iterum Europæis.</i>	3.
<i>ab Alexandro M. desiderata.</i>	ib.	<i>Lacryma balsami raro & parçè stilla- vit.</i>	16.
<i>odoratis gignendis apta.</i>	6.	<i>est spontanea vi elicit.</i>	ibid.
<i>serpentes habet lethiferas.</i>	10.	<i>Lacrymam balsami quomodo excepe- rint.</i>	17.
<i>Arabes odorata ladebant.</i>	5.	<i>Lacryma balsami maculam parit, & non parit.</i>	26.
<i>reges circa sterquilinia sepeliebāt.</i>	5.	<i>non resolvitur in spiritus.</i>	27.
<i>Arabes exarserunt in tumultus.</i>	46.	<i>Lacrymæ balsami terebinthina vitiata cognitio.</i>	25.
<i>Arabibus unde divitiæ.</i>	5.	<i>Lacryma balsami vestibus instillanda.</i>	26.
<i>Arabes pigri, & dissoluti.</i>	8.	<i>neccessario adheret.</i>	26.
<i>Arabes infesti christiano nemini</i>	43.	<i>non diffundit se ut oleum.</i>	26.
<i>Ars naturam imitatur.</i>	56.	<i>ablutione tollitur.</i>	26.
<i>Ars naturam perficit.</i>	22.	<i>quæ facile vel difficile lotionem aufera- tur.</i>	26.
<i>Arte producta sunt secundum se natu- ralia.</i>	56.	<i>Liquor balsami vitiatus velut oleum innatat.</i>	22.
<i>Asperitas plantarum unde.</i>	14.	<i>non vitiatus quaquaversum expan- ditur.</i>	32.
<i>Augmen i lætioris in plantis causa.</i>	19.	<i>crassescens fit deterior.</i>	32.
<i>Marcus Anantius Chirurgus opobal- samum agnovit.</i>	57.	<i>sincerus non petit fundum.</i>	33.
B		<i>Succus balsami facile solubilis quis sit</i>	23.
<i>Baldus Baldus opobalsamum Pa- tavium mittit.</i>	11.	<i>Liquor balsami facili solubilis quare laudetur.</i>	23.
<i>Balsamum facile propagatur.</i>	45.	<i>Liquoris balsami levitas laudetur.</i>	23.
<i>Balsami arboris magnitudo.</i>	12.	<i>Balsami succus neccessario mutabilis.</i>	33.
<i>quare fruticosa.</i>	ib.	<i>per quas causas mutetur.</i>	33.
<i>folia cur rutæ comparata.</i>	ib.	<i>Balsami succus celerius funditur alijs resinis.</i>	31.
<i>folia an perennia.</i>	13.	<i>celerius funditur terebinthina.</i>	31.
<i>foliorum color quomodo mutetur.</i>	12.	<i>Succi balsamici boni notæ.</i>	19.
<i>Judæa ubi balsamum aluerit.</i>	13.		
<i>an duobus tantum hortis.</i>	ib.		
<i>Exilitatis ramorum balsamici causa.</i>	14.		
<i>Balsami dfferentia in longitudine, aspe- ritate, tenuitate.</i>	14.		
<i>Balsami plantam quis ex Arabia ad ex- tera detulerit.</i>	7.		
<i>Balsamum quare perditum visum.</i>	2.		
<i>Incisio balsamici corticis non semel tantum facta.</i>	16.		

I N D E X.

- recens quare laudatur.* 19.
recens quis nobis habendus, 19.
Succus balsami quomodo lac denset. 28
quando fortiter, aut imbecilliter den-
set. 29.
Succus balsami adulteratus quis pro-
prie habendus. 22.
Balsami succus quomodo calidissimus.
 23.
non est tam calidus ut arbitran-
tur. 24.
Balsami si vestris semen. 36.
Lignum & fructus balsami adulterari
negat Galenus. 36.
Fructus balsami quo adulteratur semi-
ne. 36.
Bassæ Aegypti balsamum ex Arabia
petunt. 7.
eorum incuria causa perdit balsami. ib.
Honorius Bellius balsami plantas aluit.
 3.
Petrus Bellonius balsami observator. 2.
Balthasar Bonannus opobalsamum de-
fendit. 57.
Busbequii opobalsamum cur medicis
suspectum. 49.
- C
- C** *Alceolario opobalsamum quale*
fuerit. 52.
eiusdem laus, & industria. ib.
Calissi balsamum in Aegyptum retule-
runt. 7.
Carpobalsami descriptio. 9.
affertur sæpè recens. ib.
ex eo nata in Italia planta. ib.
Carpobalsami examen & usus. 35.
sit flauum aut rufum. ib.
plenitudo eius quæ satis sit. ib.
amplitudo & pondus. ib.
similitudo cum terebintho. ib.
sit gustu feruidum. 36.
- Opobalsamum redoleat.* ib.
eius calor quatenus intensus. ib.
secundariam habet agendi vim. ib.
odoratum admodum. ib.
cur odorem diutius servat. ib.
quomodo odoratus succo. ib.
Carpobalsamum viribus opobalsamo si-
mile. 38.
varijs pectoris affectibus conducit. ib.
an peripneumonicis conveniat, &
quando. ib.
Ischiaticis & epilepticis qua ratione
opituletur. ib.
Carpobalsami succedaneum. 40.
Cephalici pulveres antiquis probati. 39
a. L. Septalio, cum Magato reijciun-
tur. 39.
quomodo & quando prosint. ib.
Chalcantura quomodo concresecat. 29.
Chymica arte elicitæ, an naturales rei
partes. 22.
Chymicè elicitorum differentia. 22.
Chymicè preparata au à natura sua val-
dè diversa. 56.
Chymici est empyreum a contractum au-
ferre. 56.
Cleopatra balsami regione donata. 13.
balsamum in Aegyptum transtulit.
Climatum differentia parit diversitatem
in plantis.
Coagulare propriè quid. 28.
Coaguli natura & vires. 28.
Coagulum lacti facilimè miscetur. 28.
Coagulatio opobalsami est imperfecta.
 28.
Coagulatio non potest è resinositas fieri. 28
Coagulationem lactis quid in opobalsa-
mo impediatur. 34.
Coloris mutati in corpore humano cau-
sa. 31.
Concretionis causa Aristoteli. 29.

INDEX.

- Concretio lactis non eodem tempore ab-*
soluitur. 30.
Condensationis causa Chymicis. 29.
Constans Imperator ab Arabibus vi-
ctus. 5.
Constantinus an ex sola Aegypto opo-
balsamum habuerit. 18.
Constantinus opobalsamum templis di-
cavit. 15.
Aloysius Cornelius consul opobalsami
acris censor. 9. 10.
Sublunaria sunt obnoxia corruptioni.
 33.
Creta sumministrabat herbas ad antido-
ta. 24.
Cretæ plantæ infinito præstare alijs vi-
sa. 43.
Curæ vanæ quo impellant homines. 1.
Petri Castelli de opobalsamo decoctione
elicitæ dubitatio. 56.
- D
- D** *Annotus balsami plantas aluit.* 9.
Densare non est coagulare. 28.
Densatio in lateribus, melle, & opo-
balsamo non est coagulatio. 28.
Dioscoridis ex Galeno encomium. 11.
Dioscoridis laus in manifestandis frau-
dibus opobalsami. 26.
Dioscorides omnium optimè de materia
medica scripsit. 34.
quædam ex historijs aliorum hausit.
 46.
de caliditate opobalsami explicatus.
 24.
de quantitate opobalsami explicatus.
 17.
nomen levitatis opobalsamo non tri-
buit. 48.
quo modo de macula opobalsami in-
terpretandus. 51.
Ipsi quid vox iudæ & significat. 48.
- Diuinis posse & esse idem est.* 3.
Dohen quid Arabibus. 1.
- E
- E** *Effectus temperamentum consequen-*
tes cum eo mutantur. 4.
Engaddi oppidum in valle Hierichun-
tis comprehensum. 13.
Eudætor quid Dioscoridi. 23.
Expensio super aquas resinis & opoba-
samo quomodo communis. 53.
- F
- Mortalibus fætor cognatus.* 24.
- G
- G** *Alenus opobalsami adulteratio-*
nem subiticit. 25.
Galenus Palæstinam opobalsami causâ
accessit. 43.
Aelius Gallus Arabes invadit. 5.
Stephanus de Gasparis patronus phar-
macopæarum. 4.
naturam opobalsami in odore pavit.
 47.
extollit odorem super omnia nostræ
hemisphærij odorato. 16.
Giggeio quid Rotolo. 28.
Melchior Guilandinus balsamum in
Aegypto vidit. 3.
- H
- H** *Eliogabalus opobalsamo abusus.*
 15.
Georgius Hemus consul Venetus. 3.
Heraclides Tarentinus quos præconi-
bus compararet. 43.
Herbarij imperatorum in Creta. 43.
Principum studium in collectione her-
barum. 24.
Hermeticorum de concretionem senten-
tia. 29.
Hierichuntis vallis amœnitas. 13.
- bal.

INDEX.

Balsamum possidebat. ib.
Homogenea tantum miscentur. 30.
Hyperici seminis similitudo cum terebintho. 36.

I

Ignis plura perdat an generet, dubitat Pitorius. 56.
Ignis pro gradu intensiōis diversimodè operatur. 56.
Incuriæ damna. 1.
Indi opobalsamo similes resinas decoctione parant. 17.
Difficultas inveniendorum non absterret generosos animos. 42.
Iosephus de Sabæ regina explicatus. 7.
Iosephus à contradictione vindicatus. 13.
Iosepho cur opobalsamum pretiosissimum. 20.

L

Lætescere num opobalsami proprium sit. 53.
Locus quomodo sit mutationis causa. 54.

M

Moannes Manelphus opobalsamū laudat. 57.
Antoni Manfredi laus. 3.
Cognitio medicamentorum ex auctorum lectione est insufficiens. 26.
Mel bymettium & opobalsamum Romæ obviū fuit. 24.
Alexander Menginus opobalsami assertor. 57.
Iesue opobalsamum coctione colligi scribit. 17.
Mercurius Chymicorum est spiritus. 29.
Istura vox de opobalsamo non usurpata. 52.
Moannes Molinus linguarum orientalium interpres. 57.

N

Noannes Nardius opobalsamo assertor peritissimus. 57.
Cosmi de Nigris laus. 11.
Opobalsamum damnatum Venetiæ attulit. ib.
Opobalsamum vili emere potuit. 19.
Opobalsamum à quo, & quanti emerit. 58.
eiusdem virtus æstimata. ib.

O

Oculus solis Abensina hodie hortus el Mataharia. 13.
Odor aromatum magni à Galeno habitus. 47.
Odor manifestat non bonitatem tantum plantæ; sed & ipsam. 47.
Odorata an cephalalgiam curent. 37.
Mediocria optima. 37.
Odor validus quid indicet. 20.
Odor & sapor in examine opobalsami non negligendi. 50.
Oleum uniperi celeriter diffunditur. 32.
Mauritanicum oleum pro opobalsamo venditum. 25.
eius differentia à balsami succo. ib.
Oleum aliter maculat, quàm opobalsamum. 51.
Causæ opobalsamum necessario mutant. 49.
Opobalsami controuersia ubi & à quibus disceptanda. 4.
Opobalsamum est Sericum, cuius in sacris literis fit mentio. 7.
ab antiquissimis seculis in Palestinā & Syriam delatum. 7.
Opobalsami consistentia varia. 10.
odor acris recluso vase. ib.
odor eius circa facies. ib.

††

usus

INDEX.

- | | |
|---|--|
| <p><i>usus in theriaca.</i> ib.</p> <p><i>Opobalsamum quomodo coctione frondumparetur.</i> 17.</p> <p><i>Lana abstersum opobalsamum.</i> 16.</p> <p><i>Opobalsami copia tempore Plinii & Solini.</i> 8.</p> <p><i>Opobalsamum in & extra aquam late-
sit.</i> 53.</p> <p><i>Opobalsami fragrantia non est nimium
extollenda.</i> 59.</p> <p><i>notae debent eius naturae consentire.</i>
ib.</p> <p><i>De opobalsamo quis optime iudicare
queat.</i> 45.</p> <p><i>Opobalsamum facile inter Arabes abun-
dare posse.</i> 45.</p> <p><i>Sincerum opobalsamum quod.</i> 22.</p> <p><i>Opobalsamum improprie ελαιον oleum
dici.</i> 15.</p> <p><i>Opobalsamum an semine adulteretur.</i>
22.</p> <p><i>Recens opobalsamum non petit fundum.</i>
53.</p> <p><i>Caniculae ortus Opobalsamo colligendo
aptus.</i> 16.</p> <p><i>Opobalsamum intra annum insigniter
densari.</i> 49.</p> <p><i>Opobalsamo nil obest quod ab aliquot
pharmacopoeis non fuerit cognitus.</i>
57.</p> <p><i>Opobalsamum esse resinam.</i> 15.</p> <p><i>Essentia opobalsami non consistit in col-
lectionis modo.</i> 58.</p> <p><i>non in conditione emptoris aut vendi-
toris.</i> 58.</p> <p><i>non in pretii magnitudine aut vilita-
te.</i> 58.</p> <p><i>Opobalsami gutta multum lactis non
densat.</i> 52.</p> <p><i>densat partem lactis quam attingit.</i>
ib.</p> | <p><i>soluta statim debilior fit.</i> ib.</p> <p><i>Opobalsamum esse succum pinguem, esse
viscidum.</i> 15.</p> <p><i>Opobalsamo etiam optimos faeces depo-
nit.</i> 57.</p> <p><i>Acidum opobalsamum sapore Veslingio
non perceptum.</i> 48.</p> <p><i>Opobalsamum decoctione parari quare
facile.</i> 17.</p> <p><i>Opobalsamura arte elicatum esse geni-
num eius succum.</i> 56.</p> <p><i>Opobalsamum spissamentis unguentorum
additum.</i> 38.</p> <p><i>Odor opobalsami rutae similis.</i> 20.</p> <p><i>terebinthina & thure praestantior.</i>
21.</p> <p><i>suavior resinis veteribus cognitis.</i> 21.</p> <p><i>Opobalsamum vino & homini quomodo
simile.</i> 19.</p> <p><i>Lave opobalsamum unde, & quale sit.</i>
23.</p> <p><i>Adstrictio & mordacitas opobalsami
qualis.</i> 23.</p> <p><i>Odor opobalsami qualis veteribus ha-
bitus.</i> 20.</p> <p><i>cur eximius Theophrast.</i> 20.</p> <p><i>Odor opobalsami non superat ambrae fra-
grantiam.</i> 20.</p> <p><i>non Iasmini & bammiae moseatae.</i> 21.</p> <p><i>Odora suavitas opobalsami varia.</i> 21.</p> <p><i>pro ratione aetatis, collectionis, con-
sistentiae.</i> 21.</p> <p><i>ratione loci, & vecturae.</i> ib.</p> <p><i>Odor in Syriaco opobalsamo an suavior,
quam Arabico.</i> 21.</p> <p><i>Subacidum opobalsamam improbatur.</i>
22.</p> <p><i>propter quas causas tale fiat.</i> 22.</p> <p><i>Syriacum opobalsamum facilius acesce-
re potuit.</i> 23.</p> <p><i>Opobalsamum recens subacidum vapo-
rem</i></p> |
|---|--|

INDEX.

- | | |
|---|---|
| <p>rem spirat. 23.</p> <p>Opobalsamum quando defuit. 18.</p> <p>Othmannus Abutalib opobalsami examinador. 9.</p> <p>Arabicum opobalsami habet notas omnes sinceritatis. 35.</p> <p>est idem cum illo, quod Iudæo quondam produxit. 35.</p> <p>Arab. Opobalsamum an adulteret. 25.</p> <p>Arabes cur non adeo copiosum opobalsamum colligant. 18.</p> <p>Opobalsamum ex Arabia nunc temporis petendum. 43.</p> <p>Arabicum opobalsamum lac densat. 30.</p> <p>Arabicum opobalsamum lotione auferitur. 27.</p> <p>Arabicum opobalsamum habet omnes bonitatis notas. 24.</p> <p>Adulteratio opobalsami quibus facta fuerit. 24.</p> <p>antiquissimis seculis recepta. 24.</p> <p>Cahiri opobalsami vitiatum. 25.</p> <p>Byzantio aliquando opobalsamum deesse. 46.</p> <p>Opobalsamum raro in Græcia purum reperiatur. 24.</p> <p>Venetis opobalsamum satis obvium. 44.</p> <p>Opobalsamum vetus non sustinet examen recentis. 44.</p> <p>Patavii qui opobalsamum possederint. 44.</p> <p>Opobalsamum multa simul possidet, quæ in alijs singula. 32.</p> <p>Opobalsamum recens non manet sub aqueis. 30.</p> <p>Opobalsamum et hodie tam copiosum dubitatur. 46.</p> <p>Opobalsamum secundum ætatem variat. 34.</p> | <p>quando fundum petat, & ob quam causam. 34.</p> <p>quando sursum remeet, & quando non. 34.</p> <p>Odorem opobalsami parvi ducit Peregrinus Pitorius. 47.</p> <p>quomodo à Prospero Alpino sit determinatus. ib.</p> <p>ture & terebinthina suaviorem esse. ib.</p> <p>Opobalsamum non parit maculam. 27.</p> <p>lac densat, & quomodo. 28.</p> <p>lacti & aquæ non miscetur. 28.</p> <p>non adstringit fortiter. 28.</p> <p>expansione debilitatur. 28.</p> <p>salem habet coagulantem. 28.</p> <p>Notæ opobalsami puri an immutabiles. 33.</p> <p>an constituent differentiam specificam. 33.</p> <p>Lacryma unica opobalsami latè superficiem occupat. 31.</p> <p>Lacrymæ opobalsami artificiosa plaga elicitæ. 55.</p> <p>Crassitiem opobalsami sequitur pertinacior adhesio. 33.</p> <p>Opobalsamum quodnam habendum genuinum. 32.</p> <p>quodnam bonum, & incorruptum. 32.</p> <p>Senectus in opobalsamo omnia deteriora facit. 33.</p> <p>Expansio opobalsami est æqualis. 31.</p> <p>Solutio opobalsami non indiget agitatione. 31.</p> <p>Solutionis repentinæ causa. 31.</p> <p>Solutionem opobalsami quid retardet, & tollat. 31.</p> <p>Solutionem opobalsami consequitur eius condensatio. 31.</p> <p>Opobalsamum densatum lactescit. 31.</p> |
|---|---|

- causa lactescencia in opobalsamo.* 31.
Dilatationem opobalsami quid impediatur.
 34.
Opobalsamum celeriter funditur. 30.
Opobalsami celerior fusio signum Arabibus precipuum. 30.
Fundi opobalsamum idem est quod solvi & liquari. 30.
Solutio opobalsami non est mistio. 30.
Opobalsamū Syriacum an magis denset quàm Arabicum. 30.
Syriacū opobalsamum temperatius. 30.
Succedanea opobalsami quæ. 39.
Opobalsamo substituta myrrha statim. 39.
Opobalsami usus in vulnere temporum cum fractura ossis. 39.
Opobalsami vis adversus acconita & viperæ venenum. 38.
Opobalsami utilitas in affectibus ventriculi, & uteri. 37.
in difficultate respirandi. ib.
in calculis renum. ib.
Opobalsamo Tolutana & Peruana lacryma substituta. 40.
oleum ex terebinthina flavum destillatum. ib.
oleum nucis moscata plurimum consensu adhibitum. ib.
Opobalsamum quomodo vim habeat efficacissimam. 37.
oculorum affectibus quibus & quomodo medeatur. ib.
capitis dolores mirè mitigat. ib.
Opobalsami vis adversus pestem vires 38.
in vulneribus. 11.
Opobalsamum defunctis datum. 19.
Opobalsami unguentis vitiatum cognitio. 26.
Turcarum Imperatori quantum opobalsami mittat. 40.

P

- P Amphili herbarij scriptoris vantas.* 43.
Vincentij Panutij diligentia. 3.
Partum & secundinas quæ promoveantur. 37.
Peruana lacryma balsami succo substituta. 40.
Pharmacopæos quid impulerit ad opobalsamum damnandum. 4.
Pharmacopæorum impetus in opobalsamo damnando. 3.
Philosophia ansa. 46.
Philemonis Comici sententia laudata. 59.
Pinguia semper superstant aqueis. 35.
Peregrinus Pitorius pharmacopæorū propugnator. 4.
epistolis Veslingij abutitur. ib.
Peregr. Pit. frustra dubitat an carpobalsamum deferatur. 44.
quantitate opobalsami offenditur. 44.
Peregrini Pitorij impetus in oppugnando balsami succo. 41.
blanditiæ erga Baldum. ib.
iudicium de Donzellio. ib.
Censura P. Pitorij quibus fundamentis nitatur. 5.
P. Pitorius rationes Cl. Baldi infirmas docuit. 5.
negat Manfredo usurpatum opobalsamum fuisse sincerum. ib.
experimentum de macula principale exstimat. ib.
Alpinum substernere cogitat fundamentis. ib.
Peregr. Pit. à venalibus opobalsamis cavendum censet. 50.
Per. Pitor. Alpinum Matthiolo post

I N D E X.

- ponit frustra. 51.
- Peregr. Pitorius testibus de opobalsamo fidem abnuit. 53.
- P. Pitorij processus veteris iustitia nil derogat opobalsamo. 58.
- Peregr. Pit. opobalsamum spissius fieri confitetur. 49.
- Peregr. Pit. notæ sinceritatis sunt immutabiles. 48.
- Peregrinatio solemnis Meccam. 8.
- quare gestatio vestis dicta. ib.
- quando & quot diebus absolvitur. ib.
- Pharmacopæorum de opobalsamo iudicium. 56.
- Pharmacopæi neque Dioscoridi neque Alpini scripta intellexere. 57.
- iidem ob proterviam vix excusabiles. ib.
- iisdem opponuntur pharmacopæi rectius sentientes. ib.
- Plinius scribit quæ Dioscoridi adversantur. 46.
- Plinius multis mendis fœdatus. 34.
- Plinius de subsidentia opobalsami rejicitur. 34.
- in materia medicæ æstimatione Dioscoridi postponitur. 34.
- Plinius cur odorem extulerit opobalsami. 20.
- Ponæ patris opobalsamum idem cum nostro. 52.
- Ponæ filij testimonium de opobalsamo Arabico. 52.
- Idem laudatus. ib.
- Petra oppidum Arabiæ. 26.
- quid Dioscoridi: quid Theophrasto, & Aristoteli. 28.
- Pulli in furnis exclusi sunt naturales. 56.
- Pulmonibus obstructis quæ remedia meliora. 38.
- Cassianus de Puteo eques laudatissimus. 57.
- ## R
- Otolo quid Arabibus. 18.
- Resinosi liquores omnes qualitates variant. 49.
- Ruellius de effusione, & inbatione opobalsami ansam præbuit dubitandi. 26.
- Ruellius de cera Cypria notatus. 25.
- ## S
- Sabæ regina Salomoni balsamum donat. 7.
- an Aethiopum Regina & Aegypti fuerit. 7.
- fuit Regina al Iamini. 7.
- Saccharum est succus naturalis calami sui. 56.
- Saccharum quomodo concreseat. 29.
- Sal chymicis quomodo accipiat. 29.
- Sal est causa proxima concretionis. 29.
- Io. Dominicus Sala laudatus. 44.
- Saladinus & Sethus de opobalsami subsidentia rejiciuntur. 34.
- Cl. Salmasii laus. 34.
- animadversio in Plinium de generibus balsami. 14.
- Marius Schipanus opobalsamo subscribit. 57.
- Veterum scripta quis spernat. 46.
- Selim Imperator Aegyptum et Arabes domas. 5.
- Seriffi munera ad imperatorem Turcarum. 8.
- Marcus Aurelius Severinus Chiron alter. 57.
- Ludovicus Septalius notatus. 39.
- Petri Servii opinio. 20.
- Gulielmus Sobierus laudatus. 9.
- Strabo de viribus Opobalsami. 37.
- Succus ὀπὸς quatuorplex Theophrasto. 15.

I N D E X.

<i>Succi lacrymati quales.</i>	ib.	<i>odore tantum consueto paululum</i>
<i>Lacrymati succi sunt odorati.</i>	15.	<i>flexisse.</i>
<i>Suffusioni quæ remedia apta.</i>	37.	<i>Epistola Veslingij ad Baldum Ba</i>
<i>Sulphuris balsamici effluxus pallorem</i>		<i>prior.</i>
<i>efficit.</i>	31.	<i>eiusdem epistola altera.</i>
<i>Sulphur insitum opobalsami in quo co-</i>		<i>Veslingium à veteribus diversa asse</i>
<i>piosius.</i>	55.	<i>re nil prohibet.</i>
<i>Sylæi Arabum legati astutia.</i>	5.	<i>Opobalsamum decoctione elici fan</i>
		<i>tantum accepit Veslingius.</i>
		<i>Vestimenta quibus instillatum opob-</i>
		<i>samum varia.</i>
		<i>Veteres duces nostri non domini fueri</i>

T

T <i>Acitus de incisione balsami expli-</i>		
<i>catus.</i>	16.	
<i>Tempus fabro malo comparat Crates.</i>		
	33.	
<i>Ossis temporum perforatio.</i>	39.	
<i>Tenacia difficilius abluuntur.</i>	33.	
<i>Terebinthina odoratissima Theophra-</i>		
<i>sto.</i>	20.	
<i>Terebinthi cum balsamo similitudo.</i>	40.	
<i>eius lacryma, oleum, fructus, & ra-</i>		
<i>muli balsami succedanea.</i>	ib.	
<i>Expertis & oculatis testibus creden-</i>		
<i>dum.</i>	50.	
<i>Theophrastus opobalsamum ex aliorum</i>		
<i>relatione describit.</i>	45.	
<i>Arbor thurifera Deo sacra.</i>	6.	
<i>Tolutana lacryma cur opobalsamo sub-</i>		
<i>stituenda.</i>	40.	
<i>quæ non eligenda pro succedaneo.</i>	ib.	
<i>Turcæ unguentis non sunt dediti.</i>	19.	
<i>corum fœminæ stybio & ligustro con-</i>		
<i>tentæ.</i>	19.	

V

I <i>oannis Baptista Valtropus opobalsa-</i>	
<i>mum probavit.</i>	57.
<i>Veslingius de controverso opobalsamo</i>	
<i>quid senserit.</i>	58.
<i>Veslingium balsamum controuersum</i>	
<i>legitimum asserere.</i>	54.
<i>nullis heterogeneis admixtis vitia-</i>	
<i>tum.</i>	55.

<i>odore tantum consueto paululum</i>	
<i>flexisse.</i>	
<i>Epistola Veslingij ad Baldum Ba</i>	
<i>prior.</i>	
<i>eiusdem epistola altera.</i>	
<i>Veslingium à veteribus diversa asse</i>	
<i>re nil prohibet.</i>	
<i>Opobalsamum decoctione elici fan</i>	
<i>tantum accepit Veslingius.</i>	
<i>Vestimenta quibus instillatum opob-</i>	
<i>samum varia.</i>	
<i>Veteres duces nostri non domini fueri</i>	
	54
<i>Gratitudo veterum adversus benef</i>	
<i>ctores.</i>	
<i>Viscida adherent tenacius.</i>	
<i>Vitra Europaorum magno pretio rea</i>	
<i>munt Indi.</i>	
<i>Unguenta præstantiora veterum qual</i>	
<i>fuerint.</i>	
<i>Luxus veterum in unguentis.</i>	
<i>Unguenta quibus opobalsamum viti-</i>	
<i>tum.</i>	
<i>Urbani V I I I. Pontif. M. prudentia.</i>	
<i>Exemplum curati periculosi vulnera</i>	
<i>adhibito opobalsamo.</i>	

X

X <i>ylobalсами descriptio.</i>	
<i>odor faciliè resolvitur.</i>	
<i>Xylobalсами succedaneum.</i>	
<i>Xylobalсами examen.</i>	
<i>Xylobalsamum requiritur recens.</i>	
<i>cito resolvitur, & quare.</i>	
<i>sit tenui surculo, & rufum.</i>	
<i>spiret opobalsamum.</i>	
<i>affertur sæpè recens.</i>	
<i>femine seu fructu balsami debilius.</i>	
	38.
<i>quibus morbis medeatur.</i>	
<i>quomodo convulsis auxiliatur.</i>	
<i>Convulsioni causa quæ sint.</i>	

Xylo.

INDEX.

Xylobalsami usus in vulneribus. 38.

pulvis ad osium laserum desquamationem confert. 39.

pulvis unguentis additus. ib.

Z

P*aulus Zacchias opobalsami vindex*

57.

Zacconis oleum opobalsami titulo venditum. 25.

quale sit, & quomodo paretur. 25.

eius differentia ab opobalsamo. 25.

Errores operis propterantibus relictis, pagina lineaque sub- iecta, ut sequitur corrigantur.

In pref. ad Lectorem eum iure

Pag.	Lin.		Pag.	Lin.	
2	7	propius	47	32	cura
3	18	Alpinus Marosticensis	47	37	vergat
7	28	auditas	47	40	odoranti
8	29	transigens	49	10	colorem
10	16	concreti	49	21	incessabilem
14	18	varietatem	50	12	pharmacopoliis
20	23	myropoliis	51	40	inerti
22	16	abjecisse	53	13	amicitię
24	1	coercens	54	14	reiciendum
25	17	irrorato	54	26	aperuerint
26	40	instillandum	54	30	ęternaque
28	9	spissatione	55	9	larvas
31	6	abiete	55	11	nomine
31	9	equi	55	35	artificiofa quadam
35	33	propius	57	37	<i>syriæ</i>
37	33	quo	67	22	theatro
39	16	contusarum	70	19	homine
41	3	variarum	77	38	nihilominus
41	22	disperdere	80	41	Germaniæ
42	21	Epidaurius	82	16	crocus & in
43	4	Theriacam	83	11	Alteram
43	14	difficultatum	84	41	succus
44	12	id	87	9	sententia
44	35	suarum	87	27	iratum
45	3	curiosę	95	16	non idem
46	40	contraria			

7

IO: VESLINGII

OPOBALSAMI

ANTIQVIS COGNITI

VINDICIÆ.



VO sunt, quæ res clarissimas, usque maximas, spissa nocte involuunt. Incuria generis humani, & vana cura: quorum altera desidiæ torpentis abortus est, altera prurientis ingenii morbus molestissimus. Dili-

gentiæ quidem priscorum acceptum ferimus, quod cum alia quorum possessio vitam nobis jucundam peperit, tum humanæ valetudinis præsidem artem, quæ paucarum olim herbarum scientia fuit, multiplici remedium varietate locupletatam obtinemus. Nihil enim iis intentatum, nihil deinceps occultatum fuit, quod profuturum posteris scirent. Consumpserunt inter experimenta ætatem, diuque virorum illustrium certamen viguit, ne quid emolumento seculorum conjunctum in obscuro longius delitesceret. Excitavit percepti beneficii magnitudo gratam posteritatis memoriam, ut rerum utilissimarum inuentores Deorum superum numero miscuerit, aut vitam eorum cognominibus repertorum effecerit clariorem. Meritissimo sanè jure. Quis enim est, ut Lucretii verbis loquar,

Qui valeat tantum dictis, ut fundere laudes

Pro meritis eius possit, qui talia nobis

Pectore parva suo, quæ sitaque premia liquit,

sine quibus nec vivere hominem facile erat, nec valere jucundum. At incuriæ, desidiæque dispar genius, quæ cum veterano suo ante sepulta sit, quàm sepulta, suam pariter atque alienam salutem flocci facit, & ne parata quidem alieno studio bona, a vet cognoscere. Radiantem igitur in gemmis naturæ majestatem ignorat, quia non metalla tantum montium; sed obvias etiam terræ glebas intactas relinquit. E nuce nucleum non adipiscitur, quia frangere putamina piguit. Eadem infelicitatem bonis artibus inuexit, dum tradita veteribus salubrium præceptorum semina turpiter abiicit, ut necessum deinde sit, inter nitentia priscorum culta, infelix dominari lolium, & steriles avenas. Verè Theophrastus communem præcæteris, magisque evidentem rerum in peius defleentium causam esse

negligentiam, πάντα γὰρ ὅς ἐστιν ἀπαγορεύει. Omnia enim per hanc velut agrestia fieri. Atque utinam hoc tantum; nunc imminuuntur etiam, perfundantur, abolentur. Augent è contrario calamitatem frivolæ mortaliū, vanæque curæ. Quas enim turbas non excitat petulca mens, cum extramundi convexa peregrinatur, lascivitque circa sacros mysteriorum ignes: cum dementium Aloidarum instar, in arcem divinæ providentiæ irrumpit, tantò citiùs fulmine peritura, quantò proprius culmen cœlestē accessit. Nec minus in rerum naturæ contemplatione malè curiosus animus deficit, cum relicta sensuum, & experimenti consultiſſima via, tantum scabra quædam, & confragosa sibi obiicit, aut spinas colligit, languidum acumen inutili subtilitate exercentes. Pejus operam ludit, cum sententias tantum alienas venatur, vellicat, pungit, jugulat: ignarus facilius esse magnorum auctorum cogitata subvertere, quàm opiniones proprias aliorum iudicio committere. ῥῶτον εἶναι τὸ ἀποκηρύσσειν τοῦ κηρύττειν. Pessimè omnium exorbitat, cum carpit quæ non capit, præstantissimisque auctoribus stuporem suum impingit: cum è tribunali & veluti rostris pronunciat, de re nec fideli sensu, neque experientia cautâ satis expensa. Idque vel eo periculosius, quo scœdius vel invidiæ, vel avaritiæ virus corruptis affectibus illevis. Hoc itaque præside si petenda nobis suffragia sunt, periit Balsamum, & pretiosæ ex eodem lacrymæ,

Quas ungue duro saucius quondam pluit

Aegyptius fragante cortex vulnere.

Periit odora suavitate, virtutumque estimatione excellens medicamentum, adeoque virium suarum dispendium incurrunt, nobilissima veterum antidota, potissimum illa quæ ob ἁπλῆ quæ recipit, auxiliumque ἀντιόδις collatum haud immeritò Theriacæ nomen sortita est. Quorum illud, vereor ut in parentem Naturæ maximum optimumque injuriosum sit: hoc in gravissimis morbis periclitantium egrorum discrimine conjunctū. Quamvis enim deleti imperii Romani nomine, Persarum, Turcarumque violenta manu, quicquid Palestina aut religione venerandum, aut utilitate suspiciendum possidebat, miserabili exemplo pessum iverit, nec dissimile fatum propinquam Ægyptum presserit; adeoque non abs re mentes hominum infederit opinio, deletas pariter fuisse eximias Balsami plantas, quibus excolendis (ob lucrum quod in publicum exindè fiscum redundabat) quamvis paucis in hortis, singularis impendebatur industria. Factum tamen est, mitigatis cœlesti benignitate calamitatibus, ut viri pietate, & genere insignes, Palæstinam atque Ægyptum peragrans, commentariis itinerum, Balsami nomen veluti Lethæis creptum undis, hominum iterum memoriæ commendarint. Ipsi quoque proreges, rectoresque provinciarum, principum Christianorum legatis balsamicæ resinæ suavitatem haud inviderint, secumque deinceps in patriam detulerint, variarum ex

Europa

Europa nationum nobiles præfecti, in Syria & Aegypto negotiorum causa degentium. Summam tamen opem, jam vulgi persuasione exempto rebus humanis Balsamo attulerunt, viri materiae Medice studiosi, qui potius habitis vitæ, sumptuumque dispendiis, plantam Balsami, aut in horto Matahariae Aegyptio cultam, aut ex recenti natam carpabalsamo viderunt, visamque curiosè descripserunt. Inter hos Petrus Bellonius Ceno- manus, Francisci primi Galliarum Regis munificentia dignissimus, qui cognoscenda metallorum, plantarum, animantiumque natura veluti æstro percitus, Græcia, Asia minore, Syria, Aegyptoque perlustratis, Balsami natale solum, plantæque germinantis habitum, & formam utilissimis itineris observationibus posteris divulgavit. Notarat eandem in Aegypto Melchior Guilandinus, Borussus, eruditione, vegetabiliumque peritia seculi sui decus, quem piratis Mauritanis subductum, dignum habuit amplissimus Venetus Senatus, quem in Patavino Gymnasio Rei herbariæ præficeret. Natas è carpobalsamo plantas alebat in Creta Honorius Bellius, eximius Botanicus, quas Carolo Clusio alteri Belgarum Cratævæ, curiosè describit. Palmam tamen in hoc stadio currentibus præripuit Prosper Alpius Marosticensis, in Patavino Athenæo Guilandini successor laudatissimus. Nam cum sub Illustrissimo Georgio Hemo, Venetæ nationis consule, triennium ultra in Cahiro Aegypti medicinam faceret, plantas è recentibus Balsami seminibus natas, singulari animi voluptate coleret, allatumque quotannis Opobalsamum ad sensuum rectæque rationis trutinam diligenter expenderet, quicquid olim inter principes veterum botanographos, Theophrastus & Dioscorides fando acceptum, atque ex his alii porro monumentis literarum consignarant de balsami liquore, ad normam revocavit, historiamque totam discussis ambiguitatum nebulis in clara luce reposuit. Iamque per Italiæ tractus peritia medicamentorum, & industriæ laude clariores pharmacopœi, adepti ex Arabia Opobalsamum & examine Medicorum præstantissimorum probatum, multis ab hinc annis, omisso succedaneo, regiis antidotis miscuerunt. Secuti laudabile horum exemplum in urbe Roma Antonius Manfredus, & Vincentius Panutius, primarii, spectatæque fidei aromatarii, & allatum ex Arabia balsami liquorem, à præside, consiliariisque clarissimi collegii Medici, tum quatuor urbis archiatri, aliisque simplicium medicamentorum peritissimis viris exploratum prius, ac laudatum, Theriacæ miscuerunt. Postquam, confecta esset, fama salubritatis expetita plurimis antidotis, irruere ecce pharmacopœi aliquot, & permistum Theriacæ opobalsamum, falsum, fictitiumque clamantes, compositionem apud Pontificem maximum infamare, & tanquam picea transfixi Pythonis sanie corrupta fuisset, proiciendam, Vulcanoque tradendam expetere, partim invidia alienæ prosperitatis lividi, partim metu agitati, ne paratas domi suæ Theriacas vilior

titulus, adeoque difficultas emptoris antiquaret. Amoliebatur fremen-
tium proterviam summus antistes, quæque singularis eius prudentia fuit
judices cognoscendæ causæ viros delegit, quos faciendæ Medicinæ dexte-
ritate, virtutumque omnium ornamenti præcipuè cognitos habebat.
Docere voluit incautos, non theologam; sed medicam esse controversiam
neque litigiosis disceptationibus in Themidis foro implicandam; sed fre-
quenti, sedulaque rerum ambiguarum inspectione, atque inter se compa-
ratione dirimendam. Imò non alios sibi quærere doctores pharmacopœos
debere, quam à quibus materia componendorum ipsis præscribitur, & ra-
tio pariter modusque mixturæ præcipitur. At illos archiattrorum suorum
auctoritate spreta, jam in gurgitem contentionum detulerat turbidus ani-
mus, adeoque amisso melioris consilii arbitrio, ne sine cortice deinde na-
tarent, patrocinium Stephani de Gasparis Medici Romani impetrarunt.
Hic autem in re sibi incognita, funditus subruenda, quantum veri, justiq[ue]
finibus excesserit, unius Francisci Perlæ Medici Romani, docta pariter
atque elegans dissertatio, & physicarum oppugnationum propulsatio, cla-
rissimè demonstrat. Imò ne soli in hoc controversiæ freto natarent Opo-
balsami delatores, tres item pharmacopœos Venetos ad suffragium sibi
ferendum impulerunt, quos cum Petrus Castellus, in Mamertinorum Aca-
demia Sicula, primarius rei Medicæ professor, acrius invaderet, eorumq[ue]
Theriakis inclementer diceret, ne vox & latera deesse viderentur à Pere-
grino Pitorio Medico ad vocationem quæsierunt. Qui dum ex virorum
doctissimorum scriptis, Opobalsamum falsum, fictitiumque eruere conatur
Epistolæ quoque meas ad Baldum Baldum in Romano Gymnasio practica
Medicinæ professorem clarissimum, quarum una natalem hoc ævo balsamum
terram, illiusque varietatem retuli: altera, probatum ab ipso Opobalsa-
mum, legitimum testabar, sic obvertit, contraque sensum meum detor-
quet, ut me non legitimum, sed terebinthina vitiatum, & communi tan-
tum Opobalsami nomine subornatum succum asservisse persuadeat. Huic
ut paucis me declarem, partim Medicæ facultatis emolumentum exigit
cui remedii utilissimi, de quo agimus, accessio debetur; partim fides, quæ
prudentissimis archiattris, in liquoris accusati probatione ingenuè datam
pari constantia inviolatam conservabo. Aeternum illum bonorum omnium
auctorem testatus, verique consciam mentem, me nihil hic, vel amicitiae
vel precibus dedisse; sed inscitia aliquot pharmacopœorum abiectionem li-
quorem, iam ante inter Arabes à me sæpius observatum, & examinatum
postquam cunctis decenter notis exploraveram, verum, legitimumque O-
pobalsamum pronunciasse. Proponam autem prius quid annos ultra quin-
que, dum in Aegypto sub Illustrissimis viris Aloysio Cornelio, & Ioanne
Donato Venetorum consulibus, liberali stipendio medicinam feci, de Bal-
samo, eiusque liquore cognitum mihi fuerit, tum quod hic ipse receptum
antiquitus

antiquitus Opobalsamum sit, ex optimorum apud priscos autorum sententia, post eximium antecessorem meum, Prosperum Alpinum, brevibus subiiciam.

Est itaque plantæ Balsami natalis tellus Arabia, odorifera illa, dives, ac beatæ cognomine olim inclyta. Odorum enim ea circumfluit copia ut fastidium incolis pariat assiduitas voluptatis, imò *καρναβασία*, gravedinem inferat capiti, quam priscos Asphalti nidore & tragopogone discussisse refert Strabo, eisdemque reges suos *παρὰ τοὺς κοπρώνας*, circa sterquilinia se pelivisse. Divitias accumularunt auri glebulis, Beryllo Smaragdoque junctis, quibus metalla in confiniis scatebant. Potissimum verò desideratæ Europæis populis mercis ingenti pretio, qua juxta cum Indis, & Seribus minima computatione, millies centena sestertium millia, annis omnibus Imperio Romano adimebant. Beatam faciebat, ut seriò conqueritur Plinius, hominum etiam in morte luxuria, cum honori cadaverum acervatim congererent, quæ Diis per singulas micæ dabantur. Excitabat hæc eius felicitas, avidam apud summos dynastas, imperii dominiique sitim. Alexander Macedo ab Indis redux, Arabiam sedem sibi regiam constituere decreverat, jamque illius invadendæ prætextus dabatur, utcunque levis, *ἐπειδὴ μόνον ὅς πᾶντων οὐ πρεσβεύσαντο οἱ Ἀράβες*, quod soli inter omnes, haud oratores misissent Arabes, summisionis aut amicitiae nuncios. Vexabat eadem Augustum Cæsarem cupiditas, qui cum exercitu mittebat Aelium Gallum, ut regionem, & gentem perquireret, cum spem aleret certam, aut divitibus se amicis usurum, aut hostes superaturum intactis opum thesauris celebres. Nec voto tamen potitus Cæsar, quum Sylæus Nabatæorum legatus, patriæ, propriisque rebus studens, Aelium per ambages duceret, atque a præda quam inhiabat abduceret. Strabo incolas *μέγιστον ἔθνος*, gentem maximam non injuria appellavit. Equidem ruente jam mole sua Romanorum imperio, quantum illius ex adverso gloria se protulerit, notum est ex historiis. Constantem Byzantii imperatorem prælio profligarunt. Irenem, & Heraclium tributa sibi pendere coegerunt, cum Syria, & Palæstina primò, hinc Perside, atque Aegypto potirentur. Sub Abdalla Duce Africæ maritima, sub Muza Hispaniam domarunt, vix integro seculo magnis triumphis Europæ universæ formidabiles. Quamvis autem Tomumbejo ultimo Aegypti, Syriæque rege à Selimo Turcarum imperatore deletò, Arabes quoque sub validam eius manum concesserint. Retinent tamen eximia præscæ virtutis documenta. Duodeni anni sunt, ex quo insatiabilem proregum avaritiam exosi, jugum Thracicum excutere ausi fuerunt, bis, dum in Aegypto persisterem, frustra bello petiti. Possederunt olim aromatum pretiosorum omne genus, sedulo cum propinquis Indis, & Aethiopibus commercio. Potissimum autem odoratis in sylvis, collibus, montibusque propriis, Myrrham, atque ex eadem contusa modicè stillantem

tem liquorem, veteribus idè Staeten dictum. Maximè Olibanum, cui primos omnium Arabes commercium fecisse refert Plinius, tum *بلسان* Balsan ipsi dictam plantam, Græcis scriptoribus *βάλσαμον*, Balsamum, ex ea collectam singularis suavitatis resinam, quam *زيت بلسان* dhen balsan nominant, pingue quid ex balsamo, lentum, inungique aptum innuentes. Græci simpliciter *Ὀποβάλσαμον*, Opobalsamum nuncuparunt, sive Balsami succum, vocabulis deinceps à Latinis retentis. Nascitur, non in *παράλις* maritimis tantum, ut Strabo prodidit; sed etiam mediterraneis, editis, planisque locis, sine cultu, & cura hominum frequentissima. Vt Larinum taceam, Straboni *δωδισατον θυμίαμα*, suffimentum suavissimum, herbasque alias insigni fragrantia sensum narium demulcentes, quas ob habitum, moremque soli singularem, nobilis peninsula producit. Sedulam tamen Arabes ab omni ævo dederunt operam, ne stirpium apud se odoratarum notitia ad externos pertingeret: idque palam est in solo turco, cuius licet maximum proventum ad provincias vicinas extruderent; arborum tamen eiusque cultum studiosè celabant, cum tanquam Numini sacra venerarentur, certisque tantum, ac religiosis familiis incisionem caudicis committentes, ne conspectum quidem eius profanis indulgerent. Hinc ille circa turiferæ arboris faciem veterum scriptorum dissensus, aliis eam folio pyri, terebintho aliis, aliis lentisco similem tradentibus. Iuba Rex iis voluminibus, quæ scripsit ad C. Cæsarem Augusti filium, fama Arabum ut loquitur Plinius ardentem, eandem arborem intorti esse caudicis retulit, ramisque aceris Pontici, quæ omnia ex Arabia venientes legati incertiora fecerunt, utcunq; virgis arboris in Italiam commeantibus. Nec minor veterum de Myrrha discrepantium sententiarum conflictus observatur. Arborem eius Iuba Olusatris similem tradidit, nonnulli Iunipero compararunt. Folium quidam olivæ contulerunt: liquorem ipsum myrrhæ è turiferæ arbore prodire memorabant. Ut haud immeritò expressa Plinio vox sit. Res in Arabia gessimus, & arma Romana in magnam eius partem penetravere, C. Cæsar Augusti filius gloriam indè petiit, nec tamen ab ullo, quod equidem sciam Latino, facies arboris tradita est. Eandem in cognoscendo Balsamo difficultatem experti fuere veteres, cum jam ad Iudeos, & Aegyptios translata planta, regiis tantum in hortis impenso studio coleretur. Hodie, quando Christianos, non propter animi curiosi sagacitatem; sed religionis dissidium, hostili affectu persequuntur, quis speret, quicquam apud Arabes accuratius ab iis pervestigari posse? Vix Solymis liberius oculos circumtulisse advenæ Christiano impune sit; quanto minus in regione illa, quæ Mahometis incunabulis, & sepulchro, venerabilis præcipuè sectæ ipsorum habetur. Cœtus peregrinantium hominum, etiam si communibus sacris addictorum, denos ultra dies apud se non ferunt; adeoque ne diutius subsistant, publico Setiffi edicto facessere jubentur.

tur. Primum Balsami plantas, è patrio sinu ad exteros detulisse ferunt, Sabæis Arabibus imperantem Reginam, cum eas Salomoni, sapientiæ fama longè clarissimo regi, inter alia pretiosa munera dono daret. Cuius rei cognitionem, etiam Iosephi Historici ævo, nondum memoria Iudæorum temporis diuturnitas exemerat. Attamen errasse largiter Iosephum contendunt, quod imperatricem Sabæorum, *γυνῆκα βασιλεύουσας τῆς Αιγύπτου καὶ τῆς Αἰθιοπίας*, regnantem apud Aegyptios & Aethiopes mulierem scripserit, quum neutra harum regionum aromatum divitiis, auri, gemmarumque metallis olim claruerit. Neque Aegyptus in *اقاصي الارض* in finibus terræ priscis cognita sit, unde reginam illam venisse perhibet scriptura. Neque Aethiopia, quæ in Africa ad Austrum, & Occidentem se porrigit, Balsami unquam productione celebris fuit. De Aegypto Iosephum difficulter excusam; facile de Aethiopia. Huius enim nomen omnium est locis omnibus sub fervido Sole positis, quibus, ut Cari nostri verba usurpem,

Degunt nigra virum, percoctaque secla calore.

taque veri simile est, ad Asiaticos respexisse Iosephum, non Africanos Aethiopes, quibus Arabes illi *δδαιμονες* haud accensentur. In sacris utiq; scriptis, Græci codices Imperatricem illam, *βασιλισσαν νότου*, Reginam Austri designant; sed Iudææ respectu, idque communi Aethiopibus terrarum situ. Pressius autem Arabum libri *ملكة التين*, meliket el tamen, Reginam Tiaman, sive Iaman nominant, qua appellatione etiam Arabum, Arabia felix omnis, & præcipuè qua parte ad latus Mechæ dextrum diffundit, hodiè gaudet: *يمين* Iemin enim dextram significat. Verum Arabibus Balsami stirpes subduxit Caitbeius, quibus hortum Aegyptium Mathariæ exornaret, Arabia tota bello domita, ut recentiore analium fide perhibetur. Hunc proreges deindè Aegypti plures secuti, pro singulos aut curiositas humani ingenii, aut omnia involandi auditas imulit. Collectum è Balsamo suavem liquorem, ab antiquissimis seculis, ad Persas, & Syros ante detulerunt Arabes, quam in Regios Palæstinæ, atq; Aegypti hortos planta recepta fuit: adeoque nobile illud vulneribusque curandis expetitur *יָרֵי* serì, quamvis communem resinæ significationem præ se ferat, à montibus Gilead (non semel annuentibus divinis terrarum monumentis) aliis cum mercibus in Palæstinam asportatum, hoc resum ex Arabia profectum Opobalsamum fuisse, claris auctoribus persuasum est. Ibant ex Arabia felici mercatores frequenter Damascum: nec longius à Sabæis ad ipsum Hierichūtis *φοινικῶνα*, seu palmetum, quàm diem quinque iter, metitur Strabo. Cur autem Theophrasti ævo, & videntibus imperii Romani rebus, Balsami curam susque deque habuerint Arabes in obscuro vetustas premit. Probabile tamen est, cum & Theophrasto superstitè, in Syriæ Palæstina illudiosè jam excoleretur, & Cæsarum tempore

tempore Balsamum sereret fiscus, neque unquam numerosior ante plan-
 fuerit: imò sic propagatos in Iudæa balsamiferos *παρὰ δέσους* asserat Sol-
 nus, ut latissimis etiam collibus Opobalsamum exciperetur: adeoque a
 Arabibus non amplius peteretur, aut operę pretio merito vendi inter A-
 gyptios, Syrosque non potuerit, ab iisdem ad Persas, Indosque propinquo
 fuisse delatum. Quin, cum ex aliis odoratis mercibus abundè quęstus a-
 flueret, contingere potuit, ut labori parum utili superfederint Arabes, quę
 tenui lentęque mananti lacrymę, circa singulos ramulos sub ardenti so-
 colligendę, atque abstergendę impendendus erat, præsertim cum auctor
 Strabone, *ἀργοὶ καὶ παῖδες τοῖς εἰοῖς*, segnes essent Arabes, vitamque curę
 & molestiis sejunctam agerent. At mutarunt se deinde rerum memorię
 Nam ut superius memini, cum gravi bellorum turbine, tum Palęstina
 tum Aegyptus affligeretur, jamque perditis cultoribus, alieno in solo non
 infeliciter hospitata Balsami plantę, penitus periissent: excitavit iterum
 Arabes ad cultum pretiosę stirpis, amissi proximis in provinciis Opobalsa-
 mi desiderium. Longè verò magis, ex quo tempore, crebris Lusitanorum
 Belgarum, Anglorum, in sinum Persicum navigationibus, maximam par-
 tem in Europam avehuntur gemmę, & aromata, quibus Syrię, & Aegy-
 pti emporia quondam Arabes ditabant, indigenis mercibus, gummi, oli-
 bano, mirrhę, balsamoque diligentiorē operam navant. Has quocum-
 que possunt pretio, Persis, & Meccam, quot annis commeantibus merca-
 toribus divendunt. Concurrit in Aegyptum è variis imperii Turcici re-
 gionibus, ingens hominum multitudo, ut ex veteri instituto, solennen
 versus Meccam peregrinationem celebret, adeoque *حج الجسوة*, de-
 portationem vestis. Sic enim appellant ex serico viridi, auroque pictum
 undique velum, quod præter alia ad Seriffum munera Byzantio mittit im-
 perator, ut Mahometis in Medina sepulti monumentum cingatur. In
 profectiōem Caravana sive cœtus peregrinantium, die decimo post Ra-
 madani mensis festum, quadraginta in habitu transfigens, totidemque in
 reditu. Defert secum in Cahirum Aegypti vestem Mahometis veterem
 cuius pars Byzantium ad imperatorem remittitur cum muneribus; partem
 prorex Aegypti sumit, atque inter procures urbis dividit. Inter alias au-
 tem merces, & textiles è Xylosericoque subtilissimos pannos, Opobalsami
 afferunt mercatores, Balsamique fructus, & ramos. Simplici omnium
 & constanti assertione, a quo tempore Selimus Imperator in Aegypto atq;
 Arabia rerum potitus est, nullo non anno festiva ea peregrinatione, tur-
 præpotentibus Turcarum monarchis, eorumque præfectis Opobalsamum
 à Seriffō transmissi, tū in Mecca, & Medine, à quā plurimis emptum, in
 amplissimi imperii urbes nobiliores deferri: quę mihi quidem, & quot
 quot jam diu exactis annis in Cahirō Aegyptio degerunt Europeis homin-
 bus certissima sunt. Ramuli Balsami, quos *عود البلسان* lignum Ba-
 sam

sami, adeoque cum Græcis *ξύλοβάλσαμον* appellant, teretes sunt, & recti, nodulis inæqualiter obfiti, externo corticis colore subrubro, interno viridi ligno candicante, medullosa, suavem Opobalsami odorem attriti fractique reddentes. Quamvis illius, dum sub inclementi sole longo advehuntur itinere, multum ante resolvitur, quàm in Aegyptum ramuli perveniant: plurimum, antequàm in Europam: nisi recenter empti, ex Alexandrino portu secundantibus ventis citius adducantur. At fructibus, quos *حب البلسان*, baccas Balsami, adeoque *καρποβάλσαμον* nuncupant, singularis est magnitudine, figura, coloreque cum Terebinthi fructibus similitudo. Calyculo innituntur exili, à rotundo ventre in utrumque extremum leviter attenuati. Membrana velantur exterius nonnihil striata, fuscoq; rubore decolorata, exili: reliquis indumentis densioribus, sub quibus semen asservatur, flavescente melleoque succo uberatum. Linguam gustantis blando amarore atque acrimonia vellicant, & suavi Opobalsami halitu odoratum demulcent. Rugosior senescentium facies, jamque exhausto vetustorum liquore, ferè inanes intus folliculi deprehenduntur; jucundo tamen si terantur odore, consumpti succi grata vestigia diutius manifestant. Afferuntur hi fructus nonnunquam satis integri, ut non in Aegypto tantum terræ commissi germina promant; sed in hoc pariter inferioris Italiae tractu, non semel plantas aliquot dederint Danioto nostro, diligenter feliciq; stirpium exoticarum cultori, cū Illustrissimi Domini Mori Tarvisinum prædium, plantis lectissimis exornaret. Viderunt apud ipsum vegetam Balsami sobolem, Eminentissimus Cardinalis Aldobrandinus, Petrus Affelinæus, & Gulielmus Sohierus, ille medendi peritia; hic Attica eruditione, florumque venustiorum studio non è multis, manantem è folii decerpti pediculo fragrantem liquorem odorati. Conspexit mihi optime notæ Opobalsamum, antequam in Orientales proficiscerer provincias, Venetiis, apud Illustrissimum & Excellentissimum Joannem Iustinianum, nunc pro Serenissima Republica Veneta ad Ferdinandum tertium Rom. imperatorem legatum. Apud Pompeium Sprechium, virum optimum, atque inter Venetos aromatarios peritissimum. In Aegypto deinde apud Othomanum Abutalibem, Mustafæ proregis vicarium, quod eo ipso anno dominus a Seriffo Arabum dono acceperat. Resina autem erat liquida, flavescens, pellucida, odore supra terebinthinam, eximiaq; suavitate grata. Sinceritatem eius, an adhuc illibatam judicaret, cum sciscitarer, guttam liquoris, aquæ amplo in vase detentæ instillabat, quæ momento disparsens, mox tenui atque albescente pellicula, superficiem totam obducebat, quam cultri cuspidè iterum collectam educebat totam, pissiorem, inodoram, & manifesto coloris dispendio lactescentem. Frequentius porro singulis annis ex Arabia delatum in Cahiro vidi, & examinavi, præcipuè facem prælucente, Illustrissimo civium Venetorum con-

sule, Aloysio Cornelio, viro cum antiquitatum Aegyptiarum diligentissimo investigatore, tum Opobalsami, quod sæpius in patriam mittebat, acriter pariter, ac docto censore. Deferebatur à mercatoribus in lagenis, quibus derepentè apertis, qui nares admovebant, prodeuntè à liquore acerrimo halitū, vix præ molestia sustinebant. Hujus quod superiora vasculi occupabat, tenuius semper, liquidius, clariusque notavi; idque sejunctum a partibus reliquis, vitroque puro conservatum, halitu mox gratiore se commendabat. Minus clarum, ac tenue, quod medio vasis continebatur, eoque minus adhuc, quod fæcibus proximum, nidore quodam injucundo fragrantiam odoris violabat. Legitimum sincerumque judicabatur Opobalsamū, cujus gutta aquæ indita, mox per summum ejus tenuem in telam expandebatur, styli deinde acumine integrè recolligebatur, evidenti pallore lactescens: quod odorem cum allati recenter Balsami fructibus, & ramulis eundem spirabat, amarore, & mediocri acrimonia linguam gustantis perfringeat. Cujus gutta lacti instillata, per superficiem celeriter diffundebatur, cumque stylo revocaretur, concretæ secum lactis portionem ducebat. Denique veste excepta gutta, quo primū infederat orbe persistebat, neque in latum profundumque se spargebat, sicque vel humida etiamnum, tepidā subindè admotā, frictuque leni tollebat, vel siccata, digitorum impulsu abscedebat. Hoc non Veneti tantum nostri; sed Galli, Siculi, Angli, Belgæ, confidenter sibi comparabant, cum non aliud, meliusve foret, quod Theriacæ miscebant Medici, qui in Morestano Cahiri pro imperatore Turcarum antidotum Andromachi componebant. Impellebat eos præcipuè quod ad virulentos serpentium morsus nihil efficacius pollere vno ore testarentur Arabes, apud quos frequentes esse has feras, καὶ δῆγμα ἔχοντας ἀνίκεσθαι, præter alios è veteribus, Strabo prodidit. Ad pestilentis utique veneni vim, aut abercendam, aut domandam, haud scio, utrum hoc ipso, de quo loquor, balsami succo, inter magnates Aegyptios, vel usu receptius, vel æstimatione majus quicquam fuerit, cum nullo non anno, vel Tunesium, vel Byzantinis triremibus, Alexandriam primò, deindè & propinqua in oppida, lues inveheretur. Assumunt, aut simplicem liquorem, aut quod utilius est, pulvere probati adversus pestem medicamenti, largiore dosi permixtum. In publicum prodeunt, nares eodem, & pectus, sive præcordia delibuti: adjectoque Agallocho, & ambra, hypoglottides parant, quas ore diutius circumferant.

Mihi quoque volupe fuit, cum medicinam inter Aegyptios facerem, grato hoc, & familiari proceribus medicamento, frequentius uti. Expertus autem sum eximium, & salutare, ad graves lienis, renumque obstructions summovendas. Ad impediendam, sistendamque pulmonū putredinem maximè profuit, syrupo symphyti maculosi dilutum, & arteriæ asperæ crebro linctu insinuat. Compertum mihi idem successu singulari, in

Al Manfore equite Arabe, diuturno renum ulcere laborante, cum id florum hyperici, rosarumque pulvere densatum, boli forma sumeret. Quantum purgandis, glutinandisque vulneribus Naturæ opitularetur, magnis experimentis, etiam in vulgo percrebuit: noruntque rem optimè ludiones Aegyptii, cum stipem à plebe, horridioris spectaculi motu facilius impetraturi, laterum, brachiorum, pedumque cutem, plurimis hinc inde sagittis sibi transfigi patiuntur. In variis denique chronicis morbis quid præstet, & quibus in cuticulæ cura blandiatur, Prosper Alpinus libro de Plantis Aegyptiis, pluribus complexus est.

Hunc itaque tam excellentem liquorem, à Mauro sibi oblatum è Mecca redeunte, pretio admodum tolerabili, emit in Cahiro vir honestissimus Cosmus de Nigris, per annos viginti quatuor Venetæ nationis in Aegypto pharmacopœus, integritate vitæ & artis suæ peritia insignis: quippè cui penitissimè cognitum erat, hunc eundem esse Balsami succum, quem tot exactis annis clarissimi Venetæ, Gallicæque nationis consules, & eorum Medici, modis propositis prius examinatum, patriæ proceribus, & amicis transmiserant. Venetias reverso Cosmo, non opus erat de hac nobili merce, suspensa, ut aiunt, hedera: protinus enim emptorem nactus est, à quo deinceps Antonius Manfredus, & Vincentius Panutius, pharmacopœi Romani, Opobalsamum hoc, in theriacæ componendæ usum consecuti sunt. His verò concinnata jam antidoto, quas turbas dederint invidi æmuli, tetigi superius. Quorum ob pervicaciam factum est, ut tantum non projecti cum theriaca liquoris partem, opera reverendissimi Episcopi Tomasini, Patavium ad me curaret Baldus Baldus, vir animi, ingeniique cultu laudatissimus. Postulabat, ut posthabitis amicitiae lenociniis, quid de liquore judicarem, liberè, & confidenter proferrem.

Mihi nefas visum est, æquissima petenti, obsequium haud præstare, correptamque avidè, quamvis etiamnum familiarem oculis, naribus, & palato lacrymam, obviis mihi domi, & apud amicos, balsamicis resinis comparavi, & postquam notis omnibus ad amussim exactis, animi sententiæ respondere comperi, legitimum Arabici balsami succum, ipsumque adeò cognitum antiquis Opobalsamum pronunciavi, & ob eandem tum substantiæ, tum qualitatum facultatumque rationem in præsentì publicè pronuncio, & obtestor. Ut autem è solidis ducam fundamentis, idem esse Arabum, & quod priscis innotuit Opobalsamum, Dioscoridem veluti Cynosuram sequar, Galeno iudice, ὅς τε ἐν ἰνδικῇ ὕλῃ σπουδαστάτων οὐδενὶ δέλερον, eorum qui circa materiam medicam versantur, nemini secundum: eodemque auctore omnia perfectissimè complexum. Vtpote, qui singulis notas addiderit, quib⁹ probatiora a viliorib⁹ maximè distingui possunt. Nō deflexit ab hoc sidere oculos Abēšina, inter Arabes sive numine, sive nomine verè quondā princeps: quāvis barbarus eius interpretes, plurima vitiosè.

Latinè transtulerit, nulla non interpolaverit, quædam negligenter omiserit. Dioscorides itaque libri primi de materia Medica, capite decimo & octavo sic infit.

Βάλαμον τὸ μὲν δένδρον καὶ μέγεθος λυκίου, ἢ πυρακάνθης βλέπε.

Balsamum quidem arbor, secundum magnitudinem lycii aut pyracanthæ cernitur.

Natum apud Arabes Balsami nomen, apud quos nata planta, neque à Syris, Aegyptiis, Græcis veteribus, ac Latinis alteri propriè stirpi tributum fuit. Recentiores tamen, audaculi nominum usurpatores, & alpestre ledum, & æmulos præcipuè Opobalsami liquores ab Indis petitos, & quicquid oras vulnerum efficaciter iungit, sive simplicis naturæ succus, sive mistus sit, balsami nomine insigniunt. Arborem asserit Dioscorides, & ante ipsum Theophrastus, sed exiguam, & fruticis potius humilitate summissam, utpote, quæ Lycii aut pyracanthæ altitudinem, id est, pauculorum cubitorum mensuram haud excedat. Abensina, فاستينا قاصية, altitudinis arbusculæ Lycii tantum meminit.

Tale Arabicum nostrum est, ut confirmant quotquot illud in natali terra conspexere, adeoque verè Strabonis sensu φυτὸν θαμνωδες, planta fruticosa, ultra ligustri, aut cytisi adolescentiam sese non extollens. Magnitudinem tamen variat, non alimenti solum ubertas; sed etiam cultus, atq; ut Theophrastus suggerit, ἢ τῶν ῥαβδων τομή, ramorum amputatio: quum fieri nequeat, crebrius coercitis frondibus, ut satis sese explicet plantæ germinantis impetus. Subiicit porro Dioscorides

Φύλλα ἔχον ὅμοια πηγάνῳ, λευκότερα δὲ πολλῶ, καὶ ἀθάλλεστερα.

Folia habēs similia rutæ, candidiora verò multo, & perpetuò magis virentia. Comparatio foliorum balsami cum rutâ, optimè in Arabicam plantam expetit. Fundamentum similitudinis, partim in ordine foliorum locatū est, partim magnitudinis disparitate. Impar enim eorum confessus est, ternorum, quinquorum, septenorum, tum extremum cauliculi sui quod occupat, cæteris amplius est, à quo reliqua ex opposito sespectantia, quò remotiora sunt, eò contractiora ambitu cernuntur. Forma ipsa foliorum à rutaceis aliena non est; rei tamen herbariæ periti qui oculis usurparunt, singularem in ea cum terebintho, & lentisco convenientiam deprehenderunt. Colorem in foliis ruta multò candidiorem asserit Dioscorides. Theophrastus simpliciter ἐκλευκον, exalbidū; Abensina اضرىها الى البياض vergere ad albedinem scripsit.

Varietatem hanc coloris, & cultus parit, & locorum mutatio. Major equidem in sylvestri balsamo foliorum candor est: minor in hortos translati. In Aegypto educati jam saturior, magisque lætus viror existit: maximè illius, quod in Italiæ hoc tractu, è seminibus Danioto nostro pullulavit. Discrimina eadem etiam propinquioribus è locis in hortos ad-

missæ patefaciunt plantæ, erigerum, polium, verbascum, dictamnus Cre-
ticus, potentilla, medica marina, aliæque plures. Denique perennanti-
bus magis foliis præditum esse balsamum, imò Theophrasto auctore *ἀει-
φυλλον*, dubium non est, climate Arabiæ perpetuo stirpium virori fauente.
Non indulget eum aliarum regionum acrior hyems: ut etiam in Aegypto
viciniore, folia per Septembrem Balsamo defluxisse viderit Bellonius; sed
cuius nova jam cum foliolis germina iuventæ spem redintegrabant.

Γεννώμενον ἐν μόνῃ Ἰουδαίᾳ καὶ τινὰ ἀυλῶτα, καὶ ἐν Αἰγύπτῳ.

Genitum in sola Iudæa in quadam valle, & in Aegypto.

Vallem hic intelligendam esse Hierichuntis, Strabone, Iustino, & Iose-
pho auctoribus persuademur. Erat ea montibus undique veluti muro, ca-
strisque clausa, & insignem ob amœnitatem, sylvarum palmas ferentium
amplitudinem, cultumque duobus in hortis balsamum, digna Archelao vi-
sa, quam ulterius regia sede exornaret. In ea valle sola balsamum fuisse,
cum Theophrasto refert Dioscorides, colligitque pretii inde magnitudi-
nem Strabo, *ὅτι ἐν ταύτῃ μόνον γεννᾶται*: quoniam ibi solum nascitur. Ne-
que implicat rem Iosephus, qui & Hierichuntis vallem balsami feracem
scribit, & Engadinum agrum egregia complecti palmeta, & opobalsa-
mum. Quamvis enim haud unum Engadi, & Hierico locum desi-
gnent; notum tamen est, ex D. Hieronymo, Eusebio, aliisque claris au-
ctoribus, in Hierichuntis aulone comprehensum fuisse Engadi vicum: Io-
sephumq; adeò ab urbe præcipuâ Hierichunte balsami hortos designasse,
quamvis duobus, nec multum tamen distitis locis sejungerentur. Ga-
leni tamen ævo, non una tantum in valle; sed diversis Palæstinæ locis ob-
vium fuisse Balsamū, cum & Sagadini meminerit, & *ὄντων ἐν ἄλλοις χωρίοις
παλαιστίνης*, eorum quæ in aliis Palæstinæ regionibus, credere par est, si-
mul cum lucri cupiditate, plantæ colendæ studio crescente.

In Aegypto etiam nasci balsamum addit Dioscorides, veroque similli-
mum est, à Ptolomæis, & potissimum Cleopatra, cum teste Plutarcho Iu-
dææ regionem balsami feracem à M. Antonio triumviro in donum accepis-
set, translatas in Aegyptum fuisse plantas, in luxum, & delicias diffusæ
mulieri, multis nominibus expetitas. Imò placuit earum cultus ad nostra
usque tempora, quoniam dominantibus in Aegypto Califfis, & præcipuè
rem publicam administrantibus hodie proregibus, sive Bassis, non è Palæ-
stina quidem; sed Arabia frequenter repetitæ fuerunt. Abensina Aegy-
ptiam adeò nominat plantam balsamum, gigni que tantum, ait, in loco

يقال له عين الشهب, quem appellant oculum, aut fontem So-
lis. Imò illo ipso, quem *البحر*, locum lustrationis Christiani Ae-
gypti indigenæ nuncupant, non tam ad corporis, quàm animi scabitudi-
nem expiandam, religione celebrem fontem exhibens, cujus salutaribus
riuulis peregrinam hanc, nobilemque balsami stirpem insigniter profecit:

se, etiam adversa christianæ pietati pectora non diffidentur.

Periisse autem in Palæstina jamdudum balsamum, publica magis fam-
diulgatum est, bellis atrocibus cum ipsis hortis cultores perdentibus. Pe-
riit sanè frequentius in Aegypto, quia proregibus qui paucis annis ad cla-
uum imperii sedent, sepè nihil minus quàm balsamum curæ est: præsertim
ex quo lignum eius, & fructus, & liquorem copiosius Arabia suppedita-
vit. Cæterum quod olim de Palæstina Theophrastus, id de Aegypto multa
magis accipiendum est, sylvestre in ea Balsamum nuspiam repertum. Nec
favet satis plantæ regionis habitus, quippe quæ non collibus acclivis; sed
ab utraque Nili ripa in planitiem æquatur.

Διαφέρειν αὐτὸ ἐαυτοῦ τραχύτητι, καὶ μήκει, καὶ ἰχνότητι· λίγε δὲ γινώσκον τὸ λεπτόν, καὶ
τριχωδὲς τοῦ θάμνου, ὁρίσονται. Ἴσως, διὰ τὸ ἐν χρῶσι διερίζεσθαι ἰχνὸν ὄν.

Præstans à se ipso asperitate, & tenuitate. Dicitur itaque tenue, & capil-
laceum fruticis, demessile; forsitan quia facillè demetatur, gracile existens.

Scribit eadem Abensina, & **يختلف بالخشونة والطول والرق**
præstat, inquit, asperitate, altitudine, & exilitate sua; quamvis interpre-
Latinus verba hæc omiserit. Atque hanc etiam in ramis Arabici Balsami
varietatam facillè deprehendet, quicumque fascibus illius Meccano itinere
in Cahirum delatis, manus oculosque admoverit: imò vel uno in fasce dif-
ferentes amplitudine, asperitate, atque exilitate frondes agnoscet. Quam-
vis enim verè Theophrastus, ὅσα τὰ οἰκίαν χώραν λαμβάνει, μάλλον δύναται
τὰ γένη διατηρεῖν: magis servare genera sua posse, quæ familiarem sibi locū
naciscuntur. Asperior tamen, etiam constante sibi specie, balsami habi-
tus fuerit, si parcior aridam terram humiditas temperet, aut de tenuiore
alimento plus justo subducant, illa ut cum poeta loquar

----- *æstivi radiantia tela diei.*

Nutrimētum item æqualem sicci humidique misturam haud obtineat.
Lætius balsami incrementum est, cum frequenti cultu, sylvestrem, ut ait
Maro, animum exuit. Ἀθρωότερα γὰρ εἰργασμένων ἢ βλάστησις: plenior enim
magisque conferta cultorum germinatio.

Accedit etiam magnitudini plusculum, quotiescunque succi plenum terre
altricis uber, jam rariorem, humidiorēque materiam efficit. Exilius
conspicitur, & capillacea surculorum tenuitate facilem tonsuram admit-
tit, quod minuta sobole propagationem sui consequitur. Hoc robustioris
pariter stirpis notam exhibet, nec sylvestrium moris adhuc oblitæ, quibus
inter alia tribuit Theophrastus, ἐν πολλοῖς εἶναι, καὶ μικρὰς τὰς μονίμους ἀρχὰς:
numerosa obtinere, minuta germinum permanentium principia. Quæ
verò Plinius hic de balsami speciebus adstruit, optimè expendit Cl. Sal-
masius, vir summus, quem in exercitationibus ad Solinum operæ est con-
sulere ipsum

Τὸ δὲ ὁποβάλασθαι λεγόμενον ὁπίξεται ἐν τοῖς ὑποὶ κύνα καύμασιν ἐντεταμένους σι-
δηροῖς

δροῖς ὄνυξι τοῦ δένδρου ; ρεῖ δ' ὀλίγον, ὥς καθ' ἑκάστον ἔτος μὴ πλεον ἢ ἑπτὰ χεῖρας συν-
αθροίζεσθαι. Πωλεῖ δ' ἐν τῷ τόπῳ τῶν διπλοῦν ἀργύριον.

Opobalsamum v. rō d. *Etum* excipitur sub canis ardoribus, incisa ferreis un-
guibus arbore. Fluit autem modicum, sic ut singulis annis non plus quam sex
aut septem congii colliguntur. Venditur in loco (quo nascitur) argenti duplo.

Iam liquorem balsami proprium, quem communi ὀποῦ succi no-
mine compellatum innuit Dioscorides, in quo censu habuerint vete-
res, optimè traditum est à Theophrasto. Nam cum proposuisset insitum
plantis humorem, ἥν μὲν πάχυν ἔχειν μόνον ὡς τῆς ὀπωδῶν : ἥν δὲ καὶ δακρυώδη
γίνεσθαι, καθάπερ ἐλάτης, πάλκης, τρυμίνδου, aliorum crassitudinem tantum
obtinere, ut in succulentis : aliorum etiam in lacrymæ modum gigni, ut
abietis, pini, terebinthi, & similium. His subiungit olibanum, & myr-
rham, quandoquidem & ipsa, inquit, lacrymæ sunt : itēque βάλσαμον, καὶ
χαλβάνην, balsamum & chalbanam, & si quid aliud tale. Hæc eadem
ἔννομα benè olentia scribit, utpote quæ πύκντητα τινὰ, καὶ λίπος, pingue quid
habent, & unctuosum, exactiore coctione discussis partibus aqueis, à qui-
bus odorati halitus obtunduntur.

Δάκρυον itaque sive lacryma est balsami succus, sed lacryma pinguis, &
oleaginosa, adeoque ab ipso protinus ortu, γάλακτι γλιχρῷ παραπλήσιον, la-
cti viscido, ut refert Strabo, similis. Imò resina est opobalsamum, quam
à gummi, (quod ipsum lacrymis pariter annumerat Eresius senex) pinguior,
& oleosa magis substantia distinguit. Hinc resinarum in modum, & oleo
promptè miscetur, & in flammam ignis contactu facilè sese explicat. Du-
dum in lucernis adhibuisse opobalsamum veteres, & ex iis Eliogabalum
perditæ prodigalitatis principem, auctor est Lampridius. Inter Christia-
nos item dynastas Constantinum imperatorem ; sed sacros in usus, & reli-
gionis venerationi dicatum. Abensina, & cum eo recentiores Arabes om-
nes, elicitam balsami resinam دوهن dohen nuncupant. Qua voce, li-
cet, ut supra scripsi, aliquod illini, injungique aptum exprimant, adeoque
pinguem, & olcagineum liquorem : imo unguenta ipsa, ut balaninum,
cyprinum, myrthinum, liliaceum. Non erat tamen, cur interpret latinus
eam olei magis vocabulo designaret, quod الزيت zeit, communi lo-
quendi usu ; non dohen nuncupatur : idque etiam de Græca Καλαμελαίου
voce habendum est.

Hanc itaque substantiæ conditionem exactissimè refert his quem asseri-
mus Arabici balsami liquor. Lacryma enim est ; sed resinosa, facilè tum
oleo miscibilis, tum inflammabilis igne. Non tantum postquam à gene-
trice planta depluit ; sed in ramulis etiamnum, & seminibus obhærens,
γλιχρή, tenax, & lenta, quæque cum eliquata est, turbida visciditate la-
tescens conspicitur.

At liquor hic, primùm ipsius naturæ providentia hominibus innotuit,

cum salutari quadam excretionē succi redundantis onere se levaret, quem admodum in picea, terebintho, lentisco, similibusque consuevit. Notavit rem inter priscos auctores Theophrastus, qui veluti myrrham, & olibanum; sic opobalsamum etiam *δυτομάτος γίνεσθαι*, sponte fieri, tradidit. Id verò cum paucum admodum, & lacrymas salutare expetentium desiderio minimè sufficiens sit, ars sedula naturæ imitatrix, partim perita corticis incisione, partim succulenti seminis expressione, partim caloris misterio liquorem proliciendo, maiorem eius copiam sibi comparavit.

Incisionem arboris balsamici declinante jam æstate in Palæstina, & Aegypto peractam fuisse memorat Dioscorides,

--- *rapidus cum Syrius ignes*

Exserit ---

Abensina

جد طلوع الشحرى

post ortum

canis id factum confirmat, tempore satis huic operi convenienti. Tolerabilior enim tunc circa plantam mora, cum spirantibus ab Aquilone jucundis auris, æstus aeris mitescit; cum succus à sole, dum circa Tropicum æstivum versatur, optimè concoctus, validusque etiamnum calor est, qui spiramenta balsami laxet, & exsuperantem humorem ad exsudandum compellat. Non obligant se tamen Ephemeridum legibus Arabes. Nam cum stirpes balsami validas possideant, æstatem præterea sex mensium spatio productam, non semel; sed sæpius eas ad lacrymas fundendas incitant.

Percussas quoque in Palæstina ter omni æstate fuisse refert Plinius, cum maior esset succi colligendi aviditas. In Aegypto, vel mense Martio artificem plagam admiserunt. Nec summa tantum flagella petunt incisores; sed etiam stipitem, atque ut Theophrastus loquitur, *καὶ τὰ στελέχη, καὶ τὰ ἄνω*.

Instrumentum quo cortex balsami solvebatur, ungues fuisse ferreos, tradit cum Theophrasto Dioscorides. Abensina simpliciter *مشرط حديد* vulnerari ferro scribit. Vsi alias vitro antiqui, & ut Iosephus testatur *ὅξεσι λίθοις* acutis lapidibus. Arabibus recepti sunt eburnei cultelli, ut minus penetrabile, minusque noxium vulnus faciant. Nec ferrum tamen odii natali in solo educata arbuscula. Ab eo enim quemadmodum superfluum amputationem; sic plagam etiam, quæ clementi impulsu corticem tantum dividit, absque discrimine patitur. Itaque de validiore ferri vi, accipienda Taciti verba, & de vulnere quod in lignum, & medullā, adeoque vitalia adactum fuerit.

Facta corticis solutione, sequitur lentæ, tenuique ploratu manantis lacrymæ collectio, eaque non paucis ab illato vulnere diebus; sed ut Theophrastus meminit *ὅλον τὸ θέρος*, æstatis decursu toto. Stillantem à planta liquorem vasculis, & conchis parvis, ut ait Strabo, exceperunt veteres, defluentis eiusdem aut hærentis absterfionem lana perficientes. Abensina

جميع ما يرشح بقطنة

colligitur, inquit, id quod exsudat

gossipio. Faciunt idem Arabes, nec dubium munditer sic haberi, & in;
quinamen

quinamentis minus obnoxium fieri.

Per seminis expressionem collectum olim opobalsanum, nec purum satis, nec sincerum fuisse, non difficulter persuadeat Plinius, qui misturam eius cum stillatitio, adulterii crimine infamat. Recepta magis subsequen-
tibus seculis opobalsami per ignis operam collectio, ramusculis & sarmen-
tis demessis, & aquæ incoctis. Prodidit eam dudum ex Arabibus ipsis Me-
sue, clarissimus Medicus, & Damasco patria locis balsami natalibus pro-
pinquus. Certius eandem assererat, è primariis Cahiri Medicis, Ahmet
Habibus Lusitanus, Cl. Ludovici Mercati olim auditor, qui repetita pe-
regrinatione Meccam, & finitimas al Iamini provincias lustrarat, & ma-
ximam liquoris partem elici ramis, frondibusque plantæ (quo tempore
plenior est, gemmulisque prominentibus formosior) demessis, concisis, &
contusis. Demitti eos in vasa ampla, aqua à subiecto igne jam calente ple-
na: tumque leni decoctione, pinguem, aeriumque succum aquæ summum
petere, quem cochlearibus curiosè separatim, calentem adhuc vasis la-
genisque recondunt. Cum nihil amplius in aquæ superficiem effertur, ex-
emptam congeriem, ut superstes humidi resinosi portio, violenta compres-
sione elidatur, torculari subiici. Qui decoctione blanda sic eductus est li-
quor, eum postquam per ætatis veluti gradus ad vigorem pervenit, tum
qualitatibus, tum agendi viribus stillatitio proximum esse; tenui tantum
amariusculi saporis, & fragrantiae remissioris discrimine relicto. Sequio-
ris autem conditionis commemorabat, quod à coctione frondibus expres-
sum, valida coactione terreis simul partibus propulsis. Facilius denique,
citiusque sic opobalsanum colligi, quam lento guttæ ploratu, non tam
ob succi levitatem, quam ejusdem in ramulis etiam extremis foliorumque
neruulis singularem ubertatem, secus atque in aliis plantis, resinas propin-
quis in montibus eliquantibus, obtinere deprehendimus. Apud Indos, quid
in odoratis hujusmodi resinis colligendis fiat, à Monardo jamdudum, aliis-
que recentioribus proditum est.

Sed revertimur ad Dioscoridem, qui de stillatitio locutus cum Theo-
phrasto οὐκ ἔστι πολὺ τὸ ῥέον, non esse multum, inquit, id quod fluit, cum singu-
lis annis, non plures, quam sex septemve congii colligerentur: quæ non
immeritò Cl. Salmasio mira videntur. Quamvis enim Alexandri Magni
ævo, quo Theophrastus vixit, in utroque Palæstinæ paradiso, quatuorde-
cim hemichoeæ; id est, septem congii annuo proventu complerentur; ve-
ro tamen similis est, longè majorem eius copiam fuisse Dioscoridis ætate,
qui vel paulò ante Plinium vixit, vel eidem, ut eruditus quibusdam visum,
οὐκ ἔστι πολὺ τὸ ῥέον fuit, cum non Græcis tantum, & Asiaticis; sed Romanis, vi-
gente iam cum imperio luxu, expeteretur: adeoque ex re ipsa lucri certitu-
do publicam magistratus curam excitaret, & Dioscoridem hic, non quid
opobalsami annus tempore suo tulerit; sed quid Theophrastus scripserit.

spectasse. Non minus suspectum est, cum de Aegypto loquitur Abensina interpretem Latinum quinquaginta librarum mentionem facere vsque ad sexaginta, quod pondus parum abest a septem congiorum mensura, quam regis Palestinae hortis cum Theophrasto adsignarat Dioscorides. Equidem summam hanc non determinat codex Arabicus Medicæus; sed aperte

ما يجاوز في السنة ارباطا, non permeant in anno aliquot libræ. Et autem retolo, Giggeio quidem libra duodecim unciarum; in hodiernis tamen Aegypti Fagamiis seu Aromatopoliis, pondus centum & quadraginta drachmarum. Itaque cum nihil hic determinatum agnoscam, hortique al Matahariae non adeò laxum ambitum sciam, interpretis vestigia nec sequor, nec assequor. Equidem Plinii ævo, abundantius apud Indæos opobalsamum provenisse, dubium ex eo non est, cum validiores, majoresque scribat tunc fuisse plantas, & ter omni æstate percussas. Largior item seculis sequentibus copia reperta est, cum ex Aegyptiis fundis, ut refert Anastasius bibliothecarius, templa Romana centum & septuaginta Opobalsami libris, Constantini imperatoris beneficio fruerentur: quamvis probabilius sit, cum Aegyptus alendo balsamo parum idonea sit, neque alibi quam intra Matahariae conseptum plantam educaverit, assiduo cum propinquis Iamini populis commercio, liquorem illius prædiis Aegyptiis affluxisse.

Quid Arabes tandem? apud quos, licet odoratae huius resinæ annuam συλλογὴν, certa definire mensura non liceat; insignem tamen eos opobalsami proventum hodiè possidere, tam emolumentum arguit ingens, quod ex locatis balsami arbutis ad Seriffum redundat; quam mercatorum multitudo, qui singulis annis, in Persici, Turcicique imperii provinciis illud distrahunt. Ex eo verò minimum est τὸ αὐτόρριζον, quod sponte naturæ laxato, ruptoque cortice manavit: exiguum item tenuior stillatitii per incisionemeducti portio, & veluti flos, regis tantum, magnorumq; procerum manibus destinatus. Major autem eius, quod repetito caudicis frondiumque vulnere fluxit: præcipuè quod ignis ministerio comparatum, cujus maximam colligi partem Habibo auctori acceptum refero. Longè profectò ampliorem Opobalsami copiam Arabes promerent, si Europæorum stimulis ad culturam numerosarum stirpium eius incitarentur. Nunc quando quidē succedaneis antidota instruere usus obtinuit, adeoque paucissima Opobalsama expetantur, & cognoscantur, satis habent Arabes, si tantum odorati huius succi colligant, quantum magnatibus satis est, & facilis emptor abducere denuò, venumque præbere potest. Oblatum illud tamen ultrò Venetis mercatoribus, sæpè cum in Aegypto degerem vidi, neque inopiam eius incidisse memini, præterquam in publicis provinciæ turbis, quæ Anno clo. lcc. xxxi & sequentibus, Arabes & Seriffum involuebant. Olim ut cum Theophrasto refert Dioscorides, argenti duplo rependebatur

batur, cum prodiga odorum voluptate deliniti mortales, non capillis tantum; sed toto corpore unguentis maderent: cum eadem in potus adderent, & in castris quoque miles, pulverulentas, custodiisque horridas aquilas unguentis corrumpere. At non ea Persas hodiè, Turcasque vexat infania, quibus in Valetudinis ferè commodum Opobalsama placent. Fœminæ cultus sui causa rarò eadem admittunt, ligustro, Stibioque contentæ: non ignaræ, tunc se magis placere viris, cum minus olent. Defunctorum tamen honori aliquid Opobalsami datum novi, non corpori universo; sed locis putredinem spirantibus cum gossipio admoti. Moderatum itaque rei apud Arabes pretium, quæ nec avidè adeò diripitur, neque in numerosarum hodiè plantarum fœcunditate, postquam ignis opera addita est, adeò laboriosè, difficulterque conquiritur, ut Cosmus noster in Cahiro, cum fortè copiosius adferretur, mercatore pecuniarum indigo, libram opobalsami, scutato nummo comparare sibi potuerit.

Ἐστὶ δὲ καλὸς ὁ πρὸς ὀπρόσφατον τῇ ὁσμῇ εὐτοί, καὶ εἰλικρινὴς, καὶ μὴ παροξίζων, ἀδύετον, λεῖον, εὐφωγόν, καὶ δάκνων μετρίως.

Est autem bonus succus, qui recens, odore validus, & sincerus, & non subacidus, facile solubilis, lavis, adstringens & mordens modicè.

Subjungit porrò Dioscorides, quæ succi balsamici bonitatem, & virium adeò incolumitatem arguant. Ac primo quidem πρόσφατον laudat, sive recentem. Optimo jure! quis enim haud fateatur calidiora esse, spirituumque pleniora, quæ ortui suo proquiora sunt? Nec tamē hic recentissimū, & à matre sua etiamnum calentem laudat, quem veluti maris, terrarumque ingens intervallum nobis denegat; ita nec idoneam satis adversus morbos operam præstare posse constat, utpote qui περιπωματικώτερον, ut cum Aristotele loquar, partiumque nondum à calore insito mitigatorum multitudinem ἀκατέργαστον: turbidus adeò, & digestionis ulterioris indigus.

Alexius Comicus eleganter,

Ὁμοιοῦται ὁ ἄνθρωπος ὄινω τὴν οὐσίαν,
 Τρόπον τίναν ἔχει. Τὸν γὰρ ὄινον τὸν νέον
 Πολλὴ γ' ἀνάγκη καὶ τὴν ἄδρα ἀποζῆσαι
 Πρώτισον, ἀθυβρίσαι, καὶ παρθέσαι, πάλιν
 Σκληρὸν γεῖναι ----

Similimam, inquit, hominis, & vini naturam quodam modo esse. Vinum enim novum, & hominem, valdè necessum est defervesce; primum omnium sordes & spumam ponere; tandem asperum fieri. Idem in hac nobili resina obtinet, quæ tunc demum nativam indolem exserit, quando ingeni caloris auxilio superfluum impedimenta abiecit, ut recens hic nobis sit, non quod nuper collectum est Opobalsamum; sed quod à peracta digestionem qualitatum suarum perfectionem adeptum est, ex crasso tenuius, ex turbido clarius evasit, post albidum, & virescentem, aureum colorem induit.

Alterum, quod in liquore nostro requirit Dioscorides, est τῆς ὀσμῆς ἐυστομία
 odoris validitas. Hæc enim Galeno iudice, certum præstantis integræ
 que naturæ argumentum in medicamentis præbet, adeoque substantiæ a
 eria, & igneæ vigorem spondet. Acutissimus autem in fervercente odo
 est, quippe quem acris admodum, & fervens halitus vehit: mitior jam di
 gesti: debilis, & obscurior in eo, quem τοῦ χρόνου ἄδικον ἰχὺς. iniqua tem
 poris vis, ut Sotades loquitur, senectusque labefactavit. De odore Opobal
 ami, nil adeo mirum prædicant, quos hic sequimur principes auctores.
 Dioscorides lignum eius ὀσίδες, benè odoratum scribit, ipsumque adeo suc
 um ὃν μύρων σύμμασι, spissamentis unguentorum addi. Galenus balsa
 num partium tenuium asserit ὡς τῆς ὀσμῆς, ad odoris usque bonitatem.
 Inter Arabum procures Abensina سببه الریح بالسداب specie
 ciem odoris rutaceam pronunciat. Theophrastus odoræ jucunditatis apud
 priscos arbiter optimus, Ὀποβάλλαμον διαφορόντι φαίνεσθαι καὶ τῷ ὀσμῆαν.
 Opobalsamum præstans quid videri, odoris seu bonitate, seu vigore. Ra
 mos item & fructus balsami, odore valdè seu grata, seu valida iudicat.
 Neque Hercules iniuria. Nam cum lacrymas arborum omnium resinas
 fundentium, ὀσμούς benè odoratas appellasset: inter resinas verò terebin
 thinā ὀδεσάτω, odore gratissimā: quidni balsami liquor ipsi præstans quid,
 & excellens visum fuerit? qui utcunque terebinthinæ odorato halitu cognat
 us admodum sit, fragrantiam tamen, etiam cum notæ optimæ non est,
 spirat omnino maiorem, adeoque inter odoratas merces, in priscis my
 copoliis eximiam. Priscis dico, quibus apud Theophrastum σπουδαίτατα
 ὃν μύρων, elaboratissima unguenta, Cinamomo, styrace, nardo, amomo,
 typero, myrrha, croco, iride, cardamomo, amaraco, loto, anetho, simi
 libusq; componebantur, adeoq; opobalsamum, nō optimis, & fragrantissi
 mis; sed vel mediocriter olentibus unguentis adulterari potuit, ut in Dio
 coride clarum est. Cumque non odore tantum jucundo placeret; sed me
 dendi quoque virtute, nulli antiquis cognito remedio opobalsamum ce
 deret, quid miremur, scripsisse Plinium liquorem hunc suavitæ, utilita
 te, pretioque tam insignem, omnibus odoribus præferri? Flavium quo
 que Iosephum balsamum ὃν ἐν ἰσχυόντι τιμιώτατον, rerum in Hierichunte
 obviarum pretiosissimum existimasse? Non hæc tamen impellere Claris
 simum virum, Petrum Servium debueret, ut opobalsamum laudatis hoc æ
 vo præcipuis odoribus præferret, quibus locellos suos dum farcit delicatior
 fexus, non ineptè sibi videtur,

— ceu necitare poto

Efflare atherci immortalia munera succi.

Disuadebit enim rem omnem quisquis discernendis odoramentis, non tan
 tum rationis trutinam; sed benè temperatum quoque sensum attulerit.
 Mihi quidem selectius opobalsamum odoranti (odoratus autem sum fre
 quenter,

quenter) eximiam semper, fragrantiam ingessit optimi olibani, myrrhæque ὀσπρία superiorem. Non eam tamen, quam simplicis vel ambrae, vel moschi eminus perceptis odoribus prætulerim, quos gestantiū corpori, aut vestimentis conciliant. Non jucundis Hermeticorum, qui hodiè, multis liquoribus: ne supra Sambac quidem Arabum, & Ab el moschi seminum quamvis magis obviorum, soaveolentiam extulerim. Habeat opobalsamum limatissimo Theophrasti iudicio præstans quid, & odore excellens, sed inter ὑγρότητα & ξηρότητα, lacrymales humiditates, quales abietis, pini, terebinthi, lentisci, olibani, myrrhæ, & si quas hujus ordinis alias Eresia Suada recenset, longè retro actis seculis cognitæ.

Cæterum odora succi balsamici gratia, non eodem gradu sensui humano blanditur. Summam in eo perhibent, quem pollens viribus suis natura sponte exclusit, virtutum omnium perfecta collectione pretiosum. Validior item, magisque jucunda spirat in tenuiore, & puriore parte illius, qui ab artificii plantæ vulnere manavit: minor in crassiore, quæque cum fæcibus suis diutius colluctata. Suavissimus Opobalsami odor quem vegeta juvenitū spargit: languidus & immitis illius, quem senectū iam ætas cōfecit, verè Aristophani ὁσπρὶ βαμνός, ἢ ἐργασίριον ἢ κακὸν, velut ara, & ergasterium malorum. Norant etiam antiqui, majorē esse eiusdem fragrantiam, si lacryma semen præcessisset; à summis potius virgulis, quàm imo caudicis prodiisset, iisque in aprico magis & collibus, quàm umbrosis, & oriente sole averfis locis educatis. Gratius semper, & clarius Opobalsamum observavi, quod pedes, aut eques è Mecca attulerat; quàm quod longo itineris tractu, cameli dorso vehementius agitatū fuerat. Nec dubium mihi ullum, regionum quoque diversitatem, odoris aliquod discrimen olim peperisse, quum Sagadinum Opobalsamum Aegypto, aliisque in Palæstina nascentibus Galenus prætulerit.

An autem idem Sagadinum Arabico nostro, præstantius odore fuerit, non facilè curiosis ingeniis dederim. Quamvis enim cum propinquis Indis assiduo commercio, non parum odoratę mercis Arabes colligerent; propria tamen sylvarum suarum odorifera fertilitate, nulli exteræ nationi quicquam invidebant: maximè Sabæi, apud quos, teste Plinio, captis è mari & sylvis quæ venderent, maximè opes Romanorum, Parthorumq; subsidebant. Cum itaque balsamum eo loco sponte natura producat quo deliciis mortalium odoratis educandis, & perficiendis, tum solem habet faventem, tum uberem benignamque terram: quid hæsitemus, plantam hanc in eadem summam naturalium qualitatum perfectionem consequi? De virtute, cuius experimentum nobis facere libuit, dubium nullum: quæ veteris è Palæstina opobalsami laudes, non implere tantum videtur; sed etiam transcendere, si vires attendimus, quæ pestilenti contagio resistit. Inficias tamen ire nolim, opobalsamum Arabicum in patrio solo indiligen-

tius asservatum, longoque rursum itineris ductu, fervido soli negligenter expositum, citius lentescere, adeoque tum odoris fragrantis *ἐκλυσιν*, tum facultatum propriarum detrimentum incurrere posse.

Tertia bonitatis nota Dioscoridi sinceritas, *εὐκρίνεια*, quâ non tam claritatem arguit, perfectioris digestionis comitem; quàm substantiæ liquoris simplicitatem, rei alienæ subdolis misturis adversam. Hoc verò titulo, non illud solum accipimus Opobalsamum, quod stillatim planta suppeditavit; sed etiam quod è frondibus ramulisque ignis ministerio comparatum est; saltem ut prius, nulla heterogeneorum accessione vitiatum sit. Genuinus enim balsami succus est, non secus atq; arundinis suæ saccarum substantia, qualitatibus, agendique facultatibus idem, & viribus ipsis stillatio proximus, si ritè artifex ignis opera usus fuerit.

An genuinum item, sincerumque sit opobalsamum, quod semina geniali succo adhuc turgidula suppeditant, ambiguum reddidere veteres, quî misturam eius cum stillatio ex ramulis reprehēderunt. Ego simplicem eos purumque seminis liquorem abecisse minimè existimo, apud quos adulteratum habebatur, non quod integræ naturæ est; sed quod alieni consortio fœdatum. Equidem substantia illa pinguis, & aeria quæ ramulos imbuunt, eadem est cum resina quam complectitur semen: adeoque non temperamenti solum; sed etiam effectum quos recenset Dioscorides, ratione similis. Primam quidem præcipuamque agendi vim lacrymæ tribuit; proximam tamen semini. Non quia caloris minus spiritumque seminalis succus possideat; sed quia terreis involucrorum partibus impeditus, exferere virtutem non ita possit. Verè Theophrastus, semina *κυριώτατα · κὶ πρῶτα τῆς φύσεως ἔργα*, præstantissima refert & prima naturæ opera, illiusque *τελειούσης*, iam perfectæ, non intra rudimenta nobilium functionum balbutientis: quippe quæ non calidi tantum vitalis; sed formarum ipsarum compendia sint. Igitur ut ramuli recentes, ita succi plena balsami semina, siquidem Spagyricis laboribus exercitatum nanciscantur artificem, Opobalsamum dabunt, tam suavi odoris halitu; quàm virium excellentia saluberrimum, iurèque Aristotelis illud hic obtinebit, *ἐπιτελεῖν τὸ τέχνη, ἃ ἡ φύσις ἀδυνατεῖ*, perficere artem, quæ natura non potest.

Quartò, laudabilis Dioscoridi balsami succus *ὁ μὴ παροξίζων*, qui non subacidus. Quemcunque enim talem gustus deprehendit, propriam temperamenti symmetriam non obtinet. Detrimentum hoc non una; sed plures accersent causæ; fitque cum liquorem planta per ætatem jam affecta tulerit, eundemue protinus ab initio *ἐλπίψιδωσάμενος τοῦ πέπτοντος*, languore facultatis coëtricis haud perficit, aqueas frigidasque partes, non discutientis, non solventis. Aut optimum alioquin succum, diffolata pingui & aeria substantia, fervor ambientis exhaustit. Denique vasis ab Opobalsami vetustis facibus non purgatis, recentes lacrymas sordidus cultor immiserit

miserit, vitiosam hanc qualitatem paulatim induit. Mihi quidem balsami succus, qui sapore sic affectus fuerit; haud dum observatus, crediderimq; proniorem in hanc mutationem fuisse, quem Aegyptus olim, & Palæstina, temperatiores quam Arabia provinciæ, dedere. Commune quidem est, dum à recenti ploratu effervesceat Opobalsamum, calorque insitus heterogenea dispellit, ut vasis reclusis, acrem admodum, & acidum vaporem naribus propinquis ingerat, quam subsequens exactior concoctio sensim mitigat. At nævus, de quo auctor noster, non vigorem insiti calidi; sed labem eiusdem, & impotentiam arguit.

Quintum est, quod in bono balsami succo exigit Dioscorides, ut sit *ῥηιδίως* solvi facilis, aut liquari. Sic enim interpretantur vocem hanc, Attica eruditione viri principes, alias neque rei, neque auctori suo satis vindicandam. Hoc ipsum autem est, quod veluti sincerum deinde commendat idē Dioscorides, quodque aquæ, aut lacti inditum *καὶ ταχέως*, funditur celeriter, & ut ex eodem hauserunt Arabes scriptores, Serapion, & Abensina, solvitur subito *ينحل بسرعة*. Neque abs re hanc probandi liquoris conditionem expressit Anazarbæus. Quisquis enim eiusmodi est, sensum gustantium facili penetratione celeriter afficit, & ut cum veteri loquar Poëta,

— per caulas omne palati

Diditur, & rare per plexa foramina linguae.

Imò quod pluris est, gravibus in morbis expeditum, desideratumque viriū suarum specimen præbet. Improbis itaque fuerit, quando potiore sui parte, spiritu scilicet, & calore destitutus, terrenoque impeditus lentore, nec facile dilabatur, nec tennes corporis meatus subire valet.

Addit his bonitatis indiciis *λεωότητα*, lævitatem Dioscorides. Etenim cum humiditates plantarum, ut jam ante propositum, alias simplici crassitudine consistere tradiderit Theophrastus, alias autem in lacrymæ modum igni. Balsami succum non aqueis illis; sed pinguibus atque oleaginis annumerat, quorum proprium est, lævitatem rebus aliis, & lubricitatem inducere. Hoc itaque nomine liquorem innuit, etiamnum recentem, partem, partesque quas imbuat, pingui lubricitate lenientem. Sequioris vero conditionis, qui crassior, & spissitudine nimia digitos ungentis difficulter sequitur.

Postremò, laudabilis Dioscoridi balsami succus, *δύσπληκτος καὶ μέτριος*, qui adstringit, mordetque mediocriter. Equidem cum nobilis hæc resina, inimicum humano temperamento calorem non obtineat, gustum non si blandè afficit, & modestè. At Dioscorides *ὁ τὸν θερμαντικώτατον*, succum balsami maximè calefacientem constituit; sed hactenus, ut ligno, prociisque fructibus conferatur. Nam ut in ligno parum, plus in fructibus caloris percipitur; ita plurimum eius in succo dominatur. Optimè tamen

Galenus, & hyperbolen Dioscoridis veluti coerceens, balsamum calefacere, & ficcare excessu secundo scribit. Liquorem quidem subtiliorum esse partium, quam ipsa planta, non adeò tamen calidum, quemadmodum quidem existimarunt. Iam enim experientia satis cognitum erat viro diligentissimo, balsami succum in nullo affectu, qui calore validiore indigebat, evidenter opitulatum fuisse, quod vim ægritudini parem non afferret. Infistit præceptoris vestigio Abensina, cumque ligno similem temperamenti normam adhibuisset, Opobalsamum ipsum, in principio calidum tertii ordinis reponit, additque cum Galeno, و ليس فيه

من الاسخاخ ما يبلن non esse caliditatem in eo quam arbitramur. Placidus igitur quàm mordicandi, quàm stringendi in balsamico liquore effectus, quemque in senectâ ætate vel exiguum exhibet, vel nullum.

Atque his bonitatis signis conspicuum sæpè observavi, quod etiamnum felix eius proventu Arabia suppeditat Opobalsamum. Erat enim, quantum in tanto locorum intervallo fieri potest, virium suarum integritate recens suavi adhuc odore validum, nō heterogenei cuiusdam accessione adulteratum, clarum etiamnum, haud subacidum, facile solubile, lævum, modicè adstringens, & mordens.

Δολοῦ δὲ ποιητικῶς : οἱ μὲν γὰρ χρίσματα μίσγουσιν αὐτῷ, ὥς τὸ τρεβινθίνον, κύπρινον, χίνινον, σοῦσινον, βαλάνινον, μεπῶπινον, μέλι, κηρωτὴν μυρσίνην, ἢ κυπρίνην ὑγραὺ λίαν.

Vitiatur autem per fraudem variè: sunt enim qui unguenta ipsi miscent, veluti terebinthinum, ligustrinum, lentiscinum, liliaceum, nucinum, metopium, mel, ceratum myrthinum, & ligustrinum valdè humidum.

Variè per improbos emptores corrumpi solitam balsami lacrymam, καὶ πολλῷ δὲ χεῶς κράσιν, multamque capere misturam, nec in Græcia adeò, nisi rarò, sincerum vendi, vetus Theophrasti querela est. Quid Dioscoridis deinde, aut Plinii ævo, cum ingeniosus disperdendis unguentis luxus, in tantum suaderet augere liquorem? Cum parum esset unguentum fumere, ni bis die, terque, ne in corpore evanesceret, renovaretur. Cum expeterent homines, quibus singulas corporis partes, atque etiam vestigia pedum tingerent: transeunte fœmina odor invitaret etiam aliud agentes, metuq; proscriptionis latentes proderet: denique parietes balinearum unguentis spargerent, & temperarent folia. Ridicula voluptate, etiam cum honestissima judicaretur. Fœtor, inquit Satyricus,

Numquam non mortalis erit mortalibus, unde
Exierint, & quo tendant discetur odore.

Superabat tamen hominum perfidiam summorum principum studium: iidemque illi, qui herbarios suos in Creta insula aiebant imperatores, per præfectos suos, quibus Aegypti, & Palæstinæ regimen comiserant, genuinum Opobalsamum ad antidotorum compositionem facilè consequentur.

quebantur. Adeoque Galenus, inter optima alia quæ syntaxis nobilium medicamentorum exigebat, & mel hymettium, & Opobalsamum Romæ olim obvium fuisse testatur.

Hodiè cum tanto ambitu non expetatur, non ea libido Arabes quidem vexat, ut salutarem lacrymam alieni succi fraudulenta mistura vitient. At Cahirum postquam allata est, in amplissima urbe tot sycophantarum manibus distracta, non uno modo redditur deterior. Frequenter Cypria, Arabicave terebinthina miscetur, fraude, ut minus noxia, ita non difficulter cognoscibili. Sic enim affectum, non per stillas; sed lento veluti filii tractu delabitur, odore debili, minusque suavi, turbidum aspectu, colore pallidius difficulter solubile, densando lacti ineptum, atque instillatum vestimentis, adhæsu tenaciore sese jungit. Memini, & oleum zacconis à perfidis hominibus hic usurpatum, quod veluti claritate, colorisque flavedine; sic vulnerum jungendorum efficacia, succi balsamici æmulum. Est autem zaccon in Hierichuntis planitie nascens pruni species, folio angusto, & spinoso, fructu myrobalano citrino simili, ex quo contuso, vinoque prius irrotato, Arabes, & qui Solymis commorantur religiosi viri oleum dictum exprimunt. Dolus tamen facilè detegitur. Nam nec odor in illo, qui cum Opobalsamo vel comparatione dignus sit, nec lactis portionem ullam cogit, quamvis sapore asperum, & adstringens. Innatat liquorum aqueorû summo olei instar communis, vel stipatum, vel in radios concussu distractum. Laneis vestibus inditum, sese latius diducit & profundius insinuat, vixque eluendam iisdem maculam impingit. Itaque permistum Opobalsamo, tum fragrantiam eius minuit, tum reliquis omnibus notis induit, quibus per olea & unguenta corruptus balsami succus, à Dioscoride mox describetur. Tentatum idem oleo ex Mauritania, quod plurimorum anorum decursu spissius redditum, consistentia, colore flavo, vulnerumque evandorum efficacia, lacrymæ balsamicæ aliquantum simile. Cæterum cum aliis indolis suæ signis ab eadem plurimum discrepet, vel mediocriter in Opobalsami *Σκίμματα* versatus, vitium additum agnoscet.

At veteribus in magna unguentorum aviditate, maior adulterii libido fuit: eratque obscurissimum vitium si terebinthinum miscerent, aut leniscinum: manifestius si mel, cuius sapor latere non potest: evidentissimū si liquida cerata: nequissimum item Plinio si gummi adderent. Pro cerato autem ligustrino, cur Pliniana imitatione, ceram Cypriam verterit latine Ruellius, causa nulla fuit. Optimè Abensina Dioscoridis sententiam expressit, cum balsami liquorem depravari scriberet, cerā in oleo ligustrino soluta, *جنتانج دباب في دهن الحنا*. Ligustrum enim communiter elennā, Arabibus dictum. Plures etiam Opobalsami fraudes se didicisse profiteretur Galenus, & per quas vel peritissimis imponi potuerit; sed quas omnium imposturas veritus, in publicum proferre non sustinuerit. Tales

ex pini, terebinthi, abietis, pistacei stillaticijs liquoribus, oculata manus facile concinnabit. Tutus nihilominus ab errore fuerit, quisquis in his technis consilium Galeni sequetur, & non simplici auctorū lectione contentus, velut ἐκ βέλων ἐργάτης, in locis, quibus Opobalsamum lectissimum obvium est, non semel; sed sæpius illud examinabit. Qui partem optimi liquoris, vel ipse indè secum detulerit, vel per amicos spectatæ fidei, sibi conquisiverit: denique alias hoc nomine celebres lacrymas, cum sincero illo comparaverit, non de manifestis minus qualitatibus, quàm agendi viribus sollicitus. Melius de posteritate meretur Dioscorides, qui signa proponit, quibus adulterantium dolos deprehendamus. Pergit enim, &

Ἐλέγχεθ' δὲ ὡς ὁ τοιοῦτος. Ἐπισαγείς γὰρ ὁ ἀέρα εἰς ἐριού ὕψος, καὶ ἐκ πλωθεῖς, κελίδα οὐ ποιεῖ, οὐδὲ σπῖλον. Ὅ δὲ δεδλωμένον προσμένει.

Arguitur autem facile qui talis. Instillatus enim sincerus in laneum pannum, & elotus, maculam non facit, neque notam: qui verò dolo vitiat, immanet.

Discrimen itaque primum sinceri opobalsami, & olei unguentisque corrupti, quod sincerum vestibus instillatum, lotione sic auferatur, ut macula, vestigiumque non amplius oculis observetur. Contrarium enim obtinet in vitiat, quia vestimentis exceptum penitiùs se insinuans, & diffundens, vix debilem lotione maculam exprimit. Hæret itaque pura lacryma, & quo suscepta primitus fuit orbe, persistit; mox si calida eluatur, eximitur prorsus, & aboletur: si relinquatur, discussa parte tenuiore, minor indies evadit, jamque siccior ob calorem ambientis, etiam digitorum impulsu facile resolvitur, & separatur, nulla superstitie sui nota. Promptissimè tamen lotionem tollitur opobalsamum, quod a recenti ploratu tenuius: non ita facile quod visciditatem majorem adeptum est. Optimè suggerente Theophrasto, τὴν γλιχρότητα ἀντιληπτικῶς ἐστίν: visciditatem apprehendendi vim obtinere: longè difficiliùs abscedit succus, qui plurium annorum decursu, terebinthinæ lentorem acquisivit. Quamvis per ætatem spissior liquor, cum eius gutta minus adhuc laneum textum subeat, resiccatus deinceps, nullo negotio dispellatur, neque indicium sui proferat. Abensina paucis; sed abunde ad mentem Dioscorides, فانه ينقي لا يتحل الحميم quando eluitur (qui sincerus est) non parit maculam. Nam quæ subiicit in Latina versione interpres, de conservanda soliditate eius in aqua, & ablutione à gossipio, sive Cotto ut scribit, textus Arabicus non habet.

Peius implicuit Ruellius eos, qui cum fontes ipsos Pedacii accedere non potuerint, riuiulis eius iam turbidis, labra rigarunt. Nam cum allata Dioscoridis verba latinè transtulisset, Merus (balsami succus) in laneam vestem fusus, neq; maculam facit, neq; si eluatur notam relinquit; vitiat autem inhæret. Hæc, totidem verbis in vulgarem sermonem versa, dederunt ansam exploraturis opobalsamum, ut sibi persuaderent, non instillandum id esse per singulas guttas, sed liberali manu largius infundendam:

imò crassum ex lana, villosumque centonē, eodem penitiùs imbuendum. Sic denique exceptum liquorem, maculam facere non debere; sed totum in spiritum, suavemque halitum dissolutum petere cœlum, neque exuvias corporis, aut residuum ex se nævum relinquere. Postremò, illibatæ substantiæ succum non inhærere: ipsumque adeò Prosperum Alpinum, cum Opobalsamo Arabico ad metam hic constituisse, utpote quod absolvere planè ab inhæfionis crimine vix potuerit.

Sed hæc nihil ad Dionysium. Quid enim apud Dioscoridem nostrum clarius, quàm ἐτίσαζιν requiri balsamicæ lacrymæ, non ἐπίχυσιν, ut stille-
tur supra laneam vestem, non ut effundatur, cum eam in probationibus ob-
pretii magnitudinem largiùs prodigere minimè deceret: excusationem-
que adeò Ruellius nullam hic inveniat. Multò minus, quod inconvenienti
metathesi, τῷ ἔκλυσιν, elotionem, quam Dioscorides præmittit, à macu-
læ inductione sejunxerit, retuleritque ad vocem σπίλου. Vnde insedit ani-
mis disceptantium opinio sincerum Opobalsamum maculam non parere.
Sed misso ex alieno παροράματι profecto errore, adsevero maculam induci
vestimentis, etiam ab optimi nobilissimique Opobalsami gutta. Qui enim
secus fieri queat? cum & spissitudinem obtineat hic succus, & colore quem
obtinet proprio se repræsentet, ad quem delendum veteres lotionem exi-
gunt. Hoc igitur ipsum est, quod Dioscorides respexit, scilicet elui posse
à sincero opobalsamo contractam maculam, quam qui sine ablutione to-
tam in spiritus abire contendunt, illi palàm cum Aristophanæo Socrate,
ἀεροβατοῦσι, ambulant in aere.

Cæterùm quæ maculæ, eadem & inhæfionis ratio habenda. Necessè
enim est susceptam lanea veste lacrymam inhærere, quæ tota pinguis per
naturam, tota viscida existit: eoque tenacius inhærere, quo lentior eiuf-
dem per ætatem magis increvit. Attamen quicquid eius adhæsit, non di-
latabit sese, & majore indies fœditate olei instar diffundet. Non sic per-
manebit, quin adhibita lotionem expurgari queat. Atque hoc signum, quo
ab oleis omnibus intactum se demonstrat opobalsamum, in Arabico puro
clarissimè refulget, utpote cujus macula, siquidem recentior liquor fue-
rit, simplicis calidæ contactu facilè tollitur. Neque aliter de hoc gnoris-
mate judicavit Prosper Alpinus, utique postquam debito modo & tempo-
re factis experimentis cognoverat, delebilem esse incorrupti ab oleis o-
pobalsami nævum. Nam ipsum quod attinet pannum, Arabes quidem è
lino, serico, gossipio, pilisque caprarum contextum, promiscuè in lacry-
mæ probatione usurpant, nec dubium, facilius eam sic abscedere: quam-
vis etiam in laneo sinceritatis fidem exhibeat.

Γάλακτι δὲ ὀπίσσω πῆγνυσι τοῦτο, ὅπῃ δεδολωμένον ἐν δρῳ.

Lacti verò instillatus densat illud, id quod dolo corruptus non efficit.

Ac siccis quidem corporibus inditum opobalsamum, hoc specimine since-

ritatem suam tuebitur. Subjungit porrò Dioscorides, quid liquidis instillatum præstet idem, & primo immissum lacti. Refert itaque simplicem balsami liquorem lac cogere, idque vitiatum haud efficere, eximia sanè & singulari sibi facultatē. Nam veluti proposito jam indicio, juxta cum aliis lacrymatis, resinosisque succis, ab oleorum mistura intactum se convincit; ita lactis condensatione propriam magis naturam, indolemque manifestat. Hæc verò condensatio, non de coagulatione propriè accipienda est, qua lac per admisti coaguli particulam, veluti gelu vinctum hæret, figiturq; totū; sed de spissatione, & condensatione partiū lactis, opobalsamo concrecenti propinquare, quam cum Prospero Alpino, debilem, imperfectamque coagulationem haud immeritò nominare libet. Equidem compactionem illam, quæ coaguli facultatem æquaret, etiam in recenti admodum, optimoque balsami liquore nunquam factis experimentis cognovi, quamvis haud exiguam lactis portionem cogeret. Nec veterum quisquam hanc coaguli energiam, opobalsamo literarum monumentis tribuit, aut ratio assignavit ulla. Quomodo enim pares afferant compingendi vires, quæ tam dissimilis sunt naturæ? Miscetur enim lacti coagulum promptissimè, utpote eidem homogeneous, & Aristotele quoque finitore, *Γάλα ἔχον ἐν ἑαυτῷ πῦρ*, lac habens in se ignem. Itaque factu facilissimum est, cum sale subtilissimo, spirituque *πικτικῷ* familiarem sibi substantiam quaqua versum penetrent, eamque sibi alligent undique,

— ut liquefacta coagula durent.

At non ea balsamicæ resinæ conditio est, quæ pinguis, & aëria, nihil magis quam rerum aquearum conjugium aspernatur: adeoque lacti cominus instillata, non illi se miscet; sed celeri motu per summum eius explicita, tenuem veluti in telam diducitur, tumque partim frigidi contactu, partim exhalante repente spiritu debilitata, si quid roboris superest, quo cogat, aut denset, in propinquas sibi lactis partes tantum diffundit. Neque adstringendæ facultas, sub qua concretionis opera plurimum proficit, singularem in Opobalsamo *ἰσόχλῳ* sortita est, quam optimo illi non nisi mediocrem Dioscorides adscribit.

Accedit, eundem usurpare verbum *πήγνυσι*, cui optimè respondet Arabicum illud *حاج*: eoque non simpliciter *τὸ ἐμπιτυάζειν*, coaguli instar congelare; sed latioris significati complexu, quamcumque compactionem, concretionem, condensationemque passim Græci scriptores exprimunt. Aristoteles, *πάν τὸ ὠρτισμένον, καὶ τὸ σωρυσθὲν, ἢ μαλακὸν, ἢ σκληρὸν, ταῦτα τῇ πήξει*. Rem omnem, ait, determinatam, & consistentem, aut mollem, aut duram, concretionem talem esse. Cumque de particularibus sermo est, *πήγνυσι τὸ μέλι ὑπὸ ὕδατος*, spissari densarive mel ab aqua: *τὸν ὀπτόμενον κέ. ραμον πήγνυσι ἰξίοντα τοῦ ὑγροῦ*; coctum fictile compingi exeunte humido. Vtitur eodem frequentius Theophrastus, cumque de resinosis loquitur liquoribus

quoribus, non eandem, inquit, omnium esse horam τῆς ἐντομῆς, καὶ πήξεως, incisionis, & concretionis: copiosiore esse item humidi fluxum, in iis, ὧν αὐτόματ' ἡ πήξις, quorum sponte facta est condensatio. Denique hunc ipsum, de quo agimus balsami succum, Strabo, ἀναλείφοντα εἰς κογχάρια λαμβάνειν πῆξιν, receptum parvis conchis, acquirere spissitudinem scribit.

Quæ cum ita sint, & vel in optimi opobalsami gutta, mira illa coaguli vis nec sit, nec persistere queat, qua subditi lactis magnam quantitatem parva mole veluti congelat, atque immobilem efficit, nec Dioscorides, atque Avicenna, quicquam eius sigillatim exprimant, non est quod Pliniū, multa hic ἀκυρολόγως proferentem, de propriè sic dicto, perfectoque coagulandi effectu interpretemur.

Causam condensationis qui communiter expendunt, ad partium lactis balsami succo subiectarum exsiccationem, cum Aristotele respiciendū monent, qui verè sanguinem fibris carentem, οὐ πηγνύσκει ὅτι οὐ ξηραίνει, non concrelescere dicit, quia non siccatur: ipsamque πηγνύσκει ξηραίνεσθαι πῶς, concretionem esse exsiccationem quodammodo, sive ea manifestam humidi consumptionem excitet, sive ἀδηλον διαπνέω & imperceptibilem. Efficit eam tam calor, quam frigus. Calor quidem humorem absumendo; frigus calorem expellendo, cum quo pars humidi tenuior pariter facessit. Neque obscurum est, utrumque obtinere in balsamico liquore, qui calore suo portionem lactis tenuiorem discutit, eodemque mox exhalante, prævalente iam frigido siccoque elemento, partem propinquam lactis cogit, ipsumque pariter concrescit. Optimè Hermetici πῆξιν corporum naturalium, insitioisdem salis, tanquā propiori causæ tribuunt. Accipiendum autem hic sal γενικῶς, pro substantia misti terrea, à calore plurimum attenuata, per quam aptitudinem consequitur, promptè & ipsum concrescendi, & aliena quoque corpora, quibus humore, spirituque mediantibus communicatur, similem in modum afficiendi. Ita saccharum, chalcanthum, nitrum, discussio per quem diluebantur humore supervacuo, tum ex se coagulantur, tum ea quibus condimentum præbent, densant secum, atque indurant. Hoc ipsum itaque Opobalsamo congenitum sal, dum evaporat odoratum eius sulphur, concrescit, sibi que conjunctas affinitate naturæ lactis partes colligit, ac constipat.

Cæterum hanc densandi lactis proprietatem, non eodem semper vigore possidet balsami resina. Potentius agit quæ recentior, quia terreas partes concretionis auctores, calor vix dum rerum potitus, in ordinem haud redegit, atque ut cum Chymicis loquar, Mercurius spiritusve acidus, salium subtilissimorum vehiculum, nondum ab insito sulphure satis domitus. Debilior actio est, cum acquisita humidi nimia visciditate, vires suas expedire terreæ, partes nequeunt: lentoque iam phlegmate, veluti compedibus induta salia, ὀρμῶν naturalem, impetumque non promunt. Major autem

hæc cogendi lactis potentia, in Syriaco veterum Opobalsamo fuerit, an in Arabico nostro sit, non satis liquet, cum alterius defectu comparatio facultatum fieri nequeat. Mihi probabilius, Syriacum his viribus præcipue polluisse, cum in temperatiore productum climate, partium frigidarum plusculum possideret, nec clementior calor spiritum salium hospitem immoderatiùs exigeret.

Actio ipsa condensationis, haud iisdem absolvitur monumentis temporis. Celerior est, cum tenuior balsami liquor, adeoque solutu promptior, viribusque penetrandi instructior. Tunc enim vix peractâ *ἡτοιμασται*, nondū coenum suum à coelo distinxit, spiritusque digessit, salibus tartareis asperfos. Tardiùs ergo fit concretio, quum per causas contrarias mora fit. Abensinæ interpretis vetus, experimentum, inquit, olei balsami est, congelatio lactis, statim, cū super illud destillatur. At codex Arabicus Medicæus, particulam, statim, non habet; sed *دنه اجار اللب اذا قطر منه*, *دنه*

علي لبن Pinguedo eius cogit lac, quando stillat ab eo super lac.

Ἐτι ἡ ἀρετὴ ἐπὶ χυθεῖς γάλακτι ἢ ὕδατι χεῖρ ταχέως, καὶ γαλακτοῦ, ὃ δὲ δεδολωμένον ἐπὶ πλεῖστον ἔλαιον συσσεύεται ἢ διαχέεται ἀσβεστοῦ.

Amplius qui sincerus, infusus lacti aut aquæ funditur celeriter, fitque lacteus: at per fraudem vitiatu innatat sicut oleum, conversus, & diffusus in modum stellæ.

Tandem quid communiter aquæ, & lacti inditum præstet Opobalsamum sincerum, persequitur porro Dioscorides. Hic verò effectus tantū est apud Arabes, ut vel eo solo evidenter se proferente, indubitatae bonitatis liquorem emptoribus eius spondeant. Ac primò quidem sincerum balsami succum, aquæ aut lacti immisum, celeriter fundi scribit; quibus ex amussim respondent Abensinæ verba, *ينحل بسرعة* solvi cum celeritate, ut momentum rationis vix habeat interpret latinus, cur receptissima verbi significatione posthabita, non solutionis; sed missionis in aqua & lacte meminerit, quo sensu dum ab orbita veri non parum secedit, ducit etiam secum in plexus, quotquot in eandem sententiam concedunt: quibus opinionem peperit, jungere sese intimè lacti & aquæ opobalsamum, eademque viribus suis undique imbuere, id quod à veritate alienissimum est. Quamvis enim hoc dem, promptè misceri aliis, quæ facilem admittunt solutionem; id hætenus tamen concesserim, ut sint *ἑνωσιμῶν*, quæ coire debent, & substantiæ cognitione invicem devincta. At ea lacti, & aquæ cum Opobalsamo non intercedit. Nam cum hoc aeris, spirituosæque substantiæ plurimū possideat, lac & aqua frigidioris elementi viribus prævaleant, difficilis semper, & infirmus concurrentium nexus est. Itaque si cominus aquæ aut lacti balsamica gutta admoveatur, non mergitur, non miscetur; sed simul atque utrumvis contingit, in summo sese æquore diffundit, ac dilatat. Ex alto si destilletur eadem, pondere suo abrepta

mergitur quidem ; sed mox superficiem repetit , atque in eam se expandit .

Funditur ergo pinguis hæc lacryma ; sed funditur *ταχίως* celeriter . Quãvis enim resinosi liquores alii , per aquę superficiem sese explicent ; nullus tamen , vel antiquitus , vel hoc primum ævo cognitus , tam expedito , tamque celeri motu , aquę lactisque summum occupat . Conferantur sinceri ac recentis opobalsami , tum ex abite , pino , & terebintho resinarum in aqua & lacte expansio , patebitque clarissimè , quàm

— *nil tremulis facere artibus hædi*

Consimile in cursu possint , & fortis æqui vis .

Tanta enim in dissolutionis velocitate differentia est , ut balsamici liquoris guttula recens , momento quasi temporis diffundatur , quo resinæ reliquę non nisi lento passu prorepunt . Accedit huic celeri solutioni amplior dilatatio , cum vel vnica opobalsami lacryma , cyatho satis capaci receptam aquam , tenui pellicula totam obvelet . Cur autem aqueis liquoribus inditum hoc medicamentum celeriter difficiatur , non satis , fateor , explicitum est . Vero tamen simillimum videtur , cum recentis huius succi colliquatio , nulla vel arte , vel agitatione indigeat , fieri eam ob motum partium spirituosarum & calidarum , naturali dissidio contactum aqueorum averfantium . Hæ , dum velut è cētro per radios ad circumferentiam abripiuntur diducunt ilicet , distrahuntque secum liquorem ipsum , cui amico naturæ fœdere conjunguntur . Itaque diminuitur hæc actio , cum in eodem , ut poeta loquitur Carus ,

— *minutatim vires , & robur adultum*

Frangit , & in partem peiorem liquitur ætas .

Abscedunt enim paulatim ea , quæ Hippocrates *ὀρμούντα σώματα* nominat , sicque lentore suo præpeditus succus , ad expansionē redditur difficilis : maxinè si robore suo jam defectum opobalsamum , aquę aut lacti intensius frigidis instilletur .

Cæterum dissolutionem balsamicæ resinæ , excipit eiusdem condensatio , cuius ratio præcedentibus jam exposita . Huic conjungit Dioscorides *το γαλαντόν* , lacteum fieri : signum eximium , quodque succi concretionem pari velocitate comitatur . Nam simul atque in membranulam hic extensus est , non aureus amplius , non flauus ; sed manifesto pallore decolor conspicitur . Tunc verò styli cuspide recollecta gutta , (nam colligi dissoluta integrè potest) etiam evidentiore candore lacteum succum exprimit . Nec deest mutationi ratio . Nam ut in humano corpore , florem naturalis coloris leve spirituum deliquium carpit , & per ægritudinem aliquam repente ingruentem , nitor ille ,

Ac fulgor teneris qui radiat genis

Momento rapitur —

Ita hic aureum opobalsami splendorem spirituosæ sulphuris effluxus lacteo pallore commutat .

Habet itaque hæc lacryma, ut præ reliquis hætenus cognitis resinis celeriter solvatur, ampliter dilatetur, & coloris etiam citam insignemque mutationem subeat. At igne elicitedum è juniperi baccis oleum, simili facultate præditum conspicitur, cum celeri motu ipsum quoque per aquam diffundatur: inventique à curiosis hominibus liquores, qui tum lactis aliquid cogere, tum aquis infusi lacteum candorem æmulari cernebantur. At hæc non efficiunt, ut vel balsami liquores diversos nobis præbeant, aut in genuina lacryma suspectam integritatis fidem reddant: facillèque patimur junctim possidere Opobalsamum, quæ in aliis seorsim occurrunt, & singula. Sint enim quorum maculæ promptè lotionè tolluntur, quæ lac coagulant, quæ celeriter in aqua liquantur, quæ colore lactescunt: imò quæ manantibus tam à temperamento, quàm à tota, ut cum Galeno loquar, substantia facultatibus paria præstent. Opobalsamum tamen aliud genuinum habendum non est, quàm resinofus ex ipsa balsami planta succus. Qui probus utique fuerit, si viribus suis etiamnum pollet, adeoque suavem ligni fructuumque suorum odorem spirat, linguam mordicando atque adstringendo mediocriter afficit. Sincerus item, si maculam pariat lotionè delebilem, lac cogat, denique aquæ aut lacti immixtus celeriter fundatur, extendatur, albescat.

Subjungit porrò Dioscorides succum balsami dolo vitiosum olei innatare, converti, atque in stellæ modum expandi. Confirmat idem, & verbis propemodum iisdem Abensina, cum scribit.

الخشوش يطنوا مثل الزيت و يجتمع او يتفوق فيصير بمنزلة الطوباء
Innatat (adulteratus) sicut oleum, & se colligit, & summum occupat, idque fit similitudine stellæ. Nam cum recentis legitimique Opobalsami gutta quaquaversum exporrigatur, occupetque celerimè oram vasis omnem, haud reperit quo se proferat ulterius, adeoque nullis distractum radiis, simplici continentis corporis ambitu definitur. Ne senio quidem languidior balsami liquor olei volutatus in aqua exhibet. Nam in frigidam coniectus petit fundum; in calida, modicè dilatatur: in fervidam missus, discussis ilicet spirituosissimis reliquiis, vix dissolui amplius potest. Memorabile itè quod addit hic Dioscorides.

πρὸς τὸ τοι χρόνῳ ὁ ἀκέραιος παχυνόμενος ἐαυτοῦ χείρων γίνεσθαι. Πλανῶν δὲ οἱ νομίζοντες τοῦτον ἀκέραιον ἐπιστρέφοντα ὕδατι χωρεῖν εἰς βάθος πρῶτον, εἶτα ἀναπλεῖν διὰ χυτον.

Cum tempore verò sincerus crassefactus, se ipso deterior fit. Hallucinantur autem qui existimant, hunc sincerum super aquam stillatum, petere fundum prius, deinde se summeare, facillè solubilem. Refert eadem ex auctore nostro Abensina, totidemque verbis,

يخط من يظن ان الخالص اذا قطر على الها يصير ارلا في عمقه ثم انه يطفوا

يخط من يظن ان الخالص اذا قطر على الها يصير ارلا في عمقه ثم انه يطفوا

Errat qui existimat sincerum, cum stillatur super aquam descendere primum in fundum, deinde remeare super eam, estque hic sine solubilitate, ac bonitate. Purum itaque balsami succum, ætatis melioris decursu iam crassifacium, fieri deteriolem, verè nimis, ac seriò fatetur Dioscorides, ut Crateti vetustissimo Comico meritò applaudendum sit, qui

Ο γὰρ χρόνος μ' ἐκαμψεν ἵκτον ὀυσοφός.

Ἄπαντα δ' ἐργαζόμην ἀδενέσσεια.

Me, inquit, tempus incurvavit, faber haud bonus, omnia quippe efficiens imbecilliora.

Quid igitur? non incolumes permanent in genuina balsami resina, notæ illæ à Dioscoride nobis commendatæ, quibus indolem eius ad verè obrusam exigimus? Ita iis sane videatur, qui proposita junctim signa, pro differentia nobis obiciunt, εἰδοποιὸν speciem rei constituentem, quæ Porphyrio præceptore, ἄλλος, οὐκ ἄλλοιον, alium, non diversum efficiat Opobalsamum, non magis admittat & minus, non ætatis, temporisque mutationibus obnoxia sit, ut varietas quidem in calorem, saporem, odorem, innatationem, aliasque notas cadere queat, non queat in maculæ delebilis productionem, lactis concretionem, celeremque liquationem. Sed hæc plura sunt, & majora, quàm ut iis capiendis Opobalsamum par esse possit. Nam cum liquor hic non sit in æternarum substantiarum censu, quibus, ut verè docuit Aristoteles, τὸ ἐνδέχεσθαι τοῦ ἐν μηδὲν διαφέρει, esse & potentia non differunt; sed propter communem caducis materiæ labem, corruptioni subiectum. Necessum est, ut in se ipso habeat, cuius ductu post exortum suum abeat ad occasum, & fortuitorum etiam occurso rapiatur eodem. Quemadmodum autem optimum factum, collectis balsamici succi facultatibus & affectionibus, ab aliis eundem curiosè distinguere, cuius non secus ac de plantarum partibus aliis sensit Aristoteles, οὐκ ἔστιν ἀκριβὴς ὁ λόγος, non est satis exactè cognita substantiæ ratio; sic iniquum est, qualitates naturales, quæ seorsum spectatæ, ne propriæ quidem sunt, in formarum essentialium ordinem, redigere.

Sed revera in nobili hac resina, nihil est quod vim temporis, adeoque ætatis effugiat: nihil quod locorum, cultusque varietate, mutationem accidentium non admittat: ut quæ coloris, odoris, saporisque discrimen invehunt causæ, varient pariter, intendunt, remittant qualitates, actionesque reliquas. De crassitie, per quam sincerissimi alioquin succi conditio redditur deterior, fatetur Dioscorides. At hanc duo consequuntur: adhesio scilicet in pannis pertinacior, quæ deinceps elotionem secum trahit operosior: tum solutionis, expansionisque difficultas, veluti in allatis superius abundè expositum. Neque aliter de lactis condensatione sentiendum est, siue hanc viri docti à temperamento deducant, siue totius naturæ viribus acceptam referant. Nam terreæ partes, acquisita per senectutem

humidi visciditate illaqueatae, quò se exporrigant, tanto minus reperiunt, quanto major spissitudo liquorem compingit. Nec constantiores hercules sunt, manantes à tota substantia facultates, ut crebrò nimis in alexipharmacis, catharticis, aliisque pretiosis medicamentis experimur, & salutaris scientiæ parens *ἐμπειρία* dudum detexit. Credant itaque Dioscoridi citra exceptionem fidei probatissimæ testi: credant Abensinæ, qui disertè.

للعتيق فلا قوة لا الادقي قوة يسمير

In condensato antiquo, non est, inquit, robur partium, quod sit robur efficax: sciantque balsami etiam purissimi liquorem, per varios ætatis casus, quamvis externus fortuitorum impetus non accedat, notis quotquot obtinet omnibus, varium se præbere, atque ut cum Aristotele loquar *ἀορίσως εἶχεν*.

Porro explodit Dioscorides errorem eorum, qui sincerum quidem; sed longiore tempore crassefactum Opobalsamum prius fundum petere arbitrabantur, deinde sursum remeare, facilèque dissolui. Nam quodcunque hujus conditionis est, aucto jam frigidioris elementi pondere, fertur deorsum, etiamsi non eminus; sed cominus aquæ inditum fuerit, & citra validum proiicientis impulsus. Tum verò, si partibus aeris non dum penitus destitutum, languidè, tardèque sursum nititur, stardè soluitur, nec tenuem undique in telam panditur; sed olei instar, intra exiguum orbem coercitum, innatat. Quod si spirituosas partibus fortior concretio vim extremam intulerit, non sursum contendit, perque summum aquæ deducitur; sed in fundo persistit, & ut Pythagorei olim sentiebant, *ἐν δὲ τοῖς φυλάκῃ* in Iovis carcere.

Sed hic Plinius nobis in pleno cursu remora obiicitur, qui succum balsami probatum in aqua fidere, scriptum reliquit. Hunc Saladinus sequitur, & Setus, & quotquot posthabito substantiæ Opobalsami examine, simplici auctorum assertione ducuntur,

— *ceu nervis alienis mobile lignum.*

Mihi quidem! Plinius etiam inter eximios scriptores locum suum retineat, minimè tamen Dioscoridi atque Abensinæ in materiæ medicæ *πραγματεία* præferendus. De quorum illo satis dixero, si cum Galeno dixero, *πολλὰ ἴσως ἐμπροσθεν ἔχον ἀντὶ τῆς γέγραπται καλῶς: ἀλλὰ ἔχον ἀπάντων οὕτως οὐδενὶ* multa vetustiores (de simplicibus medicinis) benè scripsisse; neminem tamen omnium æquè benè de omnibus. Alter ingenio, iudicioque princeps, quemadmodum de salutaris scientiæ præceptis; sic de remediorum usitatorum facultatibus, non minus probanda edidit, quam

Pythia quæ tripode ex Phæbi, Lauruque profatus.

Quærant, per me licet, viri docti, quo dissentientem Plinium, cum præstantissimis auctoribus in gratiam reducant. Ego mille mendis, erroribusque scædato scriptori manus haud commodo, cujus maculis delendis, se vix parem agnoscit eruditorum phoenix, Salmasius. Dioscoridi nostro præter

experientiae certissimam fidem abundè patrocinator ratio, quæ pinguem aeriâque lacrymam, quamdiu nativam servat indolem, summum aquæ occupare debere, (nisi externa vis deorsum cogat) tam superantis elementi viribus; quam recentium omnium resinarum exemplo, penitissimè convincit. Igitur maculam oleorum instar non facere, lac densare, celeriter diffundi, olei instar haud innatare, propositæ a Dioscoride balsamicæ sinceritatis notæ, cum in Arabico simplici dohen balesan, quamdiu provectioris ætatis vitio nondum exhaustum est, optimè omnes se manifestent, necessario relinquitur, eundem omninò esse cum illo, quem veteres agnoverunt, suavem è Palæstina, pretiosumque balsami liquorem.

His expensis pergit ad Xylobalsami, & Carpobalsami, adeoque ligni fructuumque balsami examen: & lignum, inquit, quod Xylobalsamum vocant, probatur recens. Enimvero de junco, calamoque aromatico quod scripsit Theophrastus, παρακμάζειν ταχὺ, citò à vigore suo desciscere, de balsami surculis meritò fatendum, qui nisi recentes sint, ob facilem partium tenuium dissolutionem, quas tum fervidius Arabiæ clima, tum sub acriore sole longius deinde iter imminuit, conceptæ de se virtutum expectationi, Europæis rarò satisfacere possunt. Addit laudari λεπτόκαρπον, surculo tenui præditum. Hoc enim ipsum illud est, ut superius explicatum, cuius vegeta magis natura, nec dum cultu diuturniore effœminata, quodque succo meliore perfusum. Πυρόρον, ἐν ὁδῷ, τραχὺ, πνέον ὀποβαλσαμόν, suave olens, rufum, asperum, idque externa corticis scabritie: denique opobalsamum spirans, quia sic inditium exhibet certissimum propriæ stirpis, roboris item præsentis, & unguentis apud veteres nobilioribus aptum erat, quibus incoquebatur. Prostant hi opobalsami surculi, notisque allatis optimè respondentes, in Venetis, Siculis, Hetruscis, & Massiliensium emporiis, itq; probatissimi, si in Cahirol emantur recentes, & expeditior deinde ex Aegypto, breviorque vento secundo navigatio contigerit.

Fructus præterea siue carpobalsami, necessarium incidisse usum refert Dioscorides, quoniam & unguentis adhibebatur, & immiscebatur antidotis. Eligendum autem monet ξανθόν, siue id rufum interpretemur, siue flavum. Nam externo folliculi ambientis colore, surculis rubentibus fructus similis est, & intrinsecus, membrana succum melleum proprius asservante, flavescit. Plenum denique, cum non corticum; sed inclusi potissimum succi gratia carpobalsamum expetatur. Quamvis autem possibile non sit, ut idem ex Arabia in Europam transmittendum, desideratam ab utilissimo succo plenitudinem exhibeat, validis causis discussioni ejusdem incumben-
tibus, secus quam olim contigit, cum in Palæstina, atque Aegypto, Græcis, Italicis hominibus obvium esset. Satis tamen in tanta locorum intercapedine, probabilis existimandus fructus balsami, qui nondum penitus exsuccus, & arefactus deprehenditur; nec odore adeò proprio, saporeque destituitur.

Iungit Dioscorides plenitudini carpoballami amplitudinem & pondus. Subest enim utrique horum major odorati succi copia, qui veluti in minore fructu minor; sit in leviore quoque magis absumptus est. Magnitudinem ipsam haud exprimit Anazarbæus, differtè verò Theophrastus, παρόμοιον θέρμινθω, καὶ μεγέθει καὶ σχήματι καὶ χρώματι, assimilem terebintho tradidit, magnitudine, figura, colore. Similem magnitudine: nam cum è duabus terebinthi fœminæ generibus, altera lentis specie fructum edat, altera fabæ priori utique non ineptè carpobalsamum comparaueris. Similem quoque retulit schemate fructum, quo ad rotundam se figuram componit. Similem denique colore, qui in extima membrana rufus apparet. Porro carpobalsamum gustu mordax commendat Dioscorides, & πυροῦ, feruore siue acrimonia linguam feriens; sed μετρίως, moderatè: quam vocè malè interpretes a gustabili qualitate semotam, coniungunt odori. Nam succus balsami, quamvis Dioscoridi θέρμαρτικώτατος, maximè calefaciens dicatur; blanda tamen per se cum adstriktione, tum mordacitate gustantem afficiat: blandius idem præstiterit fructus, qui agendi viribus δευτέραν δύναμιν, secundariam potentiam adeptus est. Tandem opobalsamum redolere fructus debet, quoniam hoc involucris seminis largiùs, quàm reliquis partibus plantæ natura congeffit: unde neque ita facile dissipabilis in eo fragrantia, nec debilis observatur, veluti in surculis, sole acriore extenuatis. Neque adeò abs re Theophrastus, ἰσῶδες σφίδρα καὶ τοῦτο, καὶ μάλλον τοῦ δακρίου, carpobalsamum benè odorum & ipsum esse prodidit, & magis quàm lacrymam, utpote quod exquisitius ab insito calore subactum liquorem, spirituque plenum contineat; quamvis accuratissimus senex de præmaturo, admodumque recenti balsamico semine intelligendus sit.

Cætera visum quidem Galeno fuit, lignum fructusque balsami adulterio haud obnoxia esse: monet tamen ingenuè Dioscorides, quid callidi olim impostores hic quoque ausi fuerint. Nam asportari, inquit, è Petra oppido semen hyperico simile, quo carpobalsamum vitatur, cognoscique fraudem, quod illud majus sit, inane, αδύναμον, facultate, viribusque destitutum, περιρίζον τῇ γένει, sapore piperis. Cum verò non percepisset Dioscorides, quid esset, quod per fraudem substituebatur; sed cui id simile fuisset, existimarunt viri doctissimi, aut terebinthi ex Arabia Petra delati semen substitui potuisse, quod veluti genuino carpobalsamo colore, figura, magnitudine; sic lenticulari hyperici siliquæ dissimile non est: aut ex eadem regione sylvestris balsami fructum supponi. Quorum alterutrum si ita fuit, innoxia sanè fraus extitit, ob naturæ, virtutumque inter hæc singularem coniunctionem.

Sequitur naturalium affectionum descriptionem, actionum particulariū explicatio, variisque in morbis profligandis utilitates summæ. Hanc etiam inter veteres optimè omnium, & diligentissimè recenset Dioscorides, cujus

vestigia

vestigia pari passu Arabum princeps pressit. Orditur autem à liquore, cui *δυναμιν ὑπερβάλλω*, vim efficacissimam tribuit, utpote qui maximè calefaciat. Hoc verò quâ ratione determinandum sit, habito ligni, fructuumque respectu, satis superius ex Galeni, & Abensinæ sententia declaravimus. Inter particulares effectus, abstersionis meminit, *τῶν ἐπισκοτούων τὰς κόρας*, eorum quæ tenebras pupillis offundunt. Quo nomine, licet innuere videatur sordium remotionem, exterius è regione pupillæ ceratoiden oculi tunica obfuscantium: interpretandus tamen etiam de discussione excrementorum pituitosorum, circa uveæ membranæ oras, & in ipsa pupilla obhærentium, cumque visionis discrimine spissitudinem acquirentium. Imò, quid velit hic Dioscorides optimè declaravit Strabo, cum Opobalsamum *τὰς ὑποχύσεις ἀρχομένας, καὶ ἀμβλυωπίας* suffusiones incipientes & hebetudinem oculorum solvere scribit. Apponitur oculi affecti palpebris, molli linteo- lo illitum: cumque medicamenta hypochymati exactius convenientia, nō solum tenuius humidum discutere debeant; sed etiam crassefacta attenuare, atque indurata remollire; balsamica substantia tam calore suo, quam pinguibus resinosisque partibus, malo oculorum enarrato modis omnibus egregiè opitulatur, saltem incipiens sit affectus. Nam quæ pedem iam fixit ægritudo, sine chirurgia tolli nequit. Addit Strabo, eandem *λύειν τὰς κεφαλαλγίας θαυμασῶς*, solvere mirè capitis dolores. Neque enim obstat, quod scripserit idem, Arabes suaveolentium rerum usu stupore corripì, qui graveolentium adhibitione removendus sit. Etenim

Est modus in rebus, sunt certi denique fines,

Vltra quos, citraque, vel saluberrima remedia vertuntur in perniciem.

Rectè Hesiodus

Πάντων μέτρον ἄριστον, ὅπρ' βασιὲν δ' ἀλγεῖν.

Iuvat autem Opobalsamum, qua assumptum, qua exterius admotum. Assumptum, quia redintegrata cibi digestionem, vaporum ad caput ascensus minuitur; admotum verò, quia collectos vapores discutit, & resolvit. Matricis refrigerationibus porro mederi testatur Dioscorides, cum Cerato adhibito rosaceo, menstrua mulierum, secundinaeque ducere, & extrahere fœtus quæ partim calori, qui recentiore adeoque tenuiore succo magis penetrabilis; partim suavi eiusdem halitui, qua uteri expultricem roborat, accepta ferenda sunt. Rigores illita solvit, facta vaporum putridorum dissipatione. Ulcera sordibus fœda purgare, chirurgis cognitissimum est. Per os item acceptum Opobalsamum ventriculi facultatem concoctricem adiuvat, cietque urinas, undè inter calculos minuentia, ea- que selectiora dudum inclaruit: quippe, quod non tantum penetrabili calore synagmata sive concreta lapidosa disjungat; sed contractam renum debilitatem, siccitatemque, unguinoso madore temperet, & corrigat. Exhibetur hunc in finem utilissimè boli forma, quemadmodum in usu te-

rebinthinæ consuevimus, anonidis, aut litholpermi pulvere subactum. Convenit anhelosis, atq; ut inferius meminit Dioscorides ὀρθοπνοικοῖς, egrè nec nisi recta cervice spiritum ducentibus; quorum bronchis impacta lenta pituita, cum non simplicem tantum exsiccationem postulet; sed validam etiam absterfionem; ipsi præterea pulmones à putredine vindicandi sint, vix erit medicamentum, quod in hoc symptomate sublevando, Opobalsamo præferamus. Sumitur ad scopum hunc consequendum per os, radicū helenii pulvere permistum, & linctu pariter asperæ arteriæ insinuatum, oleo prius amygdalarum dulcium solutum. Exhibuerunt idem veteres in lacte, iis qui aconitum hauserant, ocyssimum venenorum, & quod non vanè è spumâ Cerberi natum fabularunt. Quin & à vipera demorsis: neq; alia hercules causa, quod balsamicum liquorem optimis quibusvis antidotis permiscuerunt. Quamvis etiam acopis addiderint, id est, medicamenti lassitudinem, colorumque molestias eximentibus, & malagmatis sive indurata præter naturam emollientibus.

Verùm ut *ἡσυχιατὰν δυνάμιν*, vim efficacissimam Opobalsamo; sic proximam potentiam fructui sive carpobalsamo tribuit Dioscorides. Hoc igitur, præter enarratos effectus omnes, quos præstat, etiam pleuriticis, peripneumoniceis, tussientibus, potu datum benè facere scribit. Non tamen existimandum conferre posse, cum validæ inflammationes pleuram, pulmonesque infederunt; sed cum his, aut quiescentibus, aut remittentibus, purulenti sinus expurgandi sunt, corruptela partium inhibenda, facilesque *αναχίμψις*, sive expectorationes accelerandæ. Accedit ex iisdem utilitas ischiadicis, epilepticis, & vertiginosis, quotiescunque immodicè succrescens phlegma, partim absumendum, partim ad uræterum ductus derivandum, cerebrumque ipsum Hippocrati τοῦ ὕχρου μετὸ πολλῆς, siccandum, & corroborandum fuerit.

Postremo, lignum balsami quamvis minimum virium sortitum sit, usu tamen haud aspernendum esse concludit Dioscorides. Etenim adversus cruciatus, alviq; tormina, tum cruditates, & venenatos serpentium morsus auxiliari testatur, ex aqua decoctum, & potum. Imò *βελθεῖν τοὺς σπομένους*, juvare contractos: nam sive morbum frigidior nervolarum partium intemperies invexerit, sive Hippocrate auctore ingentes *πληρώσεις, ἢ κενώσεις*, repletiones aut inanitiones, utique tam calore suo profecerit medicamentum, quo frigus inimicum oppugnat, & superflua discutit, quàm resinosa substantia qua convulsa relaxat. Capitis item vulneribus, cum Iride sicca aptum Xylobalsamum tradit, idque non de cutaneis tantum; sed gravioribus, adeoque ossium, meningum, ipsiusque cerebri divisionem inferentibus, habendum est. Nam ut ex auctore patet, arefacti Xylobalsami pulverem iridi mistum, denudatis capitis ossibus, & in quibus *ἢ λείψιδων ἀναγωγή*, squamarum eductio procuranda, usurparunt. Consuetum

id aliàs priscis Chironibus fuit, qui contusorum ossium separationi studentes, ex aristolochia, corticibus radicum panacis, Olibano, iride Illyrica siccos pulveres, tum aliis, tum cranio præcipuè læso inspergebant, cephalicos ob hoc ipsum appellatos, suadente pariter hoc auxilium medendi præceptore Galeno. Inutiles quidem eos judicat vir clarissimus Ludovicus Septalius, si ex Magati sententia rarò vulnera detegantur, calor partium naturalis foveatur, decensque puri collecto exitus paretur. Attamen haud rarò contingit, ut insignis partium sauciatarum debilitas, adeoque purulentæ sordis ingens proventus, & ob situm vulneris decliviorum effluxus excrementorum difficilis, majus ab exsiccantibus pulveribus propositis præsidium efflagitet. Efficacior tamen, & evidentior etiam ossibus læsis Opobalsami profectus est. Vtor eo, dum hæc scribo, in puero, cui temporum os dextrum ex lapsu, duplici fissura graviter læsum erat, felicissimo successu. Nam postquam exiguo, stellatoque terebello osse perforato, viâ apervissem coercito subtus puri, liquoris Arabici tepidis aliquot guttis, pini lacryma dilutis, & vulnere inditis, partium contusorum separationem, carnisque regenerationem, facili opera natura consecuta fuit. Subiicit his omnibus Dioscorides, spissamentis unguentorum Xylobalsamum esse adhibitum, neque id sanè inconvenienter. Cum terrea siccaque sui portione bibere liquidiora potuerit, simulque densare, & suavi etiam halitu gratiam unguentorum vel fovere, vel augere.

Hæ tam præstantium facultatum dotes, cum in Arabici balsami liquore, non tam meis, quàm Aegyptiorum, Arabumque crebris pariter, ac certis experimentis clarissimè refulgeant: cum notas etiam tam bonitatis, quàm sinceritatis easdem ad amussim exhibeat; plantam denique genitricem, natura, atque habitu eandem sortitus fuerit, quam nobilissimi auctores descripserunt, quisquis illam genuinum veterum opobalsamum haudum agnoscit, eum palam est, aut sensuum aut rationis impotentem esse. Iudicant idem, præter allegatos initio. I. C. Scaliger, E. Cæsalpinus, G. Fallopius, I. Costæus, C. Clusius, M. Lobelius, P. Mattheolus, viri medicæ cognitione hoc ævo principes.

Cæterum, ut olim antidotos celebriores componentibus, non rarò propter paucitatem deerat hæc gratissima resina; sic etiam hodiè, ob causas superius adductas, & ingentem Theriaces in tot urbibus componendæ quantitatem, paucissimis sufficit. Cogitarunt itaque viri salutis publicæ studiosi, quid opobalsami deficientis locum vicesque subire posset. Aptissimum judicantes, quod eidem substantiæ ratione cognatum, quod facultatibus, vel omnibus, vel saltem præcipuis proximum existit. Galenus summorum principum judicio, in antidotis componendis accuratissimus, absente balsami lacryma myrrham statim adoptabat. Fuit hæc, ut disertè protulit Theophrastus, ἐκ τῆς σμύρνης κολλημένης ἑλαίου, ῥέον, ex lacrimata recenter myrrha, jamque

jamque concreta pars tenuior, ejusdem contusione, & expressione eliquata. Dicitur oleum, quia fluida, oleique lentore prædita deprehendebatur: statim item, διὰ τὸ μὲν πρὸν σάξεν, quod paulatim stillaret: quemadmodum residuum ejus in offas convolutum, myrrha ficta, σμύρνη πλασθῆ. Miscebatur quidem aliàs myrrha Theriacæ; statim tamen opobalsamo succedaneum constituit rei medicæ instaurator, quandoquidem hæc, positis partiū crassiorum impedimentis, tam resinosa substantia, quam temperamenti harmonia, & actionum omnium æmula virtute, balsami liquorem propius attingebat. Nec fugiebat medendi præceptorem, quod aucta myrrha, myrrhinus odor antidoto conciliaretur, (qui displicuit Oddo) quia balsamicarum virium accessionem potius; quam odoris consueti mutationem aliquam respiciebat. Imitabimur Galeni diligentiam, si myrrham selectissimam vini spiritu solutam, semotis prius terrenis fecibus, spirituque caloris artificii gradu iterum abstracto, ad liquidioris resinæ modum, habitumve revoce-
mus. Incedunt eadem cum Galeno via, qui cognitas hoc ævo præcipuas resinas opobalsamo vicarias cōstituūt. Tales ex Indiis allatæ sūt Tolutana & Pervana lacryma, quarum utriq; propriis appellationibus posthabitis, vulgus mercatorum balsami nomen fecit. Præstantior ex his Tolutana, quam Pino similis arbuscula, vulnerato cortice fundit, tam odora fragrantia, quam virtutum omnium explorato specimine Arabum opobalsamo valdè cognata. Eligenda, quæ aurei adhuc coloris, saporis haud ingrati, Iasmini suaveolentiam quodammodo spirans, nondum valdè condensata; sed quæ putaminibus nucum Indicarum modicè calefactis promptè effluit, quibus inclusa plerumque mittitur in Europam. Harum quoque defectum supplere liquidas, & fragrantas lacrymas, quas è tenellis terebinthi, abietis, pistacei, pinique ramis, laxatus peritâ manu cortex, vernantis anni tempore promit, nemo dubitabit, qui justis ponderibus, tam substantiæ cum opobalsamo, quam facultatum consensum examinet: licet è terebintho Cypria flavus liquor, arte Hermetica prolicitus, cum sit calidior, tenuiorque ejusdem pars, Mesue, Fallopio, Renodeo, Lobelio, viris in æstimanda simplicium medicamentorum natura peritissimis, dignus visus fuerit, quem deficienti opobalsamo substituerent. Ad vires magis excellentes respexerunt, quam temperamenti, & facultatum similitudinem, qui destillatum è baccis juniperi, lauri, mace, caryophyllis aromaticis oleum, aut è seminibus citri & nuce myristica expressum, balsami resinæ submittendum judicaverunt: quorum tamen hoc, quemadmodum stillatis oleis temperatius, odore suavius, paratuque facilius; ita clarissimorum virorum punctis, calculisque magis receptum est. Fructui balsami cubebas in commentariis supponit P. Matthiolus, cl. Alaymo surculis illius, utriusque lauri corticem. Vix tamen carpobalsamo, maturis terebinthi fructibus, & Xylobalsamo vegetis ejusdem ramulis, quicquam similis obvium habemus.

Hæc sunt mi Peregrine Pitori, quæ pro declaranda Dioscoridis sententia de balsamicæ resinæ tam natura, quam facultatibus, in Patauino Serenissimæ Reip. Archigymnasio, variorum nationum auditores publicè docui: adhibita etiam in examen illa ipsa, quam pharmacopœis aliquot patrocinatorius reiciis; quam mistæ, larvatæ, falsæ, factitiæque titulis proscribis. Ascendere tribunal voluisti, quod diu sub Augusto Cæsare corruisse memorat Dio, spretaque lege Clodia, tanquam reo provocationem adempturus, egisti censuram; quodque iniquius, de re neque inspecta diligentius, neque experimentis tibi cognita. *Solis, inquis, ex Cl. Baldi dictis, quasi per cuniculum quendam, ad totam hanc labefactandam doctrinam irrepere, & ex scripturis elicere veritatem mihi propositum est, quando non amplius experimentum haberi possit.* Auidi enim non minus medici, quàm pharmacopœi, pretiosa antidota componendi, ilicet atque Venetias adductus est liquor, Theriacas pararunt, omneque protinus dissipavere residuum. Atque utinam intra censoriam gravitatem, & modestiæ fines, quam verbis tuis tibi quidem tribuis, contineri potuisses, aut innatæ mentibus humanis caliginis meminisse, quam exordio libelli inducis. Nunc irrumpis, & laudatum à prudentissimis, doctissimisque Urbis archiatis balsami succum tanquam personatum generosissimis ausis te propulsare præsaris, atque à cunctis exsulem Europæ provinciis, ad Capitolinam tandem arcem, veluti securissimum periclitantis auxiliū, & delinquentis asylum confugientem, ab ea dare præcipitem, jamque tædiosam lucis sarcinam sustinentem, merita laceratione dispendere. Mox pusillum te bel-latorem scribis, & cum robustissimis hostibus manum conferere non pertimescere, ut parmam albam illustri hoc facinore delineare possis. In progressu posita claua, & leonino exuvio, viris præstantissimis, B. Baldo, & P. Castello effusè blandiris, quorum huic summum doctrinam, ingenii mirandam ostentationem, & præclara merita: illi charitatem, maximamque pietatem tribuis, quod approbarint, & defenderint liquorem, quem ceu falsum, larvatumque disperdis, & exulare jubes.

Campios non minus varia doctrina; quàm materiæ medicæ notitia laudatissimos, commendationem, inquis, mereri, quod sensum suum, licet non verè, liberè tamen, & sincere proposuerint; quamvis in scriptis eorum, ubi tenebræ tuæ fuerint, ne verbo quidem innuas. Nec juvat, te censore, sinceritas, & libertas ulla Iosephum Donzellium, Francisci Perle testimonio, simplicium medicamentorum investigatorem solertissimum, quem solum inverso pollice damnas, quoniam auctoritati tantum quorundam confisus, rationem, & experientiam dimiserit, & de ignotis sibi pronunciare non puduerit. At verò Pitori, dum aliorum dictis, scriptisque totus intentus, hanc tantum censuræ tuæ excusationem affers, quod excell. virorum asserta, vel infirma, vel à judicio tuo aliena sint: dum de re tibi non perspecta, alienum affers experimentum, non tuum, quas tibi compedes ipse fabricaris, quove

flammeolo pudori tuo consulveris, tute videas. Suspicionem quoque moves malæ causæ, quod sententiam iudices de medicamento delato nondum tulerint. At ea penitus vana est. Quis enim cum Menandro nescit, ἀγνοῖ τὸν χρόνον, τὴν ἀλήθειαν, *veritatem in lucem extrahere tempus? moram* que hanc non crimen in re; sed cognitionis difficultatem arguere. Cæterum absolverunt Opobalsamum viri, qui maximè de natura eius atq; optimè judicare potuerunt, in quorum suffragiis haud dubito clarissimos arbitros pariter acquiescere: quorum hic singularem imitari prudentiam debebas, quod in materia non omnibus modis sibi perspecta, Hippocraticum illud seriò sequendum existimarint, *μὴ εἰκῇ, μὴ ἀπαρῶν*. Excessus denique improbat à te Opobalsami, tam emptores, quàm assertores. Illos quia sibi comparaverint id, quod ex meis dictis commune balsamici liquoris nomen præ se tulerit: hos, quia probaverint succum, in cuius distinctione cum verum à falso cernendum, etiam peritissimos quosque falli potuisse, fateatur Galenus. Te interim extra peritissimorum discrimen ponis, dum assumpto non Dioscoridis, ut reris; sed interpretis filo, jam explicitum te labyrintho, jam ignorantiae monstrum jugulasse scribis, perfectæque notitiæ portam reperisse, non dubitas: nempè quia lippos hic arbitraris clarissimos Urbis archiatros; te solum

— tam cernere acutum,

Quàm aut aquila, ut serpens Epidaururius —

Quibus coloribus cum etiam cæcutienti satis exprimas, quos affectus ad hoc tribunal attuleris, quaque animi moderatione censorum officium peregeris, parcam ego operæ, & expressum parma tua facinus, siquidem publicæ luci exponere placuit, æternum esse facile patiar.

Tangam igitur in scripto tuo ea præcipuè, quæ P. Alpinum celeberrimum antecessorem meum, meque propius spectant. *Immerguntur*, ais, *avē nostri doctiores innumeris difficultatibus, dum non contenti his quæ Europa quotidie subministrat, Opobalsamum, antiquis pretiosissimum, nostris desideratissimum succum, huc usque advocant, ex Arabia, &c.* Sed immergantur, Pictori difficultatibus, nō submergantur; imò enatent, atque ex alto illo rerum naturalium, educant nobiles veluti uniones, quibus rem medicam locupletent, & augeant, publico bonæ Valetudinis commodo. Quos stimulos generosis, doctisque animis in hoc studio gloria tantum non admovit? In exemplum venit poeta Carus, qui causas physices accuratius investigaturus,

Non me, inquit, animi fallit, quàm sint obscura, sed acri

Percussit thyrsos laudis spes magna meum cor,

Et simul incussit Musarum in pectus amorem.

Nec inanes fuisse laudabiles conatus, ostendit ex utriusque Indiæ mercibus, utilium medicamentorum ingens accessio. Veteres utique pharma-

cis Europæis contenti non fuere; sed undecunque cœlestis favor ostendit ad morbos remedium, grata manu sumplerunt.

Οὐ θέμις ἐστὶ ἀποβλητὶ θεῶν ἐρικύδεια δῶρα.

Ne Theriacem quidem magna parte Europæis præfidiis instruxerunt; sed exoticis ex Asia, Aphricaque petitis. Alebant in Creta rizotomos suos Imperatores, qui non dictamnium tantum

Puberibus caulem folijs, & flore comantem

Purpureo —

Sed etiam scordium, chamædrin, marrubium, obvias Italiæ plantas, ci-
stellis plenis urbi submittebant. Facti rationem affert Plinius, quoniam
invaserat animos persuasio infinito præstare quæ in Creta nascuntur, iis
quæ tellus alibi producit, quantumvis eiusdem generis. Diligentiam igitur
antiquorum æmuletur necessum est, quisquis eorum inventis frui volet,
vitandisque difficultatem scopulis viam eandem ineat, quam vestigiis suis
illi expresse- runt. Chiragogum hic optimum è priscis se præbet Galenus,
utque in hoc ipso, quem contemnis, eximio succo. Nam in ejus exquisi-
tione cognitione, cum fraudibus, & technis adulterantium vix explicare
è posset, profectus in Palæstinam ipse fuit, ut cultam regiis in hortis plan-
tam videret, & illa

— odorato sudantia ligno

Balsama —

Particulam inde liquoris sumptam, semper secum habuit, spurio, legi-
moque dignoscendo veluti regulam. Itaque inclamat etiam hodie
audiosus, præcipuum esse in materiæ medicæ cognitione, eam vide-
re ipsam, nec semel; sed frequenti inspectione, quale sit optimum observa-
re. Fugendum esse Pamphili institutum, qui quas non viderat herbas scri-
tis divulgavit. Ridebat olim id hominum genus Heraclides Tarentinus,
& præconibus similitum ferebat, qui formam, ac notas fugitivi manci-
li, licet nunquam viderint, voce tamen sua publicant: fierique, si forte is
quem præconio indicarunt propè adfistat, eum tamen ut non agnoscant.
At, inquis, ex Arabia advocant Opoballamum antiquis pretiosissimum,
postis desideratissimum succum.

Ad vocandum autem ex Arabia nunc esse, fateris ipse, quippe quæ nata
est ejusdem tellus, & ex qua tot jam seculis repetitum fuit, quicquid in Im-
peratorum, principumque manus pervenit, quod genuini opobalsami titulo
pretiosissimus quisque dignatus est. Scio, inimicam esse, & infestam christia-
no nomini regionis huius gentem, adeoque alex periculosa plenum opus
periculosius quicquam in ea scrutari. Nec profectò tanti est, abiectis christia-
ne professionis insignibus, niveo turbine caput impedire, Mahometanum
simulare, ut constet balsamicum succum, vulnerato cortice, an ignis
opera barbari colligant. Substiti ergo in propinquis Aegypti emporiis,

quibus nullo non anno, quod melius, deteriusve opobalsamum, quod simplex, aut mistum, haud difficulter discere potui. Fecerunt idem inclyti viri, quorum industriæ notitiam & usum eximii huius medicamenti debemus. Advocabimus igitur ex Arabia opobalsamum, & iniustis ereptum possessoribus, in rem nostram vindicabimus. Sumemus à profano populo sanitatis curandæ auxilia, à quo thura accipere non dubitamus, quæ damus Deo.

Cur pretiosissimum antiquis opobalsamum fuerit, exposui superius, tuis cur id desideratissimum scribas, mirari subiit, in ea urbe, quæ assiduo cum Syris, Aegyptiisque commercio, apud nobilissimos civium copiam eius haud contemnendam semper obtinuit, semper obtinebit, ut minimè tibi desperandum jurè existimes, ab Excell. Aemylio Parisano, quod asserere voluit opobalsamum, in urbe Veneta posse demonstrari. Mihi ad paucis mensibus in ea degenti, antequam orientales provincias cogitarem, optimæ notæ conspectum fuisse jam ante affirmavi, certusque sum, apud aromatarios diligentiores obvium esse. Observavi id in eadem urbe, paucis antequam hæc prælo subjicerentur mensibus, laudabile, satisque copiosum, quod Illustrissimus Antonius Capellus, Venetæ nationis olim in Aegypto consul in patriam secum attulerat: quodque meritò à Clarissimis Romani archiatri laudatum, dignumque habitum fuit, ut omisso succedaneo, per Antonium Manfredum, virum in componendis veterum antidotis accuratissimum, Theriacæ denuo misceretur. Possident idem in hac Patavina civitate, pharmacopæi primarii omnes, & in Museis suis, viri Cl. Io. Dominicus Sala, & Guilelmus Sohierus, quod à Matthio Rom. Imperatore, Longinensis princeps dono olim acceperat. Quamvis omninò frustra sit, quicunque in opobalsamis, temporis diuturnitate jam plurimùm densatis, recentis liquoris notas, & experimenta præstolatur.

Pejus illud est, quod non immeritò à quibusdam dubitari refert, an verè balsami lignum ad nos, & semina ferantur. Sed dubitent homines, qui paralogismis suis impliciti mentem exporrigere nequeunt. Ego plurimùm utriusque quotannis ex Arabia delatum conspexi, ex quo Venetis, Belgis, Anglis, Gallis in Cahiro degentibus, æqua semper emendi potestas fuit. Hoc ipso quo scripsi anno, tam semina, quam ramulos genuini balsami etiamnum probos, & odoratos Venetiis accepi, quos inter auditores, cum publicè naturam horum & egregias facultates explicassem, distribui. Cum autem insitam odoris *εὐτομίαν*, adeoque virium fuorum robur non adeò longo tempore sustineant, in præcedentibus expositum est. Sed hæc ut non tantam, quàm gravissimorum virorum, qui se legitimū balsami lignum fructuosè vidisse testantur, auctoritate tibi persuaderi tandem pateris; ita licentiosius nimis fore, & temerarium scribis, talem ac tantam ejus copiam constituere, quælis & quanta quotidie in officinis visitur, nec verum à falso, & à falso factitium separare. De quorum altero, sententiam tuam libens amplectos, & à p. i. b. in

in examinandis hujus generis liquoribus laudo. Quæcunque tamen hic fecerni queunt, eum optimè cum Galeno distincturum assero, qui non tantum notas à veteribus traditas in eorum libris peritè & curiosi expendit; sed confirmatum multiplici inspectione sensum, & judicium pariter adhibet.

De copia illa opobalsamorum, quam in officinis vis quotidie videri, judicent viri exercitati, Arabicæ, proprièque sic dictæ balsami plantæ liquores sint, an ex Indicis resinis odorati succi. Equidem opobalsami Arabici recentis, cum illa scriberes, non copiam in officinis Venetis; sed inopiam fuisse, satis à te proditum est, cum testeris, liquorem tibi quidem abiectum, *ilicet atque in urbem adductus, à medicis non minus quàm pharmacopolis, antidota pretiosa componere cupientibus, auidè coemptum, & residuum ejus omne dissipatum fuisse.* Concedam interim, optimi quidem illius; sed annosi, jamque obsoleti ex Arabia opobalsami Venetiis apud proceres, & illustres cives, urbisque aromatarios, majorem quam in vlla Europæ civitate quantitatem haberi, diversis temporibus ex Aegypto aut Syria allati, quod ipsum tamen ob ætatis vitium, speciei suæ ordine expellere, & nomine gentilitio priuare, vel tuis verbis licentiosum foret, ac temerarium. Abundare autem posse Arabes, pretiosa veteribus lacryma, nemini obscurum est, cum abundant ejusdem genetrice planta quæ tam actis ab radice germinibus, quam ex fœcundo semine, facilem sui propagationem admittit. Aegyptii paucis lustris calami sacchariferi cultu tantum profecerunt, ut jam non suos; sed Byzanthium, & Venetias insigni sacchari prouentu instruant: fieri idem posse de balsami succo, si cura similis & studium accedat, ambiguum non est.

Itaque nec in Prosperum Alpinum satis æquus es, virum optimè hic, maximèque promeritum. Duo enim sunt quæ obiicis, *ignorantiam veteribus ignoranter cum attribuisse; succum dein lè tibi desideratissimum, adeò triviale constituisse, ut cuilibet habendi facultatem concesserit.* Vtrumque Pitori parum circumspectè. Nam veterum scriptis si quis cum oculis animum acriter advertit: si quæ de balsami planta, surculis, succo, seminibusque Iustinus, Pausanias Solinus, Tacitus, Plinius tradidere, prudenter examinat, tam dissona, frontibusque adversis pugnancia, in argumentum ignorantiae non trahit, illi parum liquidè constare potest,

— *quid distent æra lupinis.*

Illos ipsos rei herbariæ summates scriptores, arbusculæ balsami faciem integram exactiùs haud cognovisse, minimè obscurum est. Theophrastus enim quæ de balsamo scripsit, aliena fide retulit: adeoque historiam eius his orditur, *παραδείσους εἶναι φάσι δύο μόνους*, hortos esse aiunt duos tantum: quemadmodum capite præcedenti de Casia & cinnamomo, *οὗτοι δὲ κινναμόμου, καὶ κασίας ταῦτα λέγουσι* de casia & cinnamomo hæc dicunt. Dioscoridè autem palam est, Theophrastum auctorem sequi. Quamvis enim sese pluri-

ma δι' αὐτοῦ, sive inspectione propria observasse profiteatur, quædam tamen ἐξ ἰσοπλάς συμφώνου, ex historia consentiente se deprompsisse, non diffitetur.

In altero quod obiicis, quis P. Alpini mentem, etiam per sparsam à te nebulam haud intuetur? Dederat opobalsamum magnis Hetruriæ ducibus, observantiæ suæ monumentum & pignus. Itaque nil humile, nil abiectum in trivio de re sentiebat, cuius Virtutem scriptis quoque opere maximo extulerat. At cuilibet, inquis, habendi facultatem concessit. Cui verò bono id non sit bonum? & vel cum Crasso aliquo de munificentia contendat Prosper noster. Concessit autem exteris omnibus, annis sexaginta jam exactis in Aegypto secum degentibus. Hodie an major in Cahiro, & Alexandria balsamicæ hujus resinæ copia reperiatur, affirmare non ausim: præsertim cum jam ab annis tredecim in tumultus exarserint Arabes, concusso quo premuntur Scythico iugo, si non excusso. Tum verò quid fieri amet, &

— quo discordia cives

Perducat miseros —

In aperto est omnibus. Ut contingere possit, etiam Byzanthio primatibus aliquando non suppetere, quod in re populi tranquilla repertu non difficile erat. Ad dynastas imperii Turcici, quantum olim opobalsami pervenerit, satis Alpinus indicavit. Mitti enim imperatori tres quatuorve libras scripsit, Aegypti proregi libram, præfesto seu duci peregrinantium semilibram, quæ tum ab ipsis, tum in amplis ipsorum gynæceis, quàm citò disperdantur, in compitis Cahiri notum est.

Sed præter longinquitatem regionis balsamiferæ, causam alteram litium & errorum affers, quod medici vestri ab antiquis doceri nolint. Mihi tamen, Pitori, certum est, optimum quemque, & eruditissimum vestrorum, doctrinam antiquorum haud aspernari: nec transfugam hic ullum esse in aliena castra, nisi qui λέγειν τῆς φιλοσοφίας, ansam philosophiæ, ut Xenocrates olim aiebat, capere nequit. Cæterum, quandoquidem è priscis illis doctoribus, si Galenum excipias, vix aliquis est, qui viventibus oculis, vel plantam balsami, vel succum eius in Palæstinæ viridariis usurpavit, laudo quàm maximè, quod Ariadnen tibi sequendam proponis Anazarbæam, cuius filum tanquam probatissimum omnium, unicè Galenus nobis commendat, planèque confirmor, saltem id dextrè teneas, evasurum te dolos illius testi, & monstrum debellaturum τῆς ἀγνοίας.

— mistumque genus, prolemque biformem :

Nunc altius discursus ut ais, tui fundamenta jacturus, non Plinium tantum, vix à Virbio saluti restituendum, Dioscoridi jungis; sed etjam Sethum, & Saladinum, auctores, qui diversa, imò contracta Dioscoridi scribendo, quid aliud agunt, quàm rupto quo regebas vestigia filo, in laborem ut abducant,

& er,

& errorem inextricabilem.

Proponis ex Prospero Alpino primum Opobalsami veri qualitates, quas cum tempore mutabiles vocas, atque ex his odorem, saporem, colorem, & in crassitie aut tenuitate substantiæ modum. De odore satis habes, si scribas, thure, & terebinthina præstantiorem esse, cætera non multum de eo te sollicitum. At secus in hoc odoratorum examine egit Galenus, qui Casiam, & Cinnamomum exploraturus, inter necessarias præcipuasque notas odoribus intentus fuit. Equidem rosas, androsæmum foetidum, anonidem luteam, dictamnium, caryophyllos, scrophulariam, costum hortensum, inter mille plantas propius odor facile manifestat: neque id solum cum integritatem, aut bonitatem respicimus, ut videri vis; sed quoties investigamus, & quærimus ipsas.

At hanc, inquis, *provinciam, tanquam optimè superatam*, Stephano de Gaspari te concedere. Frustra Pitori. Quàm vellem non superasset; sed cum P. Alpino, proprium Opobalsami odorem designans, in maiore thuris, & terebinthinæ fragrantia, qua par erat moderatione, perstitisset, quam veluti per gradus insiti caloris vigor, eiusdemque dissolutio, intendit, ac remittit. Nunc contra sensum peritissimorum hominum, contra sententiam tuam, ridiculâ penitus hyperbole, rei iuxta tecum cum scriberet incognitæ, suavitatem affingit, non Indicis tantum odoratis mercibus maiorem; sed ut verbis eius utar, ambra, mosco, zibeto, belzoino, & *quacunque re odorata, quæ in nostro hemisphærio seu à natura produci seu ab arte constitui potest*. Hoc tibi quidem probatissimum sit assertum, hæc maximè miranda doctrina: ego Stephanum intra sensus, ac rectæ rationis gyrum revocandum, viris doctissimis libens permitto. Neque illum tamen apertè tibi adversari perspicis. Totam enim Opobalsami naturam in odore ponit, adeoque indelebilem ab eo vim existimat: tu ne quidem inter signa, succum hunc ab aliis distinguentia, odori locum relinquis. Ille infectionis absentiam, condensationem lactis, celerem dissolutionem, & lactescentiam, non propria Opobalsami attributa; sed ipsius balsamici *odoris germina, & immediatos effectus* pronunciare sustinuit. Tibi nihil magis cordi, & curi est, quam ut ex iisdem attributis differentiam extruas specificam, quæ Opobalsamum ab omnibus, ut loqueris diversi generis succis distinguat: & in quam magis minusque non cadat: quorum hoc quantum abeat à vero, superius expendi.

Inter notas probi Opobalsami cum Dioscoride requiris, ut ad acorem non vergeat, cui rei ratio constat evidentissima. Cave tamen existimes, vetustatis tantum id vitium. Nam quodcumque vegetæ naturæ Opobalsamum, sine causarum externarum gravioribus iniuriis ad senectam ætatem pertingit, aciditatem nec gustanti manifestat, neque adoranti. Præterea, scripsi ad Cl. Baldum, balsamicum liquorem lac non nisi debiliter coagulare;

sare; imò ne hoc quidē prestare, nisi recens; nisi spiritu acidulo etiāmnū pręgnans fuerit: quorum postremum sic te accepisse coniicio, ut notam exco-
collegeris, inter malas haud infimam, *quaque mediante*, ut scribis. *Diosco-
rides, non optimum expertus fuisset Opobalsamum; sed pessimum.* Mihi verò,
Pitori nunquam in mentem venit, ut existimarim, Opobalsamum recens
optimęque notę, quodque acido adhuc spiritu pręditum assero, sapore a-
cidum esse, quem potius abesse debere, seriò cum Dioscoride contendo.
Equidem, quod fugere te non decet, separat insitus calor, subiectęque ma-
terię domitor, vaporis specie substantiā a queam tenuem, particulis aeriis
terreisque subtilissimis permistam, quam spiritum Hermetici, & Mercuriū
nuncupant. Hanc reclusis quibus liquor continetur vasis, qui naribus hau-
rit, acrem percipit, atque evidenter acidam: imò & sapore talem, siqui-
dem arte exceptus halitus in substantiam pristinam resolvatur. Effundunt
hunc spiritum copiosè, resinę omnes recentes, & pręcipuè dulces succi,
cum effervescunt, ut in musto, melle, pomorumque succo notissimum
est; salva tamen saporis dulcedine, quamdiu penes calorem ingenitum
victoria steterit. Eundem quā pyrotechnia tum ex resinis succisque
dictis, tum ex mistis corporibus cunctis educere liceat, passim in tyro-
ciniis suis inculcant al Kimiæ magistri. Hoc itaque volui, & in recentis
optimique balsami liquore, superesse adhuc, tenuem hanc acidulamque
substantiam, celerioris penetrationis, maiorisque condensationis pręcipuā
causam, quamvis saporem ipse acidum non obtineat, quamdiu penes insi-
tum calorem dominium viget.

Porro τὸ & στερον Dioscoridis, cum interprete per facilem dilutionem ex-
primis, addisque rationem rei prorsus adversantem: nempe quia tunc faci-
limè cum aqua misceatur, forsan arrepto verbo, quod contra mentem A-
bensinæ imprudenter interpretes pro solvitur, invexit. Te verò scire
decet, quę faciliè diluuntur solvunturque, promptitudinem quidem mi-
sturę sortiri; non omnia tamen omnibus sic affecta misceri. Liquor de quo
agimus resina est, sive Theophrasti verbis, ὁπὲς δακρυάδης πύκντητα ἔχων.

Affers ex additamentis etiam translatorum nomen levitatis, cum λειό-
της signanter meminerit Dioscorides: quorum hoc, ut lenitatis, & lu-
bricitatis nomine capias faciliè permittitur; non item ut levitatis, cuius
sensus aliorum tendit.

Sed hæc minoris æstimationis: accedis mox ad facultates illas, quę u-
pudicissimam Opobalsarai naturam valent revelare, neque in se ipsis mutationem
ullam à loco, à tempore, à planta, & ætate recipiunt. Mirabar sanè Pitori
cum hæc legerem, diuque ambiguum mihi fuit, an hæc dum aliò mentem
sensusque diviseras, calamo excidissent, nisi eadem, utcunque mutati
verbis, ante, retroque repetita cognovissem. Dum inquirō, quę illa non
mutabilium qualitatum syndrome, *Omni, soli, & semper Opobalsamo conve-*
nientis,

niens, notas adducis Dioscoridis, quibus liquorem hunc unguentis admittis vitiatum, à sincero distinguit. Verùm in rem caducam, communes rebus caducis affectiones expetere, notius est, quàm probatione ulla ut indigeat,

— redolent semper sua flumina pisces,

Hi fatuas stagni, salsas illi æquoris undas.

Quapropter quod scribis Busbequij Opobalsamum, à Casareis Medicis in dubium versum fuit, quod omnibus non ad amussim notis legitimo responderet, licet certo certius ex illis esse sciret, quo in Matabariae hortis collecto, ab Hali Bassa donatus fuerat: talis defectus non cadebat in maculam; sed vel in calorem, vel in crassitiem, odorem, supernatationem, vel in alias notas: tam facile nego veritati consentaneum esse, quàm tu chartis id committere potuisti, totamque differentialem illam (ut verba tua referam) notarum syndromen, ex inhesionem, coagulationem, celeri fusionem, & latescentia Opobalsami factam, non minus ex loci, temporis, ætatisque mutatione, varietatem subire affirmo, quàm colorem, odorem, saporem, & alias his cognatas qualitates. Et subire quidem necessario, quia causæ mutationem afferentes sunt necessariae. Nam cum affectus non inficiendi, lac densandi, celeriter se diffundendi, temperamentum liquoris eiusque syssin perpetuò comitentur, utrumque autem, partim ob insiti caloris in humidum sibi subditum incessibilem actionem: partim aeris ambientis reciprocas noxas, mutari necessum sit, necessum pariter fuerit, & ea mutari, quæ temperamentum, & habitudinem substantiæ constanter sequuntur. Rem ipsam abundè nimis patefaciunt, quotquot hoc ævo, atque antiquitus cognitæ fuerunt, odoratæ pinguesque lacrymæ, in quarum classe Opobalsamum Arabicum, nemine veterum prohibente constituo.

Sed ô bone, quàm in te Menandri illud monostichon convenit.

Ἡ γλῶσσαι ἀμαρτάνουσα, τ' ἀληθὴ λέγει.

Nam dum fateris, facultates illas non inficiendi, lac cogendi, &c. nullam in se ipsis mutationem recipere, nisi quatenus crassitiem succus senescens acquirit, & b' difficiliorem eiusdem dissolutionem, tardiores quoque huiusmodi effectus redit: quid aliud prodis, quàm magis minusque admittere has Opobalsami notas, atque ut tardiores, sic languidiores indies fieri: tandem etiam languidissimos, cum spissitudo liquoris sic increvit, ut liquiditatem suam amiserit Opobalsamum, quamvis optimum purissimumque extiterit. Memini recentioris, & sinceri huius succi portionem, vasculo vitreo inclusam, cum in calidiore cubiculi angulo detineretur, intra annum spatium, acquisito calore notabili, gnorismata Dioscoridis propemodùm exuisse omnia. Hoc itaque censuræ tuæ temperamentum adhibe, & quotiescunque Arabica hæc resina, in tanto locorum intervallo, fortuitorum injuriis quàm plurimis exposita, non omnibus notis qualitatum facultatumque suarum inte-

APHOR. XVI.

Viētus humidus febricitantibus omnis confert ; maximè vero pueris, & aliis, qui tali viētū uti consueuerunt.

V iētus nomine, cum intelligat Hip. alimentorum usum, ut dictum est in Aph. iv. Gal. in commento, per *Humidum* explicat humidum potentia effectiua, hoc est humectantem. Et posteriores ampliant etiam ad humiditatem actualem, quā redduntur alimenta non modo mollia, sed etiam liquida. unde communiter dicitur Hipp. in isto Aph. præcipere febricitantibus alimenta liquida, & humectantia, tantoque magis si erunt pueri, aut de iis qui tempore sanitatis usi essent alimentis talibus. Rationemque reddunt mollitiei, & liquoris. Nam mollia, & liquida facilius deglutiuntur, quia lubrica, & facilius concoquuntur, quia concoctio est, quædam elixatio. Rationem vero humectationis accipiunt a Gal.; ut inde alimenta contraueniant feбри, quæ est dispositio præternaturam sicca, & conferuent humiditatem innatam, quæ in pueris, & ascititiam, quæ in assuetis abundat. hæc enim similibus conseruanda, sicut febrilis caliditas contrariis remouenda.

Dubitatur autem, quia viētus humidus auget putredinem, quæ est principium febrium putridarum, & per consequens febres plurimas auget, unde in iis non potest conuenire. Et quia non conuenit febricitantibus cum hydrope, nam ibi excedit humiditas. Sed omnia facile resoluit Gal. dicendo, quod conuenit febricitantibus ratione febris, licet non conueniat aliquibus ratione causæ, ut sunt qui febricitant a putredine, aut hydrope, talique fundamento posteriores resoluunt plura obiecta.

At

At maior dubitatio excitatur, cur Hipp. si voluit præcipere febricitantibus victum contrarium, & curatium febris, non dixerit frigidum, cum hic primo per se, & propterea magis contrariatur feбри, quam humidus, qui contrariatur secundo, & per accidens: quia febris est primo, & per se excessus caloris, secundo vero, & per accidens, quatenus nimius calor digerendo corpus exsiccat, intemperies sicca.

A qua dubitatione cum nullus supposita Gal. expositione de victu humectante bene se expediat, nec se expedire possit; Ego concepi animo, quod Hip. per humidum intellexerit actu tantum, mollem scilicet, aut liquidum; eoque magis, quod in alimento est considerata ratio propria, quæ est alitura, & non alteratio. Nam alteratio est ratio propria medicamenti; alitura autem sequitur ad formam actualem alimenti, præsertim in concoctione. Suasitque Celsus qui in lib. III. de re medica cap. VI. loquens de cibo apto febricitantibus veluti referens hunc Aph. inquit: *Cibus febricitantibus aptissimus est humidus, aut humori proximus.* Est autem humori proximus, qui est proximus liquido. Nam humor dicitur corpus humidum fluidum, unde humidus erit actu scilicet liquidus. Confirmavitque me in isto sensu Hipp. qui in lib. proprio de Alimento proponens modos alituræ citioris, & per consequens victus citius alentis, dicit: *Qui indigent citissima adiectione, his humidum remedium est optimum.* Quod dictum explicans Gal. in com. Aph. III. secundi lib. inquit, Hipp. per humidum remedium intellexisse potum, non tamen cuiusvis materiæ, sed solius nutritivæ. Quod est ac si dixisset, cibum liquidum. Cuius etiam sensus mei fuit idem Gal. in Lib. de optima Secta ad Thrasybulum Tex. IV. qui dum recenset varia axiomata medicinalia, quæ vult medicum recipere tanquã

principia, quæque videtur, singula defumpſiſſe ab Hip. ex Aphor. hoc habet, quod *Cibi liquidi febricitantibus bene faciunt*. Quod dictum cum nullo ex loco Hipp. melius poſſit deſumpſiſſe Gal. quam ab iſto, concludo & Gal. aliquando per victum humidum in iſto Aph. propoſitum accepſiſſe humidum ſolo actu, & non potentia. Nec me terret ab opinione, quod & vinum eſt cibus liquidus, quia nutrit, pluraque condita aromatibus poſſunt eſſe liquida, ſicut & aqua marina eſt liquida, cum tamen nullum iſtorum febricitantibus conueniat. Nam vinum non conuenit ex accidente, quod nimis nutrit, mouetque materias in febris a plenitudine; in aliis vero conuenit, in quibus non eſt plenitudo: deinde non eſt vere cibus, ſed potus; Ita aromatibus condita, ratione aromatum non conueniunt; aromata autem non ſunt proprie cibi; & aqua marina vere non eſt cibus, cibi enim ſunt, quæ propice ſolida ſunt per ſe; licet poſſint arte molliri, & liquari, aut quæ aliquam mollitiem, & fluorem habent, non tamen tantam quantam potus habet.

APHOR. XVII.

Et quibus ſemel, aut bis, & quibus plurane, aut pauciora particulatim oporteat offerre conſiderandum. Condonandum autem aliquid tempori, & regioni, & ætati, & conſuetudini.

Offerre accipitur a Gal. & bene pro ipſo alere. ſiquidem temporibus Eraſiſtrati, qui proximus vixit Hippocrati, uſurpabatur in iſto ſenſu, ut notat Gal. in Lib. de venę ſeſſione aduerſus Eraſiſtrateos.

Vnde cum eodem Gal. recitatores eius, dicunt Hipp. in iſto Aph. conſulere pro inuenienda quantitate, & modo alituræ: quod non ſolum conſideretur corporis reſolutio,

in

in cuius gratiam est alendum, ac virtus quę alitionem agere debet: sed ætas, regio, tempus anni, & consuetudo, & fiat iuxta id, quod ista quęque, & singula requirunt, satisfaciendo non modo resolutioni, & virtuti, sed ætati, regioni, tempori, & consuetudini. Fieri etenim potest (inquiunt) quod ratione consumptionis, quę multa sit, etiā multum conueniat alimentum, rationeque virtutis concoctricis, quę valida existat adhuc multum: in quo casu multum, ut consumptioni, & sepe, ut virtuti respiciatur, erit alendum. Sed fieri etiam potest in contrarium, quod parua sit consumptio, & virtus debilis; unde parum, & raro erit nutriendum. Ita sequi potest, quod multa sit consumptio, debilitataque virtus, tuncque cibus conueniet paucus, & sepe: & demum accidere potest pauca consumptio cum virtute forti, tuncque parum, & raro veniet reficiendum. Et quoniam ætates, tempora, regiones, & consuetudines possunt, & singulatim variam alimenti quantitatem, & modum exigere, ideo non solis primis propositis consumptioni, & virtuti, sed & singulis his in quantitate, & modo aliturę est satisfaciendum. Verum quoniam statim nascitur dubitatio, quomodo possit accidere multa corporis consumptio, remanente virtute forti, & pauca, reddita virtute debili, cum virtus corpori cōsequetur, sicut forma materię. Vt satisfaciant huic dubitationi Galenistę, fatigantur in inuentione propositorum casuum dicendo, quod resolutio potest esse multa, durāte virtute, quia sit materierum earum, in quibus immediate illa non fundatur, quales sunt humorosę, & adiposę, quę immediate nō viuunt, & pauca cum virtute debili, quia sit substantiarum viuientium, aut viuentibus proximarum, in quibus immediate fundatur virtus.

At quoniam materię virium sunt sibi inuicem adeo annexę,

nexæ, & unitæ, ut non possint ita seiunctæ consumi, & quia non mihi sonat litera inquisitionem hanc duplicem quantitatis scilicet & modi alituræ, credo Hip. hic consuleri de solo modo, & pro eo determinando præcipere inspiciendas esse ætates, tempora, regiones, & consuetudines. clarum enim est, cuique deberi quantum refectioni sufficit. Modus autem constitit in diuidendo, aut non diuidendo, eo quod cuique ægrotanti habita ratione sui morbi pro conseruatione quaque die debetur. Illud enim potest totum simul, & in una vice exhiberi, & potest partitum variis diei illius horis secundum partes dispensari, tuncque sequetur, quod id, quod totum unica vice suffecturum per integram diem propinabitur, erit *Plus* respectu cuiuslibet partis, quæ erit eius in varias diei horas partiti; hocque respectu illius, quod totum in unica vice diei dabitur erit *Paucius*. Vnde apud me voluit dicere Hip. in ista Aph., medicum debere considerare, quomodo debeat alere ægrum, an scilicet dando quantum suffecturum sit cōseruationi virium per diem totum in una vice, & semel, an vero partitum iuxta varias diei horas. nam si semel, erit plus quam si bis; si vero bis, erit paucius quam si semel: & in hac consideratione condonandum aliquid ætati, regioni, tempori, & consuetudini.

Quod autem variandus sit alituræ modus per ætates dicit experientia. Infantes enim hora quaque lactant, pueri ter, & quater in die, adulti bis, & plurimi senum unica comestione sunt contenti: & cum ratione frequentant infantes, ac pueri, omnesque qui crescunt, quia ventriculus non capit quantum esculenti debetur nutritioni, ac auctiori corporum eorum. Quod modo varius debeat esse alituræ modus secundum regiones, experientia affirmare non possum, qui non viderim varias eas. Rationabile tamen est,

est, quod in calidioribus propter maiorem, quæ sequitur in eis ex ambiente calidiore corporum resolutionem, frequentius comedatur. unde dicebat Celsus, quod in Africa homines non possunt, nec per diem unicam stare sine cibo; in frigidioribus vero minore facta ex ambitu resolutione ferius, & rarius. Quod etiam per anni tempora contingat ista alituræ varietas, palam est: quia æstate frequentius, hieme rarius cibus sumitur, ex diuersitate ambientis caloris in æstate & hieme. Consuetudinum demum quisque potest esse obseruator. Nam aliquis uni, alter binæ alius trinæ, alter adhuc multipliciori consuevit cibi assumptioni. Satisfaciendum autem est in modo alituræ his omnibus, ac singulis. quoniam ætas importat naturam, sic regio, & tempus anni cum sint inseparabilia ab illo, qui ali debet; anni etenim tempora voluntur ordinatim, perpetuo, & necessario ad cæli motum, & regiones non facile, nec de breui mutantur. Consuetudinesque sunt naturæ acquisitæ, ut monstrabitur in secundo libro.

APHOR. XVIII.

Æstate & autumno cibos difficillime ferunt: hieme facillime: secundum locum ver habet.

Æ Statem esse tempus anni calidius, Autumnū vero esse quod subsequitur æstum hunc, & præcedit frigus, unicuique clarum, sed & propositum in Aph. xv. Ferre autem, quod & tollerare dicitur, est pati, sed cum victoria. unde facile ferre est minus pati, ut notatum est in Aph. ii. Passionem autem recipiunt corpora a cibis in eorum assumptione, quatenus illi debent recipi, & a calore eorū transmutari: unde minus patiuntur corpora, quando viget
in

in eis calor, qui cibos conficit, magis vero quando deficit, præcipue in ventribus, in quibus fit eorum receptio, & cōfectio. Minime autem viget æstate, & autumnō, quoniā in ea euocatur a calido ambiente extra corpus, in isto vero iam euocatus est & resolutus.

Conclusio itaque est, quod cum ex ambiente calidiore in æstate maxime resoluatur calor corporis internus, qui est concoquens esculenta, & in autumnō iam fit euocatione æstiva resolutus, tunc temporum corpora grauantur ab eis, & difficilem eorum peragunt cōctionem; hieme vero, cum non sit resolutus, nec euocatus, imo repressus, minime grauantur, facillimaque est cōcoctio, autumnō tandem, ut qui succedat æstati, & in eo remittatur resolutio ex ambiente temperato, cōctio habebit secundum locum facilitatis & difficultatis.

APHOR. XIX.

His qui per circuitus accessiones habent, nihil dare oportet, neque cogere, sed subtrahere adiectioni ante indicationes.

Subtrahere dicebatur antiquitus de prohibita, aut ad summum diminuta alitura, & Adicere de ea præstita, ut notatum est in Aph. x. & in lib. de venæ sect. adu. Erasistratum *Indicatio* autem de subitanea, eaque valida ægroantis mutatione, ultimoque eius discrimine, quo plerūque finitur morbus, aut vita, aut sequitur valde melior, aut valde peior eius conditio; quæ repentina mutatio contingit in morbis solis ex materia, & quando eam agitat calor naturalis pro expulsiōe, quam si obtinet totalem de corpore sequitur salus, si nullatenus, sed suffocatur, succedit mors; si vero aliqualem peragit, melior status. Hic

autem insultus naturæ cum materia morbifica in aliquibus morbis fit totus, & unicus in una vice, ut in continuis; in aliquibus vero dispartita materia in plures partes, sequitur in variis vicibus, ut in morbis paroxysmalibus, seu circuentibus; unde nomen iudicationis dicitur de insultu, quem facit natura, aut totius materiæ, aut partis alicuius tempore aliquo in corpore ob malam aliquam conformationem, aut intemperiem congregatæ.

Conclusio itaque est, quod in morbis, qui veniunt per intervalla ex congregata ob malam corporis conformationem, aut intemperiem vitiosa materia, quando natura fecerit insultum cum illa, nihil est dandum de cibo, sed demendus erit ille ante insultum istum.

Cuius ratio est eadem, quæ proposita in Aph. x. Nec dubitandum, an Hipp. aliam in isto habuerit conclusionem, quoniam verba non aliam referunt.

APHOR. XX.

Quæ iudicantur, et iudicata sunt integre, neque mouere, neque nouare aliquid, siue medicamentis, siue aliter irritando; sed sinere.

IAm cum ex præcedente pateat, quid sit iudicatio, & per consequens, quæ iudicantur: quod est plerumque subito euadere a morbo materiali ad bonum, licet cum discrimine; Obseruandum modo est, quod hoc bonum est duplex: aliquod absolutum, quod est perfecta sanitas: aliud cum relatione ad melius scilicet. Ita iudicari morborum, aliud dicitur iudicari integre, seu perfecte; aliud vero imperfectæ, & secundum quid. Iudicari perfecte semper est, cum euacuatione, quia ut omnino nihil morbosum persistat in corpore, debet materia morbifica prorsus elimina-

ri, eaque sola, ut propterea sequi debeat cum prius calor naturalis segregauerit illam a bona, eamque reduxerit ad modum substantiæ euacuationi aptum. Imperfectum ergo est, quando, aut cum decubitu de parte nobili in minus nobilem, aut in ignobilem. tunc enim etsi tollatur prima affectio, succedet altera in parte, ad quam factus est decubitus, & imperfectum est, quando cum euacuatione non totali: quia quod relinquitur malum facit, secundum id quod potest; sic imperfectum est, quando non præcedente segregatione: quia cum educitur aliquid boni, corpus patitur. *Mouere* autem est accipiendum in significatione propria de loco ad locum. & cum hoc in corporibus nostris præcipue sit de iis ad extra, unde illa redduntur vacua, hinc bene communiter accipitur pro ipso euacuare. *Mutare* etiam cum sit aliquid mutare, bene poterit importare, aut de corpore ad extra, aut de parte ad partem; uti est repellere, & euocare; & poterit etiam intelligi pro leui mutare, in qualitatibus scilicet pro alterare. *Irritamenta* demum dicuntur, quæcumque excitant naturam ad aliquam corporis mutationem, siue sola manu, siue medicamento intrinsecus, aut extrinsecus perficiantur.

Erit itaque Aph. conclusio, quod quæ corpora ægrotantia ex ultimo sui discrimine euacuantur, aut auacuata sunt, ita ut nihil reliquatur, vel relictum sit materiæ morbificæ, unde sequatur, aut sequuta sit ultima sanitas, nõ sunt tractanda remediis euacuantibus sensibiliter, aut insensibiliter, nec de loco ad locum per corpus ullatenus mouentibus, nec alterantibus, sed sibi ipsis suæque nature penitus relinquenda.

Ex qua conclusione, si contrariorum contrariæ sunt rationes, accipi potest consultum, quod quando natura suaapte non init in morbis materialibus euacuationem, medicus

eus eam procurēt, ut morbum finiat; & quando natura non segregarit materiam malam a bona, eamque aptauerit expulſioni, medicus porrigat alterantia, quibus natura adiuta ſegreget & aptet, ſeu concoquat; & quando natura aptitudine peracta materiæ, non perfecerit totius educationem, perficiat reliquum ducendo.

Dubium tamen naſcitur. Primo, an natura unquam ſuaſſe poſſit materiam morbificam ſegregare, & eiicere, quia nō potuit ipſius prohibere generationē. Secundo, an poſſit unquam deſiſtere ab incepto, utpote cum valuerit aduerſus totam, rationabile ſit quod magis valeat aduerſus id quod eius reſtat; hoc enim minus valet, & natura plus, ex prima victoria roborata. Tertio, quomodo medicus poſſit ſe ingerere in criſi in fieri, cum neſciat, an perfectionem. ſit habitura criſis, quæ ſit. quia futurorum non eſt ſenſata cognitio. Quarto, ſuppoſito etiam quod præcognoſcat futuram imperfectionem criſis, quæ ſit, & certam videat imperfectionem factæ, dubitatur an ſe debeat ingerere: quia omnis iudicatio ſequitur in ſtatu in quo decernitur ab Hipp. in Aph. xxix. Secundi libri melius eſſe quietem habere. Et quinto quia natura non perfecit euacuationem propter materiæ, aut partium eius cruditatem, aut viarum obſtructionem, ad quæ medicus nihil poteſt, quoniam cōcoctio, ſeu ſegregatio materiæ morbificæ, ſicut & viarū, per quas illa debet duci, ſunt opera naturæ, & principii corporis interni, neque poſſunt peragi ab externo qualis eſt medicus.

A quibus tamen dubitationibus facilis eſt ſecuritas, & a Prima dicendo: quod corpus noſtrum eſt unū quidem, ſed instrumentale ex variis partibus conflatum: unde ſit quod materia morbifica inſinuatur ei ex offenſa externa unius partis, ad quam cum recurrit virtus totius, poteſt eam de-

bellare, quod non potuit virtus singularis uniuersali iam distracta. A secunda vero liberabitur dubitatione, quod Natura deficit ab eiectione totali materiae: quia materia est aliquando difformis, adeo ut secundum unam partem parum alienam a natura, & forma excrementi, potuit facilem prestare eiectionem; secundum vero aliam aliqua qualitate excretioni rebellem non potest; aut quia superuenit error externus, qui minuit, aut distrahit naturae robur, aut mutat dispositionem materiae ad euacuationem. Nec Tertia faciet momentum; si obseruabitur, quod medicus nescit quidem futurum, sed coniectat de praesenti, & praeterito, ut qui si viderit facilem partium materiae, & cum leuamine eiectionem, debeat sperare cum ratione, & reliquiarum esse futuram. Tantoque minus negotii faciet quarta. Nam medicus non se debet ingerere in statu morborum, quando natura nihil operatur cum iuuamento. tunc enim nescit quo se debeat applicare, sed in casu quo natura inchoet motum cum iuuamento, illud debet prosequi; tunc enim certo iuuabit, prout praecipue medicus intendit. Ad quintam demum dubitationem dicitur: quod medicus debet supplere ei in quo deficit natura. Deficit autem aut in sola expulsionem post peractam concoctionem, aut ea non peracta. Et dum dicitur, quod concoctio, & viarum apertio sunt opera naturae, dicatur, quod media quae porrigit medicus facile reddunt naturae opus. Ita nullum medicamentum operatur per se ullum opus in gratiam sanitatis, sed cum natura: attamen natura, ex usu medicamenti potest, & facit, quod sine illo non poterat, nec faciebat. Nam scamoneum non educit bilem a mortuo, sed natura usa scamoneo educit; quod sine scamoneo educere non poterat.

APHOR. XXI.

Quæ ducere oportet, quo maxime natura vergit per loca conferentia, eo ducere conuenit.

D*V*ere, cuius loco alii interpretes legunt, *Educere*, recipitur communiter, & a Gal pro ipso euacuare corporum, cum in eo educatur è corpore materia. *Nature* autem nomine intelligi debet illa, unde materia in viuentibus ducitur: hæc autem non est propria materie. Nam cum omnis materia quæ de corpore ducitur sit humorosa, & per consequens de genere grauium, deberet duci per inferiora, ducitur tamen & per alias dimensiones. Et in nobis nomine Naturæ accipienda est illa, quæ extat corporis viuentis: hæc autem est anima per facultatem expultricem dictam. *Vergere* vero dicitur de potentia motiua ad solum principium sui actus deducta. Hinc de ipso insensibiliter moueri, quale est in insectis animalibus, ut propterea ab aliquibus interpretibus legatur potius *Repere*. Quod demum importet verbum *Conferre* iuuamentum, clarum est ex Aph. II. sed obseruandum, quod *Conferentia* dicuntur omnia, quæ concurrunt in aliquo actu, in quo sequitur iuuamentum, & cum in ductione materierum de corpore concurrant etiam loca, per quæ ducuntur; ideo quando sequitur ad earum ductum iuuamentum, & loca dicuntur conferentia. Hæc autem a Galenistis designantur tribus conditionibus: quarum Prima est, vt sint propinqua locis, a quibus debet duci materia, & propterea habeant rectitudinem cum illis: recta enim linea intra eosdem terminos est omnium breuissima, ratione cuius propinquitatis & breuitatis facilius sequetur ductus. Secunda conditio est, ut lo-

ca

ca sint a natura destinata euacuationi, & illi determinatę : non enim indifferenter in sanis cuncta excrementa ducuntur, sed stercorea per aluum, urina per vesicam. Tertia demum est, ut vię non laborent aliqua ægritudine, quę ex transitu materię sit incrementum habitura. Hinc cautum est, quod euacuatio totius corporis non fiat per partem affectam. Verum quoniam non semper medicus potest cognoscere viam, quę recta sit, & breuior, quia neq; semper scit, quo loci materia ducenda contineatur, & quoniam nec semper scit, quā viam parauerit natura ad illam euacuationem, & quoniam incertum itidem frequenter est, an vię sint integrę, an læsę; ideo ab effectu docet Hipp. per quas vias debet producere medicus euacuationes, quas natura totius principiat, scilicet quod sint tales, unde sequatur egro iuuamentum.

Erit ergo conclusio: quod medicus perfecturus ductionē materię de corpore a natura inchoatam, debet eam prosequi per eadem loca, per quę inchoauit natura, dummodo inde sequatur corpori iuuamentum. Ex qua conditione apposita conclusioni elicitur altera conclusio: quod quando non sequetur illud, medicus nō debet eam prosequi. Materia autem, quam ducere oportet medicum, est quę non simplici qualitate præter naturam existit: ista enim alterari, & temperari potest: sed quę substantia peccat, ut sunt non modo lapides, & vermes, sed etiam humores corrupti a natura nutrimenti remoti, & qui a nutritione superfluunt, secundum enim partem superfluentem peccant substantia ad nutritionem directā.

Ratio autem euidens est, quia medicus operatur ad auxilium ægrotantis, unde debet accipere naturam tanquam exemplar in operibus suis, & ita facere, quod vidit alias naturam fecisse cum iuuamento in casu simili, aut quod videt

det similiter eam incoasse; Quod si operata erit natura sine iuuamento ex vi morbi coacta, non debet proseguire, nec pro exemplo sumere.

Et quod dicitur de ductu materiæ ad extra corpus, potest accipi etiam in ductibus de parte ad partem corporis. Cū enim materia non potest omnino segregari a corpore, sed solum à parte, medicus debebit segregare ad loca, ad quæ alias segregauit natura cum iuuamento, aut ad quæ tunc incepit cum iuuamento segregare, uti accidit, dum de centro ad circumferentiam, aut de parte nobili, & viscere ad ignobilem, & artus. Quod si segregabitur è contrario, debet cohiberi potius, ut notauit in Aph. 11. Quarti Libri.

APHOR. XXII.

Concocta medicari atque mouere, non cruda, neque in principiis, modo non turgent, plurima vero non turgent.

Concocta & Cruda dicuntur duplicia genera rerum in uiuentibus. Sic dicuntur concocta, & cruda alimenta & excrementa, concocti, & crudi fructus. Sed & dicuntur concocta, & cruda corpora uiuentia, præsertim animalium, quando celebrata est potissima alimentorum & excrementorum concoctio. De alimentis quod dicantur cruda, quousque non sunt mutata de natura sua, licet extiterint in corpore nostro, palam est. De excrementis etiā, quod dicantur cruda, quando non adhuc aptata facili excretioni nullus dubitat: ut propterea dicantur alimenta concocta, quando a calore eius quod ali debet sunt redacta ad alituram; excrementa vero, quando aptata ad expulsionem. unde bene definiebatur ab Arist. coctio, quod sit perfectio mixti

mixti a calore eius, in cuius gratiam, & cruditas imperfectio. De corporibus modo viuentibus, quod dicantur cruda, quousque esculenta extiterint in ipsis, non adhuc aptata alituræ, aut excrementa expulsionī, rationabile est. cum concoctio sit operatio potissima eorum, ut & ab ipsa debeant denominari. Et hinc apud Celsum lib. Secundo de re Medica cap. x. corpora dicebantur cruda, quibus non erat peracta esculentorum coctio. *Medicari* autem est operari a medico, hoc est remedium ipsum; licet dicatur magis de illo opere medicinali, quod peragitur medio materiæ non nutrientis intrinsecus sumtæ, aut extrinsecus applicitæ, siue inde sequatur simplex corporis alteratio, siue cum ea alicuius materiæeductio. *Turgere* denique dicitur proprie de eo quod nimia repletionē ducitur ad periculosam corporis amplitudinem: improprie vero etiam de materia, quæ istam corporis amplitudinem facit: in quo sensu assumit hoc verbum Hip. in Aph. x. Quarti lib.

Ex his igitur Gal. accipiens verbum medicari, pro ipso uti medicamento purgante, & nominibus concocti ac crudi quatenus significant materias in corpore non nutrituras, sed ad modum excrementi existentes, accipit conclusionē: Quod medicus debet educere medicamēto a corpore materias malas, quando fuerint prius a calore naturali aptatæ expulsionī, & redactæ ad naturas, & vias excrementi: nō autem, quando tales non fuerint, & propterea non in morborum initiis; modo non faciant corpori impetum crepaturæ periculosum, quod tamen raro faciunt. Cuius conclusionis facilem habet rationem: quia tunc habens medicus a natura aptatam ductioni materiā, facilius ductionem perficiet. De cuius conclusionis veritate, atque utilitate dubitatur. Quia medicus debet euacuare materiam quando lædit. Officium etenim eius est, tollere læsionem, lædit

autem quando est cruda, magis quam quando est concocta; nec propterea medicus debet transigere morbi principiū, cum non debeat ullatenus dimittere corpus iis quæ lēdūt. Cui dubitationi respondent Galenistæ, quod hoc fieri nequit, quia educationis principium est natura, non autem medicamentum; unde debet expectari tempus, quo natura possit: hoc autem est post concoctionem. Secundo dubitatur, quia quando materiæ malæ sunt concoctæ, sunt secundum plurimum a natura superatæ, unde absque medicamento superabuntur etiam secundum reliquum, nempe expulsionem. Sed respondent & huic: quod aliquando deficit natura in ultimo, & fine, quæ non defecit in principio, ob particularia accidentia ipsam deturbantia, qualia sunt impedimenta viarum non forsan purgatarum, aut frigore superueniente restrictarum. Tertio dubitatur ex Hip. qui in Aph. xxix. Secundi libri præcipit, si quid mouendum videtur in morbis, illud esse mouendum, quando inchoāt. Cui similiter respondent hoc intelligi de euacuatione sanguinis; aut si alterius materiæ, hoc esse accipiendum in casu, quo illa faciat tantum in corpore impetum, ut periculum inferat crepaturæ; aut intelligendum esse de euacuatione minoratiua, per lenientia, non de eradicatiua per purgantia.

Verum quoniam resolutiones istæ mihi non plene satisfaciunt, & verbum medicari non debet limitari ad solas catharticas euacuationes, cū importet quodlibet medicinale operari; & quoniā verbi mouere nulla accipitur vis in expositione Gal. quod tamen importat motionem de corpore ad extra, aut de parte eius ad partem, ut notatum est in Aph. xx. & quoniam, quod magis est, verbum turgere importat proprie non furiosum materiæ in corpore impetū, ut vult Gal. sed periculofam corporis amplitudinem, & intum-

mescentiam; dimissa nunc expositione proposita, non tanquam inutili, sed tanquam impropria, Dubito an Hip. per concocta, & cruda intellexerit corpora ipsa, quæ concoxerint, aut non concoxerint assumpta suæ nutritioni destinata. Suadet enim mihi præter literæ proprietatem hunc sensum ratio. Nam corpora ab assumptis, non adhuc coctis, videtur nullo medico opere tractanda: ne vexata cōcoctionis loco inquinatis esculentis, inutilem, & noxiam materiam augeant. Sic Antiqui, prout refert Celsus loco citato, nec purgabant, nec sanguinem ducebant, nisi peracta assumptorum coctione, exceptis casibus subitæ mortis periculosis, quos Hipp. nunc turgentia appellat, ut eo loci videre est.

Erit ergo conclusio: quod medicus non debet purgare, non alio modo valido localiter euacuare corpora ægotantiū, ni primo ea peregerint assumptorum coctionem, dummodo non sint adeo plena, ut suffocari, aut crepare possint.

Et ratio est, ne turbata coctione, & facta assumptorum iniquatione, crescat materia morbi. Quod si erit periculum suffocationis, aut crepaturæ, paruifacta iniquatione, debebit sanguinem mittere, purgare, & aliter mouere, etiam si non fuerint concocta esculenta.

Dubitare possunt autem neoterici, eo quia post peractam esculentorum coctionem. quæ ultimum terminum habet ad triduum, non adhuc materiæ omnes malæ quæ veniunt euacuandæ sunt aptatæ expulsionioni, & ex expositione mea videtur cathartico ultra diem tertiū posse duci de corpore omnis materia morbifica. Et quia obstat experientia. nam cathartica a principio morbi operantur difficulter & laboriose. Quibus obiectis fatis erit responsū, si obseruabitur quælibet materia, quæ cathartico ducitur de corpore esse humorosa, & per consequens fluida,
cum.

cum fluor sit de definitione humorum ex Auicena in Prima Primi. Quod si a principio euacuatio sequitur aliquando cum difficultate, & labore, id euenit tunc, quoniam materiæ sunt remotæ a loco educationis, & viæ sunt obstructæ, aut catharticū non est propinatum in sufficiente quantitate; unde valet tantum remouere materias a loco suo, non tamen penitus educere. Sed de hoc apertius in Aph xxix. Secundi, & aliis locis dicetur.

APHOR. XXIII.

Deiectiones non multitudine sunt æstimandæ, sed si talia deiciantur, qualia conueniunt, & agri facile tolerant. Atque ubi usque ad animi defectionem expedit ducere, faciendum, si ager possit tollerare.

Deiectiones sunt euacuationes per inferna, cum deicere sit dare motum ad infra, siue eæ sint suapte venientes, siue auxilio procuratæ. Multitudinis autem nomen importat proprie quantitatem numericam auctam, sed usualiter dicitur etiam de quantitate continua, præsertim corpulentia. *Æstimare* vero est conferre unum cum altero secundū aliquam rationem, & inde concludere an sit secundum illam. *Animi* etiam *Defectio* est virium, præsertim motiuarum, & sensitiuarum perditio. *Tolerare* demum prout pluries notatum est, dicitur de ipso lædi, sed cum victoria.

Conclusiones itaq; in isto Aph. licet ad unum finem directæ sunt tres. Prima est, quod in deiectionibus suapte, seu medicamento factis, non est æstimanda materia ex numero, nec ex magnitudine corpulentia, an sufficiat, aut suffectura sit ei rationi, secundū quā deicitur, aut deiecta est: quæ ratio est morbi ablatio per eius educationem. Se-

cunda est, quod æstimatio ista est determinanda ab observatione qualitatis matæriæ, quæ ducitur, & tolerantia vitium, quæ subsequitur. Qualitas enim quousque perseveraverit mala, qualem ratiocinatus est, & coniecit medicus, & vires constabunt, debet euacuatio produci. Tertia conclusio est, quod quando est tanta, quod eius absolutaeductio non potest perfici, nisi cum manifesta defectione virium sensitiuarum, & motiuarum, est eo usque producenda, dummodo æger se possit ab illa defectione reficere.

Ratio autem primæ conclusionis est, quia nescit medicus certam matæriæ morbificæ mensuram: unde nec debet metiri eam, quæ educitur, auteducta est, ut securus sit de eius absolutaeductione.

Ratio secundæ est, quia in cognitione eius, quæ sit materia peccans, confert quidem iudicium, sed illud non sufficit cognitioni determinatæ quantitatis. Hoc enim cognosci debet a posteriori, hoc est à subsequuta euacuatione alterius matæriæ, & à subsequuta virium etiam aliqua defectione. Non enim ad euacuationem malæ matæriæ succedit euacuatio bonæ, ni mala sit finita: nec unquam succedit virium defectio, ni euacuetur bona.

Ratio Tertiæ est, quoniam non potest fieri euacuatio, quæ est opus naturæ, etiamsi fuerit medicamento irritata sine corporis resolutione. Nā eo utitur in illa; unde in magnis euacuationibus, etiamsi post eas subleuetur natura, laborat, & deficit. Magnæ autem iniri debent, quando plurima est materia, unde aliquando est producenda deiectio ad animi defectionem eam, a qua tamen potest esse refectio.

Dubitatur autem, an medicus nō possit metiri materiam corpori nocuam, cum possit dimetiri corpus ipsum. Sed resolutione

olutio est, quod corpus eiusdem dimensionis potest scaterere materia, partim mala, & partim bona, unde ex corporis ipsius dimensione mala sola non potest determinari.

Dubitatur secundo, an debeat terminari ductio materie malæ usquequo successerit in educatione bona. Non enim bonum est educere unquam materiam bonam. Sed responsio est, quod hoc est faciendum usque ad initium educationis bonæ. Initium autem minus officit, eo quod potest officere aliquid malæ relictum.

Dubitatur tertio, an securum sit ducere ad defectionem animi, & virium. Nam illa est periculosa, quoniam est extrema euacuatio, ut notatum fuit ab Hipp. in Aph. III. Sed resolutio est, quod etsi sit periculosa, in magnis casibus est aliquando ineunda, & non intelligitur periculosa, quæ potest tolerari; qualis est, quæ ab Hipp. proponitur in hoc Aph.

APHOR. XXIV.

In acutis passionibus raro, & in principiis medicinis purgantibus uti, & hoc cum premeditatione faciendum.

QUæ sint *Acute passiones*, & quod sint a materia calida ingruente, & inflāmate partes principes, dictum est in Aph. IV. Quod modo *Medicinae purgantes* sint quædam corpora mixta, ex quorum assumptione sequitur in corpore meatuum apertio, irritamentum, atque inde materie expulsio, ab iis locis, ad quæ perueniunt, experimentum declarat. *Premeditatio* autem est discursus eius, quod sequi debet ex alicuius usu.

Quatuor itaque extant in hoc Aph. conclusiones. Prima est, quod in paucis morbis venientibus a materia calente,

& inflammante partem aliquam principem, sunt usurpanda medicamenta, a quorum usu aperiantur venę cum irritamento, & inde sequatur materięeductio. Cuius ratio est quia a talibus medicinis incallescit ulterius corpus, quod in morbis acutis nimisquam incaluit.

Secunda conclusio est: quod in aliquibus tamen possunt usurpari. Cuius ratio est nimia corporis plenitudo, qualis est in turgentibus propositis in Aph. xxi. Hęc enim plus officere potest permanens, quam eius agitatio, aut corporis calefactio, quę medicamentum sequatur.

Tertia conclusio est: quod in paucis acutis est purgandum a principio. Et ratio est, quia sunt cum inflammatione, ut dictum est nuper.

Quarta: quod & quando sunt usurpanda purgantia in acutis, & a principio, hoc est faciendum cum præmeditatione eius, quod & quantum possit officere materia morbifica, & eius quod & quantum possit officere caliditas medicamenti purgantis: quod si plus, & peius erit quod

poterit sequi a materia morbifica, purgandum;

quia de duobus malis minus est elligendū:

si vero erit plus, & peius quod mali

inferat medicamentum, ab illo

erit desistendum. Hinc in

acutis sine corporis

turgentia suffi-

ciet for-

san inanitio per inediam; in acutiori-

bus vero, & turgente corpore

debebit propinari medica-

mentum purgans.

APHOR. XXV.

*Si qualia oportet purgari, purgentur, confert, & facile ferunt: si
contra difficulter.*

L Itera huius Aph. non alia est quam quæ fuit in Parte
secunda Aph. secundi, & propterea nec aliam recipit
expositionem, aut conclusionem. Nec damnandus Hipp.
de superfluitate: quoniam hæc scripta sunt ab ipso tanquam
collecta, & non ordinata neque connexa.

Finis Libri Primi.

Si autem in eadem materia non sit
aliquid aliud, sed tantum illud quod
est in seipso, non est aliud.

Item si in eadem materia non sit
aliquid aliud, sed tantum illud quod
est in seipso, non est aliud.
Item si in eadem materia non sit
aliquid aliud, sed tantum illud quod
est in seipso, non est aliud.

Finis Libri.

LIBER SECVNDVS.

73

APHOR. I.

In quo morbo somnus laborem facit, lethale; ubi vero iuuat, non lethale.



Somnus, ut fuit tactum in Aph. xiv. Primi libri, est affectio propria animalium, in qua illa iacent sine sensu & motu: quia calor spirituosus, qui cum nutrimento iugiter & momento participari & influere solebat a corde in omnes partes, unde procedit in eis viuere, & sine quo moriuntur, intercipitur aliqua ex parte, & in suo principio conculcatur à materia vaporosa nutritiua a frigidity cerebri crassata, & illuc ad perfectionem nutritiuam depulsa. Hæc autem, ut docet Arist. lib. de Somno cap. 4. & 5, eleuatur aut ab alimentis ingestis, ex prima eorum coctione, sicut significat facilitas somni à cibo; aut ab humoribus, dum perficiuntur, & ad nutritionem rediguntur, prout accipitur ex eo, quod promptius dormiunt homines crassi & pleni, quam tenues & euacuati; aut a substantia ipsarum partiū uiuentiū, ex actione caloris animæ per colliquationē resoluta, quod ostendunt homines laboriosi, qui facilius dormiunt quā otiosi. Facit autē hæc materia somnū in homine, dū sua natura leni, sursum maxime lata, primo implet cerebrum: quod arguit bene Arist. ex eo, quod qui feruntur in somnum, non possunt sustentare amplius capita sua; & ex illo, quod somnifera pocula caput grauare videntur, & qui maiora capita habent, facilius, & plus dormiunt. Et dum

K quod

quod eius superest à repleto cerebro, recepta ab eiusdem propinqui frigiditate incrassatione grauescens, refertur deorsum per venas, & arterias, iuguli præsertim: unde ille in dormientibus inflantur, repletionem maiorem earum facta, ac veluti semiobstructione reprimit consueti & tanti caloris à corde ad caput eiusque sensoria influxum, quantus requiritur eorum sensationibus, unde sequitur impotentia visus, auditus, odoratus, & gustus. cumque descenderit omnino, & cordi ipsi circum obstiterit, non permittens ab eo in reliquum corporis, & artus, nisi paruum, leuem, & lentum influxum, prout paruum luminis solis permittitur per nubem, perditur tactus & motus voluntarius, & hinc dormientia exterius frigidiora, interius vero calidiora euadunt, ut notauit primus Hipp. lib. vi. de morbis sect. iv. mox Aristot. iii. de hist. animal. cap. xix. inde Gal. in comm. isto, & confirmauit Auic. lib. i. Canon. Fen. ii. doctr. ii. cap. proprio ex eo signo, quod dormientia egent pluribus indumentis quam vigilantia. Et hinc in somno grauatur respiratio, fit stertor, facilis incubus, epilepsia, & apoplexia. Duratque somnus quousque fuerit resoluta à corde & sensoriis ista circum obstitentia & digesta. Et licet Gal. visus sit voluisse fieri somnum ex solo oppleto cerebro, tamen & hanc cordi circum obstitentiam proposuit, ut videre est apud illum in lib. ii. de Temper. ii. & in lib. iii. de causis pulsuum cap. de pulsu dormientium, & cap. de pulsu expergisc. : *Liboris* autem nomen proprie importat fatigationem magnam, & lassitudinem, quæ sequitur ad illam: improprie tamen dicitur de omni malo, & noxa, licet Gal. in ista ultima significatione illud assumat, ductus forsan ab eo, quod Hipp. videtur ei opponere in tex. nomen genericum iuuamenti. Ego tamen qui sequor vocum proprietatem accipio illud in prima significatione, eoque libentius quod alibi Hipp. illud

Iud assumpsit in isto sensu, ut in Aph. xvi. & xliix. secundi lib. & eo magis adhuc quod noxæ cunctæ & singulæ quæ in morbis superueniunt à somno etiam præter eas quæ veniunt ab eo factio in principiis paroxysmorum non sunt lethales: unde Aph. conclusio esset fere falsa. Nec me diuertit oppositum iuuamentum in genere: quoniam & conclusio oppositi iuuamenti est indeterminata, dū dicitur in ea, *Non lethale*. Quæ vero fuit laboris à somno facti est determinata: unde debet esse à causa particulari & determinata. Oritur autem lassitudo semper à defectu substantiæ viuentis, cum in ipsa consistat omnis virtus, etiam motiua, ratione cuius dum viget, dicuntur corpora robusta, dum vero deficit, dicuntur lassa. Deficit autem substantia viuens, aut quia resoluta ultra id quod potest refici, aut quia non adest materia refectionis. Resoluitur modo ultra id quod potest refici in euacuationibus sensibilibus, aut sanguinis à venis aut alterius humoris ex aluo, vesica, genitalibus ambitu corporis vel insensibilibus, quales sunt in exercitio, doloribus magnis corporis, & in iis etiam, qui animi sunt, curis & sollicitudinibus. Non adest autem materia refectionis, quia ea bona existit, sed deficit ut in abstinentiis, aut quia mala adest, & refectioni inepta, ut in *κακοχυμία*. Vocabulum demum *Lethale* potest accipi pro significatiuo futuri lethi, & pro effectiuo. Sed nunc accipitur pro significatiuo, quia adiungitur somno, qui cum sit una operatio nostra, est primitus ac magis considerabilis sub ratione signi, quam sub ratione causæ.

Est itaque conclusio huius Aph. quod cum æger expergefactus sibi videbitur magis lassus quam ante somnum, morietur; ubi vero non se senserit lassatum, nec inde significabitur certa salus.

Et ratio est, quia lassitudo à somno non potest aliunde

venisse, quam à præsentia nutrimenti mali, peiorisque red-
diti ab actione ultima caloris, quæ solet esse illius perfe-
ctiva, qualis est quæ excitatur interius tempore somni.

APHOR. II.

Vbi somnus delirium sedat, bonum.

QUOD παραπροσύνν Hip. nunc, & communiter alii Græci
vocant, & conuertitur à Leoniceno nomine *Delirii*,
est quædam mentis alienatio quæ accidit in vigo-
re magnarū febrium, in ebrietate, ac nimia iracundia, in
quibus homines fallūt imaginatione: quæ procedit nō ab in-
flāmatione, ut sequitur in vocata Phrenitide; sed à sūmo ca-
lore in loco mentis excitato à materia humorosa circa ipsū
ebulliente, aut halituoſa quod frequentius accidit. Hic au-
tem locus est circum cor, ut confirmabitur in Aph. VII. Se-
ptimi lib. *Boni* autem nomen à medicis, & ab Hipp. dicitur
aliquando de eo, unde cognoscitur in corpore aliquid bo-
ni esse, fuisse, aut futurum esse; & ita sub ratione signi; ali-
quando vero de eo quod aliquid boni in corpore facit, fa-
ciet, aut fecit, & ita sub ratione causæ; aliquando etiam sub
utraq; ratione. Accipitur sub ratione signi, quando est ali-
qua corporis qualitas, aut à corpore excreta materia, &
hoc propter dependentiam consequutionis quam habent
cum corpore qualitates eius, & quæ exernuntur ab illo;
è quibus medicus potest coniectare de statu eiusdē. Acci-
pitur sub ratione causæ tantum, quando dicitur de aliquo,
quod sit solūmodo alteratium & mutatium corporis suo
contactu externo, quale est quodcumq; ambit, siue aer, si-
ue aqua, siue quid aliud appositum; aut contactu interno,
qualis est cibus, & potus, medicamentum, atque venenū
assum-

assumptum, & accipitur sub utraque ratione, quando dicitur de aliquo, quod proueniat à corpore & sit eiusdem mutatiuum, uti est omnis operatio corporis, qualis est etiam somnus, & delirium. Modo accipitur nomen boni de sedatione delirii præsertim sub ratione signi. Nam operationes animæ sunt primo signa status corporis, & postea mutatiuæ eius.

Est ergo conclusio huius Aph. quod in quo casu mentis seu imaginationis alienatio sedabitur à somno, significabitur corpus non male, aut saltem melius se habere.

Et ratio est. Nam inde significatur fuisse alienatio non ex inflammatione circa cor, sed ab halitu, aut humore qui potuit calore interius aucto, prout accidit in somno, digeri. Ex inflammatione enim debuisset potius augeri cum illa.

APHOR. III.

Somnus & vigilia, utraque si modum excefferint, malum.

Modus est mediocritas constituta intra duos terminos excessus & defectus eorum, quæ rem ipsam constituunt. Hæc autem duplex est in omnibus rebus, atque adeo etiam in nobis: una ratione speciei, altera ratione individualitatis. Ita somnus & quies, quæ declarata sunt in præcedenti, habent mediocritatem specificam, quæ scilicet conuenit homini quatenus homo est, & habet individualē quæ .s. conuenit Petro quatenus ille est. Modo quæ ab Hip. proponitur est intelligenda individualis. Quia medicus cū sit operator circa indiuiduū debet cognoscere, primo modum indiuidualem, mox specificum: & sub illa sola ratione qua cognitio speciei facili reddat cognitionē indiuidualis. Tria autē sunt in somno quæ possunt habere mediocritatem naturæ, & excedere ab illa. Vnum est duratio, aliud in-

intensio alterum continuatas; in duratione est somnus mediocris, qui durabit prout illi indiuiduo solebat, extra mediocritatem, qui longius, aut breuius; in intensione mediocris, qui nec facilius, nec difficilius, consueto excitabitur, sicut extra mediocritatem, qui à leuioribus sensibilibus, & qui nec à mediocribus excitabitur; in continuitate qui non habebit plures interruptiones iis quas habere solebat, nec pauciores, erit mediocris: extra mediocritatem vero, qui aut maiore continuitate, aut interruptione procedit. Istud autem naturæ solitum & consuetum accipiendum est sub eadem ætate & anni tempore. Nā in adolescentia somnus est longior, continuatior, & profundior; in senectute breuior, interruptior, & leuior; in consistentia medius inter hæc. De vigilia hinc accipiatur intelligentia. nam contrariorum contrariæ sunt rationes. *Mali* autem nomen, prout dictum est in præcedenti de nomine boni, accipitur à medicis, & Hipp. aliquando sub ratione solius signi, aliquando sub ratione solius causæ, aliquando sub utraque; cumque somnus sit operatio nostra, potest accipi primo sub ratione signi, mox etiam sub ratione causæ.

Conclusio itaq; Aph. huius erit, quod quando aliquis ex se dormierit longius, aut continuatius, aut profundius, vel è contrario breuius, aut interruptius, aut leuius, quā solebat in illa ætate, & tempore anni, significabitur esse in corpore aliquid mali, & poterit etiam somnus ille aliquid mali in corpore facere.

Ratio autem qua significet aliquid mali in corpore in generali, est quia cum sit ille operatio corporis mutata à statu naturali, nō potest esse, nisi primo sit mutatum corpus à quo procedit. Ratio etiam qua erit productius alicuius mali in genere est, quia somnus habet vim mutatiuam corporis, prout omnis alia animæ operatio. Si ergo erit ille præter

ternaturam, etiam corpus mutabit ad præter naturam. Particularis modo ratio cuiuscumque mali significati, aut quod induci possit à particulari præternaturalitate somni, non attinet ad hunc locum.

APHOR. IV.

Non satietas, non fames, neque aliud quidquam, quod modum naturæ excesserit, bonum.

Satietas propriè dicitur sublatio famis ab accepto alimento, sicut Fames definitur esse eiusdem desiderium, quæ sicut accidit à defectu ipsius, ita tollitur ab eius præsentia, & inducitur satietas; ut propterea Hipp. nunc accipiat hæc nomina præcipue sub ratione, qua important causas proprias satietatis, & famis, scilicet comestitionē & inedia. Aliud autem *Quidquam*, debet esse aliquid, quod possit dici non bonum, eodem modo, quo dicitur, non bona satietas, & fames proposita: & propterea sub ratione, & signi, & cause. Sic ergo erit, aut somnus, & vigilia, aut euacuatio, & retentio, aut motus, & quies corporis, aut motus scilicet, & affectiones animi, hæc enim sola possunt esse in simul signa, quia sunt effectus nostri corporis, & causæ, quia ex eorum varietate varie afficitur.

Cum ergo pateat ex præcedenti Aph. *Naturæ modum* esse mediocritatem actionis, aut passionis individualis, erit conclusio huius Aph. quod comedere, dormire, euacuare, exerceri, corpore aut mente moueri, ultra, aut infra debitum ex individuali natura, significabit corpus non bene habere, & perducet ipsum itidem ad aliud non bene habere. Vniuersalis ratio clara est ex præcedenti. Particulariter autem nimia comestio arguit ventris aut ulteriorum

via-

viarum alimenti, venarum scilicet, caliditatem, & efficit eiusdem, aut earundem obstructionem; minor vero debita argumentatur caloris partium dictarum exsolutionem, aut materiae inexistentiam, & inducit corporis siccitatem, & frigiditatem. Nimius, & deficiens à debito somnus, inducet, & significabit, quæ proposita sunt in præcedente. Nimia euacuatio, caliditatem nimiam internam expellentem, aliquando humiditatem significat. Efficit autem frigidum & siccum corpus: sicut minus euacuare procedit à frigiditate & siccitate, & inducit primo humiditatem, indeque calorem. Nimium itidem agitari importat calorem, qui facile fertur ad partes mobiles, easque ad calefactionem primo, mox & ad siccitatem perducit: sicut contra minus dimoueri succedit à frigiditate, & caloris penuria, talemque etiam penuriam adauget. Excandescere importat cordis caliditatem, non leuem; sicut & gaudere aliqualem; talesque adauget. Moerere vero, & tristari à frigiditate, & siccitate cordis procedunt, easque multiplicare valent. Sunt & alia leuia mala, præter hæc, utpote, & in mala cōformatione, quæ significant, & inducere valent ista præter naturæ modum existentia. Sed ea sunt nimis particularia.

APHOR. V.

Spontaneæ lassitudines morbos prænunciant.

Spontaneæ dicuntur, non modo quæ videntur per se venire, & nullam habere causam externam sui aduentus, ut dictum est in Aph. II. Primæ Sect. verum etiam quæ contingunt sine causa ea, quæ est ipsis præcipua. Et in isto sensu hoc nomen assumsit nunc Hip. *Lassitudo* autem dicitur sen-

ſenfata grauitas in artubus, unde eorū difficilis euadit motus. Hæc autem accidit, aut quia virtus motiua debilitatur, aut quia materia artubus inſinuatur excedens proportionem cum virtute motiua. Debilitatur autem virtus motiua, dum ei diminuitur ſubſtantia viuens, in qua tanquam forma in materia fundatur: & diminuitur ſubſtantia viuens iugiter à calore vitæ, dum animæ operationes quaſvis exercet, ut declaratū eſt in Aph. xiv. Primæ Sect. Vnde ſi ex alimēto requiſito iugiter nō reficiatur, procedit, imminutio & inde debilitatur virtus, ut propterea una & frequens cauſa laſſitudinis ex debilitata virtute motiua ſit inedia. Sed ſenſibiliter magis diminuitur a labore. Nā motus accendendo ulteriorē calorem, eſt in cauſa ulterioris reſolutionis ſubſtantiarum viuentium. Hinc alia de frequentibus cauſis laſſitudinis eſt labor: in quo genere cauſæ, licet non adeo apparentes, ſunt ſollicitudines, & curæ, unde homines ex aliquo accidente animi anxii & ſolliciti extenuantur, & laxantur. Adhuc autem magis diminuitur ſubſtantia viuens, dum educitur ſenſibiliter e corpore id quod de breui debebat cedere in ſuam refectionem, prout ſequitur ex educatione ſanguinis, præſertim arterioſi, quia perfectior eſt. In quo genere eſt etiam euacuatio nimia feminis, cū illud ex ſanguine fiat. In hoc etiā genere eſt euacuatio per aluum, & per urinam, ac etiam per ſudorem, dū materia ſanguinis ad varias formas, ſcilicet aut bilis, aut alterius humoris, aquoſitatis etiam, & ſudoris educitur: ut propterea tertia euidentiffima, & frequentiffima cauſa diminutionis ſubſtantiarum viuentium, & inde induciua laſſitudinis ſit euacuatio, aut ſanguinis, aut alterius humoris, qui habeat aliquid nutritiui. Vnde à quacumque harum cauſarum veniat laſſitudo, cum eſſe videantur externæ, & ſic manifeſtæ, ac propriæ, non dicetur ſpontanea.

nea. Dicitur ergo spontanea, quando venerit ex materia ultra proportionē motiuam extante. Est autē ultra proportionē motiuam, quando non est conuersa, nec conuertibilis in substantiam viuētem. Nā dum conuertitur, subiicitur virtuti motiuae, cui famulatur opere suo nutritiua, & non grauat. Non conuerti autē potest à nutritiua, quia peccat qualitate mali humoris, uti est bilis præsertim, & melancholia; tuncque sequitur grauitas acris, quæ si extenditur ad partes carnosas, & cutaneas, infert veluti sensum ulceris corrodetis, unde accidit lassitudo, quam medici ulcerosam appellant: si vero se insinuauerit ad tendines versus ossa, acrimonia sua propter maiorem materiæ crassitiem cum videatur illa frangi, inducitur lassitudo, dicta ossium frangitiua. Et non conuertitur aliquando à facultate nutritiua materia in substantiam viuētem, quia superfluit ab eius indigentia: tuncque grauat, & implendo, extendit uti facit nimius sanguis, dum decurrit ad partem aliquam inflammandam, cui præter grauitatem inducit extensionē & inde inducitur lassitudo apostemosa vocata. *Prænuntiar* demum morbos est significare eos futuros, quod concipit intellectus faciendo coniecturam de præsentī aliqua mala corporis dispositione, tanquam à causa ad peiorem tanquam effectum processura.

Est ergo conclusio huius Aph. quod sēfatae grauitates in artubus, difficilē motū, reddentes, si venerint, sine ulla euacuatione sensibili sanguinis, alteriusue humoris, feminis, urinæ, sudoris, aut insensibili, laboris, doloris, sollicitudinis, inediae, significabunt præsentēs malas corporis dispositiones, ex præsentia, aut nimii sanguinis, si lassitudo referet ultra grauitatem etiam corporis extensionem, aut bilis, si lassitudo referet etiam sensum veluti corrosioni in carnibus, aut melancholiæ, si præter sensum grauitatis

videbuntur velut frangi ossa, & inde prænuntiabunt venturas ægritudines.

Et ratio uniuersalis prænunciationis morborum est, quia sunt dispositiones malæ. Nimius enim sanguis potest obstruere repente venas magnas, & facere apoplexiam, ut dicetur in Aph. XLII, aut rumpere eas unde exeat etiam qui non debet, & inducere hæmorrhagias, aut putrescere, & facere feb. magnas. Ita mali humores biliosi, aut melancholici suis qualitatibus inficere substantias viuentes, & varia mala producere; quæ, si non facit sanguis nimius, aut mali humores immediate, dum faciunt lassitudines, possunt ex aliquo accidente illum adhuc augente, aut istos adhuc peiores reddente successu temporis inferre, quando à regimine bono, aut alio bono accidente, ille non fuerit diminutus, & isti correcti.

APHOR. VI.

Quicumque dolentes parte aliqua corporis omnino dolorem non sentiunt : his mens agrotat.

Dolere est semper sentire, sed est sensibilis nõ bene proportionati cum facultate sensitiua. Propterea est dolor in omnibus sensibus externis, seu particularibus dictis, & internis communibus appellatis. Verum qui in externis visu scilicet, auditu, olfactu, & gustu accidit, iniucunditas potius & displicentia vulgo vocatur, cum tamen vere sit dolor; nam inde excitatur auersatio ad fugam in facultate appetitiua. Qui vero accidit in tactu, cum ille sit primus sensus, per excellentiam seruat nomẽ, & vulgo dolor dicitur; & de hoc intellexit Hipp. in hoc Aph. quia loquitur de eo qui potest accidere alicui parti, scilicet indeter-

minatæ corporis. Hic autem est solius tactus, cum cæteri sensus habeant magis determinata in loco corporis sua sensoria. Qui demum sequitur in sensibus internis, tristitia & sollicitudo potius vulgariter dicitur, sicut sentire eorum, de quo intelligit Hipp. illo verbo *Sentiunt*, (nam illud dirigit ad dolorem, qui non est aliquid de iis, quæ sensibus externis sentiri possunt) ut distinguatur à sentire sensuum externorum, à nostratibus, non sentire, sed obseruare, curare, & animaduertere appellatur. *Mentis* autem nomine non intellectiuam facultatem debuit assumpsisse Hip., quia ei attribuit egritudinem, intellectus autem cum non sit organicus, ægrotare non potest: cum ægritudo sit corporis affectio: sed sensitiuam aliquam, quæ possit sentire sensationes aliorum sensuum, scilicet dolores; nam dolores sunt sensationes ut dictum est. Hæc autem debet esse una, quæ sit receptiua omnium sensationum, præsentium, & præteritarum, quæque propterea possit moueri à quoque sensibili, ut est quæ Phantasia dicitur, & est in brutis animalibus suprema animæ potentia, & in homine proxima ipsi intellectui, quæ est organica, licet eius organum non pateat, quia intrinsecum sit, quæque propterea dicetur ad depravationem & ægitudinem eius, ægrotare.

Erit ergo conclusio, quod qui sentiunt obiecta tangibilia in aliqua corporis parte impropportionata, ut inde dolere dicantur, & non obseruant seu animaduertunt se dolere, si ægrotant intrinsecus, & inde fallunt illa animæ facultate, quæ est obseruatiua & sensitiua sensationum exteriorum, quæque phantasia dicitur.

Et ratio est. Nam non dignoscitur dolor nisi ab excitata auersatione: hæc autem non excitatur nisi à phantasia. ergo quando, adest obiectum dolorosum appositum tactiuo sensui ratione cuius debeat fieri dolor, si non excitabitur

auersatio, debet sequi, quoniam non recipiatur in phantasia, quæ est motiua facultatis appetitiuæ ad auersationem. Non recipietur autem, si illa erit à phantasmatibus alias receptis oppressa: quæ oppressio non potest esse, nisi cum deprauatione sui organi; quod est principium sensituum.

Hinc apparet male Galen. dixisse dolentes esse, qui habent obiectum dolorosum, & illud proprio sensu non sentiunt. Nam isti stupidi dicuntur, cum stupor dicatur de perduto tactu. Et hinc apparet Hipp. hoc monuisse, ut notaret affectionem partis principis, quæ cum recondita sit difficulter egrotare dignoscitur.

APHOR. VII.

Quæ longo tempore extenuantur corpora, lente reficere oportet; quæ vero breui, breuiter.

Extenuari, cum sit tenuius fieri, erit idem, ac pristinam crassitiem perdere. Refici vero, cum sit pristinam crassitiem recuperare, erit renutriri. Consistit autem crassities, & omnis nostra corpulentia in duplici genere substantiæ: una est humorosa, nondum viuens; alia vero solida, actu viuens. Humorosa est mollior, imo fluida, & vaporosa, (nam qui dicuntur spiritus, sunt substantiæ humorosæ ad aeream naturam magis, quam ad aqueam, inclinantes) quæ propterea est facilioris resolutionis, cum humiditas, quæ in ea dominatur, sit facile terminabilis termino alieno. Solida vero, cum nō fluida, nec vaporosa sit, est etiam difficilior resolutibilis. nam siccitas quæ abundat in illa, est difficulter terminabilis termino alieno, bene quidem termino proprio. Diuersaque est crassities sub-

substantiæ nostræ, non modoratione partium inuicem, sed & ratione totius, penes regiones, ætates, sexus, & quod magis est penes indiuidualitates: unde orientales, & septentrionales homines, sunt molliores occidentalibus, & meridionalibus, iuuenes & qui crescunt senibus decrescētibus, mulieres maribus, & alter altero. Cum itaque molliora sint facilius resolubilia, ea per consequens breui tempore erunt extenuabilia. nam extenuatio, licet sequi possit euacuationem sensibilem, facilius tamen & frequentius sequitur insensibilem; solidiora erunt serius extenuabilia.

Conclusio itaque huius Aph. est, quod quæ corpora cōualefcentia breui tempore perdiderunt pristinam suam crassitiem, breui tempore illa ipsis est reddenda per alituram. Quæ vero longo tempore constiterunt aduersus causas crassitiem auferentes, longo etiam tempore egebunt ad sui refectionem lenta & serotina eis suppeditata alitura. Quæ cōclusio licet à Gal. accipiatur distincte de variis corporis partibus humorosis, scilicet & solidis: & vera sit etiā in illis; facilius enim resoluuntur, & educuntur humores à corpore nostro, quam partes solidæ viuentes: at tamen ab Hipp. profertur de totis corporibus, secundum partes eorum humorosas simul, & solidas. nam non modo partes humorosæ unius indiuidui, uniusque ætatis, & unius regionis, ad humorosas alterius hominis, etiam ætatis, aut alterius regionis in hac facili, & difficiliore extenuatione diuersimode se habent. Verum etiam solidæ, unde quædam corpora tota citius, quædam vero serius resoluuntur, & extenuantur.

Ratio autem est, quia cita resolutio sequuta est ex molliæ substantiæ, quæ sicut est facilius resolubilis, propter humiditatem, quæ est facile susceptiua cuiusvis nature, est
fa-

facilius regenerabilis . Ita soliditas cum sit difficilius inducibilis , propter siccitatem , quæ resistit nouæ naturæ , est etiam difficilius ressolubilis .

APHOR. VIII.

Si à morbo cibum assumens quis non corroboratur , pluri alimento corpus uti significatur : quod si non assumenti cibum hoc accidat , scire oportet quod indiget euacuatione .

A Morbo idem est , ac dicere , post morbum , ut propterea erit accipiendus qui euasit , & conualescens dicitur . *Cibum* autem *Assumere* , licet explicetur à Galen. per comedere cum appetitu usque ad facietatem ad modum sanorum . Ego libentius accipio ipsum comedere solida , ad differentiam ipsius comedere nihil , aut potulenta , aut forbilia , quod usurpabatur antiquitus in morbis acutis , prout in prima Sectione uisum est . Solida etenim alimenta , cibum ; liquida vero potum appellabat etiam Hipp. ut patebit clarius in Aph. xi. sequente . *Corroborari* autem , cum sit acquirere pristinum robur virium , viresque consistant in substantia corporis nutrita ; quæ dum perditæ est , recuperatur ex alimentis , mediante nutritione ; erit ipsum rescitum , ac renutritum .

Erit itaq; conclusio huius Aph , quod qui conualescens adiuerit usum alimentorum solidorum , quæ sanis usualia sunt , & inde non recuperauerit pristinam corporis crassitiam , & cum ea pristinas vires , hoc significabit eum uti pluri alimento , quam conficere possit : qui vero steterit sine alimento solido , ac perseuerauerit in forbili , aut potulento

tulento, neque propterea, etsi liberatus à morbo se referit, signum est, quod habet adhuc materiam malam intra corpus, unde eget euacuatione.

Et ratio primi dicti est: quoniam cum non fiat sufficiens refectio in corpore sano, illud sequi debet, aut ex defectu alimenti, aut ex non sequuta eius coctione. At in casu assumentis cibum non deficit alimentum: unde debet esse ex non sequuta eius coctione: hæc autem non sequitur, aut quia virtus concoctiua deficit, aut quoniam alimentum nō potest ab illa confici, quia malum, aut nimium. Sed in cōualefcente virtus non deficit, quinimo crescere debet, nec alimentum est malum, quia est de genere cibi, hoc est, eius quod solet confici; unde restat, quod sit ex illo nimio. Ratio secundi dicti est. Nā in casu nō assumentis, nō potest esse defectus refactionis à cibi vitio: erit ergo à virtute. Hæc autem deficit, quando partes primæ, ei seruientes, non egent, & sunt repletæ materia nimia, aut mala: in quibus casibus conuenit euacuatio.

Dubium tamen accidit, quomodo potest aliquis esse liberatus à morbo, & egere euacuatione. Cui dubitationi Responso est, quod eget, ne recadat ex causa antecedente relicta, ut dicetur in Aph. x. & in xii.

APHOR. IX.

Corpora cum quispiam purgare voluerit, oportet fluida facere.

QUod Purgare sit ducere de corpore materiam inutilem, & alieni generis, à qua corpora reddebantur impura, & præsertim humorosam, dictum est in Aph. ii. Primæ Sect. *Fluidi* modo nomen dicitur proprie de

de materia, quæ adeo humida sit humiditate aquea, ut nō possit consistere loco. In quo sensu aqua, vinū, & quodāmodo lac sunt materię fluidæ, & humores omnes nostri corporis, ut propterea fuerint definiti ab Auicēna in Prima Primi quod sint corpora humida, fluida. Et dicitur (licet improprie) fluidi nomē etiā de corporibus unde effluit materia aliqua de propositis, ita dolium vino plenum dicitur fluidum, dum ex eo perforato vinum fluit, & corpus nostrum fluidum, dum ab illo humor exit, aut exire potest.

Conclusio itaque antiquitus ex hoc Aph. deducebatur, quod cum quispiam vellet de corporibus educere materias alienas, debebat corpora aperire secundum eas vias, per quas erat educturus illas, & materiæ motum inchoare: quod faciebant antiqui, qui volentes purgare per aluum, præmissa inedia cogeant naturam inanire vias stercoreum nulla ad ipsa suppeditata de nouo materia, mox clistere securata intestinorum inanitione, tandem alimentis iurulentis, ac dulcibus aluum lubricabant: tunc enim inclinatione ad aluum facta, facilius sequebatur à pharmaco deiectione. Gal. autem in isto cōmentario, hoc fluida facere nō intelligit de sola apertione viarum & inclinatione naturę, sed & de præparatione humorum, qui aliquando sunt adeo crassi, aut lenti, aut viscosi, quod fluere nō possint, ut propterea, & ipsi debent reddi fluidi attenuantibus, aut incidentibus, aut detergentibus; & aliquando sunt adeo tenues, ut effument potius quam fluitent, ut propterea debeant tunc incrassari, ut ad fluorem redigantur.

Quæ etsi vera sint, ac utilia in arte, ego tamen censeo Hipp. intellexisse de corporibus ipsis aperiendis, quibus e locis debet exire materia. Nam adiungit illud verbum fluidi ipsis corporibus, prout declarat in Aph. lxxiv. Lib. Septimi, dum huic eidem ibi repetitæ conclusioni adiun-

git: *Et si supra, sistere aluum; si vero infra, humectare: quæ verba dirriguntur ad corpora ipsa, non ad humores. Hoc quæ magis accipio. nam raro humores sunt adeo crassi, viscidi & lenti, ut medicamento aperiente suo calore venas, & inde ex consequenti eos attenuante eiici non possint.*

APHOR. X.

Non pura corpora quanto plus nutries, tanto magis ledes.

IAm patet ex præcedente *Non pura corpora* esse quæ habent intra se aliquid alienū, & præsertim dici talia, quæ continēt humores ineptos nutritioni aut alteri operationi naturæ. Hi autē coaceruantur in corporibus, aut quia ab externis accidentibus distemperantur ipsa, quæ postea distemperata corrumpunt humores bonos in malos. Sic accidens tempore, aut tempestate in ambiente calor accenso corpore urit sanguinē, & de illo facit bilem, prout ira, aut factum nimium exercitium. E contrario vero adueniens frigus, tranquillitas, & otiositas refrigerato corpore recrudat sanguinem, & illū vertit in pituitam. Et coaceruantur mali humores, quia esculenta resistunt facultati nutritivæ, unde nequeunt omnino perducī ad bonum succū, & sanguinem, sed aliqua ex parte vertuntur in vitiosos humores, ut sunt olera, fructus, pisces, quædam etiam carnes, præcipue salitæ, aromata, & miscellanea. Hique pravi humores, afficiendo postea partes viuentes, suis qualitatibus inficiunt, & distemperant saltem corpora, licet & obstructions malaque alia conformationis aliquando etiā producant, unde semper corpora impura, propter humores præsertim, sunt saltem intemperata.

Nutrire autem proprie dicitur de opere facultatis primæ viuentis corporis. Anima enim est proprie illa quæ nutrit, dum assumpta transmutat in corpus sibi subiectum; improprie tamen: sed usualiter dicitur nutrire etiam qui porrigit corpori nutriendo materiam nutritionis, esculenta scilicet, & in hoc sensu acipitur nunc ab Hipp.

Conclusio eius itaque est, ad medicū aut affidentes directa, quod corporibus habentibus in se humores malos, quo plus cibi dederit, plus lædet.

Ratio autem est, quia talia corpora sunt saltem intemperata, unde agendo in cibos, non ad bonos, sed ad intemperatos malosque humores multum eorum deducunt: & ita si mali humores primi lædebant, adaucti & multiplicati magis lædent. Erit salubre consultum, quod antiquitus usurpabatur, in etiam male dispositis, aut ægrotantibus ex impuritate, minus dare de cibo.

Dignoscantur autem corpora non pura, quia mutata

in qualitatibus coloris, crassitie, in excrementis,

ut monet Hip. in Aph. xv, præsertim autem

in operationibus, appetitus, conco-

ctionis, somni, & roboris: ple-

raque enim, aut laxitudines

spontaneas incurrunt,

aut non possunt

corroborari.

& ad

summum aliter se habent, quam

habere consueuerunt.

APHOR. XI.

Facilius est impleri potu, quam cibo.

Impleri est perdere vacuitates. Hinc impleri cibo, aut potu, est perdere vacuitates, quæ contingunt in animalibus. Hæ autem contingunt ex resolutione iugi substantiæ eorum pluries proposita, quæ sequitur ex actione caloris viuentium in operationibus vitæ. Quæ vacuitates non modo contingunt sensibiles, & magnæ, ut quæ in ventre sequuntur, sed parvæ & insensibiles, per substantiam totam partium viuentis: ut propterea, cum impleri sit via ad nutritionem, accipiatur nunc cum Gal. pro ipso nutriri. *Cibus* autem est sine dubio alimentum, sed dicitur, quod solidum est; *Potus* autem licet aliquis videatur non nutrire, ut ex simplici aqua, attamen nunc accipitur ab Hipp. pro nutritiuo, sed liquido.

Est ergo conclusio quod nutritio sequitur facilius ex alimento liquido, quam ex solido.

Et ratio est, quia ut illa fiat, debet alimentum perducere ad partem nutriendam. Facilius autem perducitur liquidum, quam solidum, quia illud habet substantiam tenuiorem, istud crassiorem: & ut fiat nutritio, debet alimentum transmutari à calore viuentis de substantia sua; magis autem transmutabilis est substantia liquida propter humiditatem abundantem, quoniam humidum est facile passuum, quam solida propter minorem humiditatem.

Observandum tamen, quod sicut liquida propter faciliorem passionem, facilius conuertuntur in nostram substantiam, & inde citius nutriunt. ita quoniam nostra substantia viuens solida est, cum parum habeant solidi, minus nutriunt,

triunt, & facilius nutritionem illatam perdunt. Cito enim, & facile etiam resoluuntur in halitum. Solida è conuerso, sicut sero, & cum difficultate, maiore scilicet requisita caloris actione pro sua transmutatione, nutriunt: ita serius resoluuntur, & magis durant; & quoniam nostra substantia solida est, secundum plures partes conuersa in ipsam, magis nutriunt.

Ex quo accipitur consultum, quod in morbis acutis, qui sunt breui tempore duraturi, conueniunt alimenta potius liquida, in longis vero potius solida.

APHOR. XII.

Quæ relinquuntur in morbis post indicationem, recidivas facere consueverunt.

SI *Indicatio* est quædam morbi terminatio, prout dictum est; illa quæ dicuntur ab Hip. nunc, *Relinqui in morbis* post eam debent certo esse quædam mala & morbosa. Non tamen morbi ipsi, quia restitisse dicuntur post eorum terminationem: nec symptomata, nam ea vadunt cum morbo, unde non possunt persistere illo finito: nec causæ immediate coniunctæ, quia illæ se habent inseparabiles à morbo, ut ille non possit esse finitus, si & ipsæ finem non habuerint: nec causæ primitiæ, quia illæ initiant actualem morbum, & præcedunt, ut non possint remanere post illum. Vnde à sufficienti malorum enumeratione, debent esse causæ antecedentes, malæ scilicet dispositiones, sed leues, neque cuiuscumque sensibiles, & propterea non inferentes actualem & sensibilem lésionem aliquam operationû, quales erunt leues intemperies sine materia, aut cum illa, uti impuritates corporum propositæ, leues obstructions, aliæque malæ confirmationes, aut continui itidem leues so-

solutiones. *Recidiva* autem est reditus morbi, aut morbus, productus partim ab errore externo causaque primitiva noua, & partim à causa aliqua antecedente prioris. Hinc differt ab accessione seu paroxysmo, quod hæc sine ulla noua & primitiua causa sequitur. Recidiva vero semper habet causam primitiuam, quæ aliquando est manifesta, sicut error ægrotantis in cibo, aut potu, aut alio sibi voluntario actu, aliquando est occulta, ut passio animi non obseruata, & quandoque est maxime occulta, ut mutatus aer ambiens tempore, aut tempestate, quam medicus videre nequit. Ex qua combinatione causæ veteris antecedentis, & nouæ primitivæ, secundum quod præualet illa, aut ista, sequitur varietas recidivæ; si enim plus valet quæ remansit causa, reciduat morbus eiusdem speciei; & si parum causæ istius est consumptum, & multum etiam noui superadditur, reciduat idem, & ad peius; si vero mediocri quid veteris remansit leui aut mediocri accedente nouo reciduat idem, & ad eandem magnitudinem; quod si plus valet noua causa, multumque mansit de vetere, morbus in recidiva mutat speciem & ad peius; si vero debilis mansit antiqua, reciduat alius quidem, sed ad melius.

Est itaque conclusio Aph. quod quæ leues corporis intemperies cum materia, aut sine, quæque leues malæ conformationes, quælibetque leues unionis solutiones, relictæ in corporibus post morbi euidentem terminationem, solent reducere morbos, aut generis eiusdem, aut alterius, aut peiores, aut meliores, aut æque malitiei.

Et ratio est citata, quoniã ista leuia mala relictæ, suscepto adiumento ab errore externo euitabili, ut qui cadit à volūte ægri & affidentiū, aut ineuitabili, uti qui uenit ab aere, & eius cōstitutione, debet ulterius posse, & ita ad sensibilem operationum læsionem corpus perducere. Hinc accipia-

piatur salubre documentum in arte, quod in conualeſcē-
tibus, qui non reducuntur facile ad ultimam operationū
perfectionem, tales enim sunt in quibus relictum est ali-
quid mali post finem morbi, corrigatur intemperies, aut e-
uacuetur materia, aut uniatur solutio, iuxta quod appare-
bit hoc, vel illud genus mali in corpore relictum.

APHOR. XIII.

*Quibuscumque crisis, idest iudicatio fit, his nox gravis ante ac-
cessionem. Quæ vero subsequitur, magna ex parte leuior existit.*

Nihil est in litera, quod non pateat ex supradictis. Est
enim κρίσις, seu *Iudicatio*, repentina morbi materia-
lis terminatio: & *Accessio* est tempus peius ægritudinum pe-
riodicarum, seu circuentium. *Graue* etiā dicitur apud me-
dicos, quod difficulter tolleratur, quia molestat, & offi-
cit, sicut *Leuius* frequenter, prout nunc accipitur, pro mi-
nus molesto.

Vnde conclusio est, quod quibuscumque est cessurus de-
repente morbus materialis, nox quæ præcedit illius termi-
nationis insultum, est molesta: quæ vero succedit à termi-
natione, plerumque est alleuiata. Molestia autem ista no-
ctis, maxime communis & prima est vigilia, & inquietudo,
aliquando vero perturbatio ventriculi, nausea, & cardial-
gia, dolor capitis, alienatio mentis, spasmus quandoque,
aliaque secundum morbi qui iudicatur situm, & conditio-
nem.

Et ratio est: quia nō potest materia morbifica abscede-
re de partibus nobilibus internis ad aliquam ignobilem ex-
ternam repente, ut accidit in iudicatione imperfecta, &
tanto minus à toto corpore, cum euacuatione, prout con-
tingit

tingit in crisi perfecta, ni primo fit secreta à bono humore; nec potest secerni, nisi à calore mota, & agitata, ex qua agitatione sequitur corporis inquietudo, insomnietas, & si mouebitur circa ventriculum pro vomitu, dolor oris eius, & nausea; si ad intestina, perturbatio ventris; si ad principium sensitium, alienatio: si in neruofum genus, spasmus; & si alio, alia accidentia. Hinc tempus præcedens debet esse molestum, subsequens vero alleuiatum, quia materia morbifica aut secreta est à toto, ut nuli bi officiat, aut saltem à partibus principibus adeo, ut officiat solum alicui ignobili, & raro lésione considerabili, aliquando tamen non leui dū excitat dolorem magnum in parotidibus, aut tormina, & excoriationes in intestinis, si illac processit. Et propter hanc aliquando subsequente molestiam dixit Hipp. sequentem noctem esse alleuiatam plerumq; , & male Gal. hoc refert ad crises malas, nam ille finiuntur ad mortem, unde nulla subsequitur illis nox quæ possit esse alleuiata.

Et male adhuc Gal. dicit Hipp. fecisse mentionem solius noctis & non diei, quoniam molestia præcedens crisin fit obseruabilis in sola nocte, tanquam in tempore magis tranquillo. Ego enim censeo notatam grauitatem solius noctis, quia præparatio proposita ad crisin sequatur plerumque in nocte, nam fit à calore concoquente, qui magis viget noctu, quam interdiu, cum noctu à refrigerato ambiente calor concludatur ad intra, ut declaratum est in Aphor. xv. Primæ Sect.

APHOR. XIV.

In profluuiis alui mutationes excrementorum iuuant, nisi ad mala fiat mutatio.

Profluvia alui sunt excretionēs ex illa, sed fluidæ, & propterea humorosæ, vel saltem succosæ, diarrhœæ à Græcis dictæ. Hinc fit excepta dysenteria, in qua propriæ quæ veniunt ex aluo non profluunt. Materiæ autem istæ, seu excrementa ista, quæ profluunt possunt, in profluuiis mutari secundum fluorem ipsum de maiore ad minorem, dum aluus incipiet contrahi; & possunt mutari de specie ad speciem, exempli gratia de bile ad pituitam.

Mala autem dicuntur excrementa, quando sunt substantiæ, quæ non debet excerni, sed retineri tanquam utilis alicui operi naturæ, uti est chylus, futurum commune alimentum, uti sanguinis, & uti substantia partium, quæ aliquando abrafa, quandoque colliquata, ex aluo fecernitur. Malaque etiam dicuntur, quando sine manifesta ratione sui tamen fuerint obseruata semper exeuntia habuisse finem malum, quoniam important aliquam pessimam corporis dispositionem sui causam, ut obseruat Hip. de atra bile.

Est ergo conclusio, quod iuuabit si fluens aluus contrahatur humoresque qui inde exhibant incrassentur, aut mutantur ad alterum, dummodo non mutantur ad sanguinem, chylū, melancholiam, colliquamentum, aut substantiæ viuētis particulas.

Ratio autem est. Nam mutatum excrementum significat iam perfectam esse eius, qui primo fluebat, excretionē, & ita, cum sequatur excretio alterius, quem eiici bonum sit, significatur facta, & fieri exquisitior ab excrementis purificatio: quæ melior est integra, quam imperfecta.

Nec bene dubitant de veritate huius conclusionis, qui inducunt Hipp. damnantem excrementa variegata. Nam illa sunt varia cōmixta, & in una deiectione excreta, nunc est sermo de variis successionē, nō eodem tempore talibus. Illa enim sunt mala, quoniam important maximam inqui-

nationem, sicut paulo minus mala sunt, quæ durant sincera, quia important magnam unius materiæ abundantiam, aut magnam intemperiem, quæ non cesset ab eius materiæ generatione.

APHOR. XV.

Vbi fauces agrotant, aut tubercula nascuntur in corpore, excretionibus inspicere oportet. Nam si biliosa fuerint, corpus una agrotat; si uero similes sanis, tutum est corpus nutrire.

SVnt *Fauces* partes destinatæ articulationi vocis, unde forsan dicuntur à fando, seruiunt tamen etiam deglutioni, & circumscribuntur ore, palato, dentibus, gingiuis, epiglottæ stomachi principio. Iste autem agrotare possunt quolibet morbi genere ab interno, & externo; per se solæ, & cum reliquo corpore. Sed nunc considerantur agrotare iis ægritudinibus tantum, quæ possunt esse per se, & non necessario simul cum agrotante corpore. Nam Hip. quærit, an agrotantibus iis agrotet totum corpus, necne; propterea non bene audiunt, qui hoc loco inducunt etiam anginas. quoniam anginæ morbi acutissimi cum febre maxima nunquam possunt inueniri, corpore reliquo sano. Ægritudines ergo faucium sunt accipiendæ, quæ plerumque iis contingunt, modoque sine corporis reliqui ulla ægritudine, modo cum illa, ut sunt asperitates, tubercula, ulcuscula, quæ aphthæ à Græcis dicuntur. *Tubercula* modo seu pustulæ sunt exiguæ eminentiæ per ambitum corporis irrumpentes ad modum scabiei, aut furunculorum, ex aliquo humore male illic recepto, aut corrupto. *Excretionis* nomen autem, licet commune omnibus euacuationibus, est tamen accipiendum præsertim de iis, quæ principi-

cipaliores sunt, & quæ facilius possunt obseruari, cum dicat Hip. eas esse inspiciendas. Sunt autem istæ urinæ quidē, sed magis alui egestiones. *Biliofi* vero nomen importat proprie aliquid, quod sit bile hoc est humore excrementoso liquido & flauo infectum: improprie autem & nunc omnes liquidas flauasque egestiones. nam iis tanquam oppositas proponit Hipp. in tex. eas quæ sunt similes sanis. Sanæ autem egestiones, ut docet in Secundo Lib. Prognost. tex. XIII. sunt molles & figuratæ; ut propterea istæ biliosæ propositæ erunt quæcumque venient liquidæ & fluidæ.

Hinc colligitur Hippo. proponere inspiciendas esse præfertim egestiones in casu duplici: unde & duplicem colligit conclusionem. Casus primus est faucium exasperatarum, aut superficialiter apostematarum, aut ulceratarum. Casus secundus est exiguorum tumorum aut asperitatum in ambitu corporis apparentium. Conclusio est, quod si in alterutro egestiones erunt molles & figuratæ quales sanorum sunt, corpus reliquum non ægrotabit, & per consequens tutum erit ei porrigere alimenta; si vero fuerint flauæ & fluidæ, quales sunt biliosæ, corpus & reliquum ægrotabit, atque inde non erit tutum dare alimenta.

Ratio qua proponat Hipp. inspiciendas egestiones in propositis leuibus ægritudinibus faucium, aut cutis, est, ut inde pateat, an ægritudo illa sit per se, & principalis, an vero per consensum, & dependentiam à malo statu reliqui corporis. Nam si per se & sine malo profundiore, tutum est corpus nutrire: si vero ex affectione mala profundi, non erit tuta nutritio, ex monito in Aph. x. Ex quo apparet, quātius fuerit abstinentia apud Hipp. qui nunc supponit eam adhibendam in casibus omnibus quibus corpora intima ægrotant à materia.

APHOR. XVI.

Vbi fames, laborandum non est.

NOmen *Famis* ab Hipp. etiam hic sicut dictum est in Aph. iv. assumitur quatenus importat suam causam; est autem illa resolutio substantiæ, cum indigentia, & penuria alimenti, ex quo fiat refectio.

Præcipit ergo in Aph. isto, quod quotiescunque deficiet materia nutritioni, aut sponte, aut vi, non est laborandum. Et ratio est, quia labor resoluit magis substantiam, inducitque maiorem indigentiam.

Et licet Aph. iste sit directus ad sanos, qui plerūq; possunt famefcere ex indigentia, ut annonę caritate populari, quos propterea consulit bene Hip. nō laborare, ut nō soluti à labore diutius possint aduersus penuriam constare. Tamen cum contrariorum contrariæ eliciantur rationes, potest educi utilius præceptum ad ægros: vbi scilicet non est fames per nimiam alimenti præsentiam, laborandum esse.

APHOR. XVII.

Vbi cibus propter naturam plus ingestus est, hic morbum facit: ostendit autem sanatio.

INgestus dicitur *Cibus plus præter naturam*, quando est ultra necessitatem nutritiuam, & possibilitatem concoctiuam: unde aut non potest concoqui ad bonum succum in uentre; aut ad bonum humorem in venis; aut concoctū ad utrumque bene, superfluit à partibus nutritis. His enim modis sua quantitate excedit opera, ad quæ à natura nostra

stra est destinatus. *Facere* autem dicitur *Morbum*, dum est causa aliquando coniuncta, sed frequentius antecedens, seu disponens ad morbos. Nimius enim nihil adhuc coctus: nisi nimiam ventris extensionem facere immediate potest, quæ etsi morbus sit in genere malæ conformationis receptaculorum, est tamen levis, & parum durat, dum ventrem solum distendit, atque exit breui tempore ab illo. Corruptus autem aliquando effumat ad cor, & facit febrem ephemeram à nauseatiua satietate dictam, frequentius distendit cum dolore intestina, & facit diarrhœam; coctus autem, si non exugitur intra venas, facit similem diarrhœam: & si exugitur, nimis implendo illas, & hepar, facit inflationem, qualis dicta est ventriculi, tuncque aut recoquitur ad bonum sanguinem, aut non; si non, grauat & obstruit capita venarum sua crassitie, unde nascuntur putredines humorum, & febres, & extinctio caloris, inde mali habitus, & hydropes. Si vero perducitur ad bonum sanguinem, ille nimius extendens venas, facit aliquando eas crepare, aut irrumpit in aliquod viscus, & facit apostema internum; aut in ambitum corporis, & infert apostemata cutanea, magna, aut parua; & si non erumpit, obstruit quantitate sua, & inde extinguit calorem, unde mali habitus adhuc, & hydropes. Quod si hæc non præstat, sed hauritur à partibus nutriendis, tunc superfluens à nutritione adhuc eadem proposita præstat. *Ostendit* autem veritatem *Sanatio*, quæ cum fiat adiectione, aut ablatione (nam omnis medicina est, aut adiectione, aut ablatio) debent esse morbi, in quibus conueniat ablatio: non conuenit autem, nisi ubi sit repletio; & hæc esse non potest nisi à cibo pluri: nihil .n. aliud replet quàm cibus. Fit autem oblatio vomitu, qui conuenit in casu, quo offendat cibus in primo receptaculo: deiectione etiã quãdo suppetit

fit materia intra intestina, & primas venas; phlebotomia, in casu abundantiae intra venas magnas: Icarificatione, in casu abundantiae intra venas ultimas: sic & sudore, ac frictione; exercitio demum, & inedia, in casu cuiusvis abundantiae à nimio cibo.

Sic Hipp. aduersus vulgum, qui cum videat alimenta reducere vires, credit ad eas multiplicandas plurificanda esse illa, admonet, quod nimius cibus officit. Et hoc probat, nã remedium aliquod est euacuatio sensibilis per aluum, aut venas apertas; insensibilis, per exercitium aut inediam.

Ratio autem à priori est: quoniam virtus nutritiua est finita specie. unde homines non possunt conuertere esculenta, quanta conficiunt maiora animalia. Est etiam finita indiuiduo. unde unusquisq; potest conuertere sibi propriam alimenti quantitatem, ut quod ultra hanc erit ingestum, nō nutriat, & inde extet tanquam onus graue, & morbosum. Dignoscuntur autem ingesta esse plura præter naturam, primo ex inducta grauitate ventris, mox ex difficili virium refectione. Possunt autem ingeri plura, quoniam facultas appetitiua sit adaucta, ex varietate esculentorum, aut assuetudine, etiam si reliquum corpus sit, & videatur integrum, & in aliis operationibus bene habere.

APHOR. XVIII.

Eorum quæ uniuersum, & velociter nutriunt, veloces quoque sunt excretiones.

TOta intelligentia huius Aph. consistit in vocabulo illo *Vniuersum*, & illo, *Excretiones*, quorum amborum duæ possunt esse intelligentiæ, quæ etiã proponuntur à Gal. in isto commentario. Vna vocabuli *Vniuersum* seu *Vniuersim*,
ut

ut alii legunt, est totius scilicet eius, quod in esculento aliquo est boni exhibitio pro refectione: ut illa sint velociter nutrientia uniuersim, quæ breui tempore dant corpori alendo totum quod boni habent pro alitura. Altera intelligentia est, omnium corporis partium, scilicet uniuersi corporis, ut uelociter nutrientia uniuersim sint ea quæ breui tempore penetrant, nō modo primas, sed successiue omnes corporis partes, præstando in singulis nutritionem. Sic vocabuli *Excretionis* una intelligentia est, euacuatio, quæ venit ex aluo: ut nutrientium dicantur fieri citæ excretiones, quorum quod stercoreosum est, cito segregatur, & ex aluo secernitur. Altera vero intelligentia est, resolutio, aut excretio ultima insensibilis, quæ accidit omnium nutrimentorum. Illa enim cum fuerint transmutata in substantiam corporis viuentem, cum & illa substantia spatio temporis resoluatur, dicentur & ipsa sub illius substantiæ forma resolui.

Sic duplex accipitur conclusio. Prima est: quod esculenta, quæ breui tēpore dant nutriendo corpori totum, quod habent nutritiui, breui etiam tempore habent eiecta sua excrementa, qualia sunt præcipue, quæ veniunt ex aluo.

Secunda est, quod quæ esculenta cito conuertuntur in substantiam viuentem, cito etiam cum resolutione insensibili, quæ sequitur substantiarum omnium viuentium, & ipsa resoluta videntur excerni. Ex quibus intelligentiis Gal. recipit primam, non quia secunda vera non sit, sed quia nomen illud excretionis videtur ei magis significare egestionem alui, quam insensibiles resolutiones. Ego tamen, licet & ipse verum esse cognoscam, quod quæ cito nutriunt, cito etiam reddunt excrementa; cū nutritio nō possit sequi, nisi secreto bono à malo, illoque appposito, & isto reiecto, cum vocabulum illud uniuersum mihi

magis declarare videtur uniuersitatem nutriendi corporis scilicet ad quam referuntur ista, quæ dicuntur nutriri; probo magis secundam intelligentiam, & conclusionem.

Nec me terret, quod deteruit Gal. Nam verbum excretionis, non magis hanc, quam illâ euacuationem significat, sed, dum appositum est vocabulo eorum quæ nutriunt, debet intelligi & illorum sub ea forma proprie, qua nutriunt, & non secundum illam, qua nutriunt ac transeunt in excrementa.

APHOR. XIX.

Acutorum morborum non omnino sunt certæ prænunciationes salutis aut mortis.

SVnt *Morbi acuti*, ut alibi dictum est, breues, & vehementes; breues quia læsiones partium principalium, maximeque vitalium, quæ longo tempore non possunt tolerare offensas. Ita qui recensentur ab Hipp. tex. viii. Lib. Primi de ratione victus, in acutis sunt singuli partium principalium. Phrenitis enim & Lethargus aut septi transuersi, aut cerebri sunt creditæ affectiones: Pleuritis vero, & Peripneumoniâ, membranæ internæ pectoris, ipsorumque pulmonum. Febris ardens cordis ipsius extrema caliditas, aliique, si qui sunt qui febres prorsus continuas habent, maxime afficiunt cor. Vehementes etiam sunt: quia causa eorum non est simplex qualitas ab externo sensim participata, quæ non nisi longo tempore participari, & remoueri possit, sed est materia ingruens, furiosa, & mobilis apostema aliquod faciens. Ita Phrenitis, & Lethargus, creduntur aliqua apostemata, sicut euidentius Pleuritis, & Peripneumonia: & si Febris ardens non est apostema cordis, est

est tamē excessiuus calor à mala materia biliosa, ei propinqua. Ex hac ergo breuitate suę durationis non habet medicus tempus sufficiens cognitioni ultimi gradus virtutis ægri, & materiæ morbificę: unde non potest cum ratione solida coniectare de pręsentibus futura, prout requiritur in pręuisione & prędictione. Et accedit, quod cū morbi acuti accidant ex materia ingruente in partē principem, sicut illa repente mota est ad eam, unde intulit morbum subitum & vehementem, ita repente potest remota reduci alio, aut ad extra corpus, & inde iudicatione perfectā, ac salubri morbum tollere, aut ad aliam partem ignobilem iudicatione imperfectā morbum leuare, aut è conuerso in partem nobiliorem grauare & occidere. Hinc concludit Hipp. medicum nō posse pręsagire omnino certam salutem, aut mortem ægrotantium in morbis acutis.

Dubitat Gal. propter appoplexiam. Nam Hipp. de ipsa quę fortis est, prędicit certam mortem, & soluit dubitationem dicens hanc incertitudinem non esse omnium generum acutorum, ut propterea dixerit Hipp. *Non omnino.*

Sed hæc resolutio non arridet. quia illud, *Non omnino*, non excipit species acutorum, sed indiuidua acutis affecta. Nam pręuisione, & prędictio futurę salutis & mortis, est de illo, qui afficitur morbo & finiturus est ad hanc, aut ad illā.

Propterea ego potius censeo, apoplexiam non esse de acutis. Nam Hipp. in serie acutorum proposita illam non enumerauit: & quia acuti sunt ex affecta parte quidē princeps, sed à materia furiosa, mobili, & calida, ut dicunt medici nostrates: apoplexia autem licet afficiat partem maxime principem, unde lædit adeo operationes, ut in ea dubium sit de vita, est tamen à materia crassa, & propterea irreuocabili, & irresolubili.

APHOR. XX.

Quibus iuuenibus adhuc aluus humecta est, his senescentibus exsiccat. Quibus vero iuuenibus adhuc aluus sicca est, his senescentibus humectatur.

HAbere *Aluos humidas*, est egerere ex aluo quotidie, & pluries in die stercora mollia, ac parū figurata; sicut habere eas siccas, est nō egerere quotidie, & tūc reddere ea nimis compacta, & solida, quod est, esse stypticum, sicut superior conditio est, esse lubricum.

Monet ergo Hip. in hoc Aph. quod qui in iuuentute sunt lubrici, sensu proposito, in senectute fiunt styptici; sicut ē cōuerso, qui iuuenes sunt styptici, in senectute fiunt lubrici. Quæ conclusio tamen, sicut pleræque regulæ eorum, quæ accidunt, verificatur solum in pluribus, non in omnibus: ut propterea Celsus in Lib. primo de re medica cap. iii. eam coarctauit ad plurimos, dum protulit: *quibus iuuenibus fluxit aluus, plerumque in senectute contrahitur, & quibus in adolescentia fuit adstricta, sepe in senectute soluitur.* Et verificatur sed supposita eadē viuendi ratione. Nā mutata in rationē fluidam, aut in rationem siccam, poterit fallere. Sunt enim victus rationes, quibus aluus resoluitur, ut exemplificat Gal. de Aegyptiis zythi potoribus, sicut sunt & stypticae, uti apud thorexomenos. Ratio autem, qua iuuenes fluidi fiant styptici senes, missis illis pluribus nec necessariis quas adducit Gal., est, quia fluidi erāt ex humiditate tēperamēti. Iuuenes enim sunt humidiores, quam sint in alia ætate; & ideo habent etiam humida stercora; in senectute vero quia exsiccat, etiam stercora sua densantur, & ita contrahuntur, ut propterea plurimi senum sint styptici: quia hoc est senilis temperamenti sicci proprium. Ratio qua aliqui
ado-

adolescentes habeant aluos ficas est, quia sunt ex indiuidualitate sua ficiores. hinc tales sunt semper macri & extenuati, sicut è conuerso fluidi sunt pingues. His autem aluus soluitur in senectute, quia cum creuerit ficitas temperamenti in senectute istorum, reducta est ad talè excessum, qui inducet caloris inopiam, ex qua sequuntur cruditates, non modo humorum unde in iis multiplicantur catarrhi, & euadunt temperamenti humidi humiditate accidentali; verum & cruditates esculentorum, ex quibus oriuntur lubricitates eorum, & pluries soluuntur. Quæ conclusio, nihil aliud habet utilius in arte, quam declarare imbecillitatem senum fluidorum, & robur stypticorum. Dubitatur autem, cur dicat absolute iuuenes lubricos senescere stypticos, cū in Aph. LIII. dicat, hoc sequi magna ex parte. Sed responsio est, quod id quod dicitur sequi plerumque, aliquando dicitur sequi absolute.

APHOR. XXI.

Famem thorexix, idest vini potio, soluit.

Est *Fames* naturalis, ut alias dictum est, appetitus alimenti solidi calidi, & ficci sequutus ex resolutione, & inanitione, quæ procedit iugiter in corpore, & tali assumpto sedatur. At illa contingit aliquando morbosa, inexplibilis, & canina à quibusdam vocata, & creditur ex intemperie frigidioris ventriculi, aut humore acido, intra ipsius orificium supernum, absorpto. *Thorexix* autem accipitur, sic probante etiam Gal., pro potione vini, cum Hip. thorexomenos proponat, tanquam diuersos ab hydropotis; adeo ut sicut isti sunt aquæ potiores, illi sint vini.

Conclusio ergo Aph. est, quod vini potus tollit famem;

cuius Antiqui expositores ante Gal., qui per famē intelligebāt eā sanā, & naturalē, forsan reddebant rationē, quia in vino ad defferentiam aquæ sunt partes nutritiæ: unde si fames soluitur oblatis iis, quæ nutriunt, etiam vino solui potest. Quod voluit monere Hipp. ut monstraret, differentiam inter duo, maxime usurpata potus genera, quorum scilicet maxime commune est aquæ, aliud vero est ista thorexis. Qui etenim aquæ est, non nutrit, & ideo famem non soluit, sed potius auget: qui vero vini est nutrit, & propterea famem soluit. Et hoc verificatur quotidiano casu. Nam qui potant aquam, plura comedunt, quam, qui vinum; & qui meracius illud, minus comedunt, quam qui dilutum.

Iurat tamen Gal. per Iouem, Hipp. non de fame naturali sed de canina habere Aph., & quod de canina arguit, quia vinum præsertim dulce est remedium eius, cuius meracioris abundantiori potu affirmat sanasse plures morbosas fames. Et quod non intellexerit de fame naturali, arguit Gal. primo ex eo, quod vinum sedat famam morbosam: unde non videtur posse sedare naturalem. Secundo ex eo, quod si famelici sani potent vinum in ieiunio, nullatenus iuantur, quinimo læduntur, incidentes in deliria ebriosa, & in spasmos.

Ego tamen, licet credam Galeno vini potum esse remedium famis morbosæ, tamen quia non credo Hipp. in Aph. profequi remedia particularia morborum particularium: & quia si profequeretur illa, debuisset proponere, primum & summe validum istius casus. hoc autem non est vini potus, sed potius olei. Cōuenio cum antiquis, quod voluerit Hipp. famē naturalem, tantoq; magis, quod uomina rerum, quando non est sequuta specifica declaratio, sunt assumenda in communiori significatione, & demum quoniam Hipp. ha-

ctenus

atenus in iv. & in xvi. istud nomen sumsit significatium
 famis sanæ. Nec valet dicere, quod vinum est remedium
 morbosæ: ergo non conuenit sanæ, quia potest esse reme-
 dium morbosæ, & est apud Gal. quatenus calefacit; potest
 modo esse, sicut est, sanæ extrinsectiuū, quatenus nutrit. Et
 si lædit ieiunos, inducendo deliria, & conuulsiones, illud
 est ex accidente. Nam vinum potum solum confertim per-
 ueniens ad principium agitatur illud: unne delirium sequi-
 tur sicut dictum est in Aph. ii. & inflat unde contrahuntur
 nerui, & fit spasmus, ut dicetur Aph. xxvi.

APHOR. XXII.

*Quicunque morbi ex repletionem fiunt, curat euacuatio. Et quicun-
 que ex euacuatione, repletio, & aliorum contrarietas.*

Est *Repletio* de qua Hip. nūc, perditio vacui, quale prius
 erat in cavitatibus, vasis, aut ductibus corporis nostri
 ex præsetia materiæ alicuius præsertim humorosæ siue mo-
 do attédatur in omnibus, siue in plurib⁹, siue in unico loco.
 Hæc autē est duplex; una moderata, quæ est bona, & potius
 remediū morborum, ut dicetur: altera excedens terminos
 naturæ, à qua morbi veniunt. Et ista adhuc est duplex: alia
 materiæ bonæ ac nutritiæ, quæ dicitur in scholis ad vasa,
 nā præcipua & euidentior est: quia natura tollerat magis
 sine morbo abundantiam boni, quā paucitatem mali: alia ve-
 ro est materiæ male, ineptæ operibus naturæ, quæ vocatur
 ad vires; quia cum ex ea non sequatur nutritio, vires lan-
 guent. Sic *Euacuatio* est inductio vacui in locis corporis
 propositis, siue omnibus, siue pluribus, seu vnico: quæ se-
 quitur ad exitum seu priuationem materiæ, præsertim hu-
 morosæ, ut dictum est. *Curare* autem est idem ac tollere
 quod lædit; licet dicatur proprie de ablatione eius quod of-
 ficat sanitati.

Est

Est itaque conclusio : quodeductio materiæ de corpore tollit morbos, qui veniunt à materia corporis cavitates requisitas obsidente. Et quod inductio materiæ quæ deficit corpori tollit morbos, qui veniunt ex illius defectu : Et quod alios morbos tollit contrarietas, seu operatio contrarii. Facit autem repletio morbos, quia ponit materiã præter naturam in corpore, quæ est postea causa coniuncta aliquorum morborum, & antecedens plurium. Sic materia replens facit immediate morbum malæ conformationis, & disponit ad solutionem continuitatis, & ad intemperies. Facit etiam euacuatio primo & immediate morbos malæ conformationis, mox mediate alios ; & de his quos facit mediate repletio, & euacuatio, præsertim intelligit Hipp. Quod colligitur ex eo, quod dicit morbos qui fiunt, nō autem, qui facti sunt. Ex quo Aph. accipitur primū principium artificiale in medicina, quod contraria cōtrariis curantur.

Cuius ratio est proposita in Aph. vi. Primæ Sect., & est : quod cum ægritudo sit distractio corporis à statu naturæ suæ, aut in conformatione, cuius exemplum est repletio eorum quæ debent esse vacua, & euacuatio eorum quæ debent esse plena, aut in continuitate sua, aut in temperamento, non potest reduci nisi per tractionem in contrarium, & ita morbi tolluntur contrariis.

Dubitatur autem de veritate conclusionis. Nam aqua frigida quandoq; curat ventriculi frigiditatem. Et rhabarbarum aliaque cathartica tollunt febrem, cum tamen illa calefaciant, & febris sit calida intemperies. Sed responsio est : quod etsi aqua sit frigida per se, calefacit tamen per accidens, dum densando substantiam firmat in ea calorem. Sic cathartica, licet primo calefaciāt, posterius refrigerāt, dum per illa ducitur è corpore humor, à quo crescebat corpori calor, & oriebatur febris. Vnde conclusio
de-

debet accipi, quod quę faciunt in contrarium morbis seu sunt contraria in effectu, sunt morborum curatiua, licet hoc faciant aliquando secundario, & per accidens.

APHOR. XXIII.

Acuti morbi in quatuordecim diebus indicantur.

Acuti morbi, qui fuere superius declarati, sunt duplices: quidam simpliciter per se, & propterea semper acuti, quales sunt etiam supra citati in Aph. xix. & in iv. Primi Lib. quidam vero non semper tales, sed à principio, aut in fine non acuti; quos antiqui, & nostrates vocant, per intercidentiam, qui tanto ulterius producuntur, quanto fuerunt sine acutic: & de acutis per se est Aph. iste.

Vnde conclusio erit: quod acuties morborum non pro-
tenditur ultra quatuordecim dies, quin terminetur repēti-
no decubitu, aut euacuatione. Quę conclusio verificatur
in morbis soli naturę remissis. Nam in quibus medicus a-
perta vena, aut soluta aluo, educit materiã, sequitur fre-
quenter resolutio, & terminatio sine euacuatione, aut
decubitu. Sicut talis duratio est accipienda, supposito,
quod eger continens sit, nec multo victu materiam augeat;
nam tunc ultra quatuordecim possunt produci.

Ratio autem uniuersalis breuitatis acutorum est, nimia
eorum violentia, propter lētionem partium principalium.
Particularis modo determinati spatii quatuordecim die-
rum, non alia habetur, quam ex longa medicorum obser-
uatione.

APHOR. XXIV.

Septenorum, quartus est index. Alterius septimana octauus principium. Est autem & undecimus contemplabilis. Ipse enim quartus est alterius septimana. Rursus verò, & decimus septimus contemplabilis; ipse siquidem quartus est à quartodecimo; septimus verò ab undecimo.

SEPTENA possunt dici quæcumque septimo numero gaudent. Sed quæ cauentur ab hominibus sunt anni menses, & dies. Nam septennia forsan superstitiose nimis sunt cauta, ut prioris septimi mensis, septimorumq; vitæ annorū. Nunc tamen per septena intelligendi sunt septimi ægritudinum dies. Nam Hippoc. eos septimanas appellat : & istorum erat in morbis etiam ante Hip. summa cautio, quoniam obseruarunt plerumque, morbos acutos in ipsis determinatis iudicari; vere acutos, in primo, aut secundo; non vere acutos, in subsequenteribus, usque ad quadragesimum diem, eosque propterea κρυσιμους, seu κριτιμους dixerunt, sicut obseruarunt quartos septimanarum dies habere aliquā mutationem morbi, quasi tentamen eius, quæ perficienda erat in septenis, quos propterea ab hac nota Latini indices, & indicatorios dixerunt.

APHOR. XXV.

Aestivæ quartanæ magna ex parte breues : Autumnales longæ, & maximè quæ hiemem attingunt.

QUARTANÆ dicuntur febres, quæ quarta quaque die repetunt. Et *Aestivas* intelligit Hip., quæ accenduntur

tur æstate; *Autumnales* autem quæ accenduntur autumnō, aut peruenerunt ad ipsum. Sunt autem febres omnes calores excedentes terminos naturæ, unde eas definiuit Gal. esse intemperies calidas, Auicē. verō esse calores extraneos; Auer esse calorem adauctum, & Græci, ab igne, illas denominantes primitus πυρές appellarunt - Accendi autem creduntur quartanæ ex humore melācholico in corpore putrescente: ultimaque earum breuitas est, quatuor accessionum, sic obseruante Celso lib. iii. cap. xv. longitudo vero annorum, mediocritas autem mensium.

Conclusio itaque Aph. est, quod febres quartanæ, quæ accendentur æstate, omnium minime durabunt. Aliquæ etenim in quarta periodo finiuntur, multæque ante hiemē desinunt: quæ vero venient, aut deuenient in autumnum, diutius durabunt. Nam plerumque circa hiemis initium, solstitium scilicet, ante brumam finiunt; quæque deuenierint ad profundum hiemis, brumam scilicet, sunt longissimæ. non enim nisi æstate sub alio solstitio, ad minimum resoluuntur.

Ratio autem huius rei est, difficultas resolutionis materiæ, quæ, cum fiat per iugem ex ambitu euaporationem, decrescit quo magis remittitur ambiens calor, & frigus aduenit. Cū ergo æstate fiat ex ambiente calidiore maior resolutio, spes est quod tota materia quartanæ resoluatur, aut parum reducatur ad autumnum; cum vero superuenit ipse minuta resolutione, sequitur quod si quæ quartana habuerit in eo principium, longius duret, & si non fuerit omnino resoluta ante brumam, superueniente ea, quæ densat omnino habitū, & crudos efficit humores, materia quartanæ multiplicetur; unde non possit nisi longissimo tempore, & solstitiali calore æstiuo resolui. Et hoc accidit in omnibus morbis materialibus. Simples etenim intemperies hoc

non habent perse, nec solutiones continuitatis, nisi quatenus pro unione requiritur resolutio excrementorum etiam in ipsis, quæ difficilis redditur ab ambiente frigore, unde vulnera serius sanantur autumno, & hieme, quam vere, & æstate, sicut dolores omnesque morbi à materia dependentes.

APHOR. XXVI.

Febrem convulsioni superuenire melius est, quàm feбри convulsione.

CUm febris prout, dictum est in præcedente, sit caloris nimius, habet pro effectu proprio in nobis attenuare substantias, & inde insensibiliter resolvere plus quam naturæ conueniat. Est modo *Convulsio*, quæ & distentio nervorum à Latinis, à Græcis *σπασμὸς* dicitur, inuoluntaria & subito contractio membrorum ad truncum, partiumque ad principium suum. Sic in ea quam Græci *τίτανον* dicebant, membra cuncta reducuntur adeo ad truncum suum, ut amplius ab eo abducinequeant, unde iacet, & riget totum corpus; & in ea quam *ὀπισθότονον* vocabant, contrahitur in posterius adeo truncus corporis, ut caput scapulis adnectat; & in ea quam *ἐμπροσδότονον* appellabant, curuatur eo in anterius, ut mentum ad pectus reducatur. Contrahuntur autem confertim membra ad truncum, & partes ad principium suum, dum quæ substantiæ seruiunt iis colligandis, repente perdunt longitudinem pristinam, & abbreviatur. Hanc autem perdunt, aut dum subito resoluitur ex eis humiditas ea quæ illarum conseruabat lentorem, quo seruabantur extensæ; sic cordæ instrumentorum musicalium igni admotæ contrahuntur: aut dum subito illabatur aliqua materia humorosa, aut flatuosa, qua extendatur earum latitudo; tunc enim

enim quantum dimensionis acquirunt in latū, tantumdem perdunt in longum. Sic fides musicales citatæ, dum imbibuntur humore, ingrossantur & abreuiantur & contrahuntur etiam, licet hoc eis accadat sensim, quia humiditas qua implentur eis sensim insinuat. Hinc Hipp. in repletionem & inanitionem retulit conuulsiones, ut demonstrabo in Aph. xxxix. Sexti Lib. Quæ modo sint istæ colligatiæ, an nerui, & qui; an arteriæ etiam ipsæ læues à Gal. vocatæ, dicetur eo loco, & in Aph. primis Quintæ Sectionis. in quibus mōstrabitur qua ratione fiat cōuulsio à superflua purgatione, ab effusione sanguinis, & à vulneribus. Nunc accipiat, quod quæ venit ab ingruente materia facilius tollitur, quia facilius est demere, quā adicere; quæ vero sequitur inanitionē subitanēā difficilior curatur, quia impossibile est cito replere. Et accipiat, quod febris non accenditur quando maxime inanitum est corpus, sed quando est repletum. Nam ad innanitionem sequitur frigiditas, & ad repletionem putredo calorifica, unde febris potest sequi conuulsionem à repletionem, non autem eam quæ est ab innanitione.

Quibus habitis, est conclusio huius Aph. quod de duobus malis quæ solent sibi inuicem superuenire, ut conuulsio febris, & febris conuulsioni, minus terribilis est febris à conuulsione.

Et ratio est. nam tunc conuulsio est à materia ingruente in magnas colligatiæ, cuius poterit esse attenuatiua, & resolutiua febrilis caliditas; quæ vero conuulsio sequitur à febre debet esse ex nimia attenuatione, & resolutione materiæ, quæ non potest adeo breui redimi.

APHOR. XXVII.

His qui non ex ratione leuius se habent, non oportet fidere; neque multum formidare mala, quæ præter rationem eueniunt. Plurima enim talia stabilia non sunt, nec multum durare & permanere consuevere.

Qui *Leuius se habere* proponuntur, sunt procul dubio ægrotantes. Illi autem dicuntur esse alleuiati, quando symptomata in ipsis sunt remissa, aut numero diminuta: & dicuntur esse alleuiati *Non ex ratione*, quando non erit reperibilis causa propria illius leuaminis. Causa etenim propria est ablatio causæ morbificæ, non modo coniunctæ, sed etiâ eius quæ proximè antecedit. Sic in febre intermittente; est sequuta alleuiatio præter rationem in die intermissionis, quia remiserunt accidentia febris, sed restitit adhuc in corpore causa antecedens morbifica, quæ tempore breui reducet ægritudinem, eamque maiorem, & forsan continuam. Sic in febre continua ex materia putrescente, & in inflammatione, sequitur aliquando alleuiatio per ablationem alicuius accidētis, exem. gra. vomitus, qui cessit, tunc illa est præter rationem, quando non est educta tota materia, quæ vomitum incitabat. Nam reducta ad intra venas, maiorem, & peiorem ægritudinem faciet. Sic ergo alleuiamenta sine ratione sunt, quæ veniunt ex ablatione causæ non principalis, immo remanente causa prima, & principali, sicut e conuerso cum ratione sunt, quando ablata est causa principalis. Ita mala quæ superueniunt ægris, & dicuntur ægrorum deterioramenta, erunt non secundum rationem, quando non aderit causa principalis illorum, sed venerint ab aliqua causa accidentali

tali, aut externa. Sic febricitans dum adauxit sibi febrem exira, tunc illa adauctio dicitur esse præter rationem, quoniam est præter causam primam, & principalem illius febris, cum illa esset, aut abundantia mali humoris, aut oppilatio, quarum nulla est adaucta, ut cum ratione creuerit febris.

Est ergo conclusio: quod alleuiamenta ægrorum sequuta sine diminutione causarum principalium internarum illius ægritudinis, non debent mouere nos ad maiorem spem, & fiduciam, sicut nec deterioramenta sequuta sine augmento causarum principalium morbificarum, non debent augere timorem.

Et ratio est quia, hæc sequuta debent esse ex accidente, & propterea non duratura longo tempore.

Hinc monitum sit: ne magis faciamus spe, aut timore, mutationes insperatas, nisi illæ longo tempore durauerint. Cum autem durauerint, multi faciamus, etiamsi non agnouerimus causam. Quoniam fieri potest quod sint cum ratione, quam nostra imbecillitas non possit cognoscere; medicus enim frequenter cognoscit à posteriore, quod non potest scire à priori.

APHOR. XXIIIX.

Febricitantium non omnino leuiter, permanere corpus, nihil minui, vel etiam plus, quam ratio postulat, contabescere, malum. Hoc enim morbi longitudinem; hoc verò imbecillitatem significat.

Febricitant non omnino leuiter, qui mediocriter æstuant, & ardent, pulsus, & respirationem mediocriter habent magnificata, accelerata, frequentata, & inæquata, mediocriter sitiunt, capite dolent, iactantur, & non omnino
lassi

lassi nec insomnes sunt, in summa quibus accidentia febrium propria mediocria sunt. *Permanere* autem eorum corpora sunt intelligenda in propriis dimensionibus, præsertim latitudinis, & profunditatis, quæ in febribus solent diminui. *Rationis* vero *Postulatum* est, coæquatio effectus cū propria causa, præsertim effectiua. *Contabescere* demum dicitur de omni extenuari, ac pristinam corporis latitudinē, & profunditatem perdere; & licet dicatur de eo, quod sequitur ad affectionem pulmonis, ut notat Gal. forsan quia frequentius accidit ab illo, quam ab alia affectione; attamen importat omne extenuari: & ante Gal. dicebatur tabes, & de aliis extenuationibus, quæ veniunt sine lēione pulmonum, ut videre est apud Celsum lib. III. cap. XXII.

Sunt ergo conclusiones duæ huius Aph. Prima est, quod malum signum est febricitantem extenuari minus, quam ab illa febre deberet. Nā hoc importat morbi longitudinem. Secunda conclusio est quod malum signum est emacrescere plus quam par sit ex illa febre, quoniam importat imbecillitatem.

Ratio primæ conclusionis est: quoniam minor extenuatio, quam debeat febrī extenuanti, procedit à soliditate, & crassitie corporis magis resistente resolutioni. sed hoc producit resolutionem materiæ febrilis, unde prolongabitur febris.

Ratio secundæ conclusionis est: quoniam extenuari magis quam febris possit, procedit à facilitate subiecti corporis: facilitas autem à substantia molli, rara, & resolubili; unde ex proposita nimia extenuatione in respectu ad febrē, primo arguitur & significatur substantia corporis nimium resolubilis, & ex ea postea, sequuta resolutione, significatur imbecillitas, & ex imbecillitate facilitas mortis. Minor ergo extenuatio morbi longitudinem, maior

autem mortem significabit.

Quæ non autē sit maior, aut minor extenuatio, ea quæ ad febrē extenuantē refertur, debet dignosci ex obseruatione similis febris in similibus indiuiduis, immo si fieri potest in eodem, & obseruatione extenuationis inde sequutæ. Non enim febris potest mensurari.

APHOR. XXIX.

Quum morbi inchoant, si quid mouendum videtur, moue: quum verò consistunt, ac vigent, melius est quietem habere.

Inchoare, cum sit idem ac initiari, & initium morborum dicatur, ut obseruauit etiam Gal. lib. i. Aphor. xii. de primo instante, aut minimo tempore, quo ducitur corpus de sanitate ad ægritudinem; & dicatur de toto illo tempore, quod requiritur ad integram manifestationem eiusdem ægritudinis; quod in ægritudinibus acutis breue est, & bene finitur à Gal. spatio duorum scilicet, aut trium dierum in longis vero, longius; & in paroxysmalibus duorum, aut trium paroxysmorum; & dicatur de toto tempore, quo morbus non apparet adhuc sensibiliter crescere; quod in longis extenditur semper ultra tertiam diem, in acutis non, & iusta, quod sunt magis, aut minus acuti. Hip. accipit nunc hoc verbum, prout importat totum illud tempus quo non apparet morbus sensibiliter crescere: vnde & partem primam augmenti. Quod colligitur, ex eo quod proponit pro diuerso & contrario, aut medio saltē, consistētia, ut videatur omittere augmentū, & declinationē. *Consistere* vero, ut dictum est in Aph. x. Primi est ad ultimū augmentū iam peruenisse. Et *Mouere*, ut dicitum fuit in xxii. Eiusdē, est intelligendū præsertim de loco ad locum euacuando, sicut

cut de parte corporis ad partem reuellendo, aut reppellendo, sed maxime de corpore ad extra euacuando. Nam parum proprie dici potest de alterando.

Est itaque conclusio Aph. imperatiua. Quod si videatur aliquid in morbis esse transferendum de parte ad partem repulsione, aut reuulsione, vel de corpore ad extra corpus euacuatione, illud est faciendum, quando morbus non est adhuc in statu, nec ultimo augmento: tunc enim melius est quietem habere corpus, & nullo modo dictorum motuum moueri.

Ratio autem, qua reuulsio, & repulsio conueniat in principiis, manifesta est. Quando enim materia vult adire partem indebitam est reuellenda, & repellenda dum adit: hæc autem sunt in principio.

Ratio modo, quod conueniat euacuatio in principiis est difficilis; sed ut accipiat, determinandum primo de qua euacuatione. Et statim apparet, quod non de insensibili, quæ peragitur inedia, aut exercitio, nec de ea, quæ parum sensibilis est, qualis est sudor. Nam istæ non sunt euidentes, ut possit dici in eis corpus moueri localiter. Nec videtur sub hoc nomine motus comprehendenda euacuatio, per sputum, aut urinam, cum parum inde moueatur de corpore, præter excrementum consuetum; reliquum ergo est, ut hoc intelligatur de sanguine à venis, aut de aliis materiis ex aluo. In his enim euacuationibus corpus videtur sensibiliter moueri, quoniam aliquid venit sensibile valde ex illo, unde ipsum mutatur.

Hinc Gal. & bene in commentario, illud accipit de venæ sectione & de cataracticis, quorum inquit nihil oportet morbo iam consistente adhibere. Disputant autem Neoterici, quod vena secari, sanguisque mitti apud Gal. lib. de Arte cur. per sang. missionem tex. xx. probetur quocumq;

tem-

tempore aderit morbi magnitudo, & virium robur. Et Hip. vigente pleuritide sanguinem misit. Ita disputant de cathart̃icis ex Aph. xxii. Primę Sectionis.

Ego autem cum inclinem, ut eo loco docui, quod præcipiat Hipp. sanguinem mittendum, & humores ex aluo duccendos à principio, ut minuta materia minus possit faceſcere in eā quæ est morbi cōiuncta, nec possit corpus corrūpēdo morbum augere, ad quam diminutionem docui antiquos maxime usurpasse in ediam, laudo, & probo maxime Gal. expositionem, eoque magis quod, ut dicitur in Aph. sequente, vires sunt à principio magis robustę, in statu vero debiles. Nam morbi eorumque accidentia sunt in principio, & fine debiliora, ut dicitur in sequente.

Nec obstat, quod Gal. alias probauerit quocūq; tempore sanguinis missionem; quoniam hoc dixit in morbi vehemētia, quæ est quoddā eius incrementū: & supposito, quod non fuerit ductus eousque sanguis, non, quod non probet magis ipsius missionem à principio; Et si Hip. duxit sanguinem in pleuritide vigente, hoc fecit, non quia melius non fuisset duxisse in principio, sed quia difficulter potest, non sequuta esculentorum coctione; & quia pleuritis statim viget.

Circa purgantia autem, licet aliqui dicant hanc conclusionem esse in casu materię turgentis, & esse de minoratiuis lenientibus. Ego remitto ipsis hanc resolutionem, cum dixerim concoctionem ad quam dicit eo loco esse differendā euacuationē venarū, aut alui, esse non materiæ humorosæ dispositæ ad inferendum morbum, sed materiæ esculentorum. Hæc autem fit breui, ut possit adhuc post eam moueri corpus ante morbi augmentū, aut in eius primo principio, & ita quando inchoant, rationibus ibi propositis. Verū quidem est, quod erit motio minoratiua. Nam quæ mate-

ria insinuata est substantiis viuentibus non potest tuto, & commode reduci pro euacuatione ad aluum tota primo temporis momento.

APHOR. XXX.

Circa initia, & fines, omnia imbecilliora; quum vero consistunt fortiora.

Initium morbi, quid sit, patet ex se, & declaratum est magis in præcedente; ita & *Finis*, qui opponitur ei. Supponendum etenim est initium, & finis, quæ hic accipiuntur in consideratione ab Hipp. esse morborum non alterius rei. Nam quæcumq; considerantur ab ipso, diriguntur ad hoc. Ita ex hoc sequitur, quod ista *Omnia* debeant esse ad morbum spectantia, quæ sunt primo morbus ipse, secundo suæ causæ, & tertio sua accidentia. Omnia etenim ista morbofa quædam sunt. *Imbecilliora* autem dicuntur, quæcumque in sua natura deficiunt, & imperfecta sunt. Ita morbus imbecillior, qui minor erit alio, aut semetipso in alio tempore. Sic causa quæ minorem morbum proferret, & symptoma, quod minus erit. *Fortiora* vero è contrario quæcumque habebunt ultimum gradum suæ essentia.

Sic conclusio Aph. est, quod in principio morbus ipse, causæ suæ, & accidentia, quæ sequuntur ipsum, sunt minus mutata à statu naturæ; in consistentia vero sunt magis mutata: in fine adhuc, cū fiat reditus ad sanitatem, omnia redeunt ad naturæ statum. Et ratio est, quoniam usque ad statum morbus crescit unde crescere debent quæcumque sunt de ipso.

APHOR. XXXI.

*Eius, qui ex ægritudine benè cibatur, nihil proficere corpus,
malum.*

Ex ægritudine est idem, ac à morbo : unde per talem intelligendus est cum Hipp. conualescens, ut dictum fuit in Aph. VIII. Sic per *Bene cibatum*, accipiendus est, qui comedit ad modum hominis sani, quem loco citato *Cibum assumentem* appellauit. *Proficere* autē *Corpus* coincidit cū eo, quod vocauit *Corroborari*: hoc est pristinum corporis & virium statum recuperare. Et nimis subtiliter distinguit Gal. proficere à corroborari, idicens quod proficere est corporis, corroborari vero virium. Nam sicut vires insunt corporibus, uti formæ in materia : ita nō possunt moueri sine motu corporum, nec illa sine motu earum ; unde corroborari coincidit cū repleri, & nutriri corporis, quod est proficere ipsius : & proficere eius, quod est refici, & repleri, ac reduci ad pristinam suam dimensionem ; non potest accidere sine virium corroborari.

Est ergo conclusio quod signum malum est, quando conualescens comedit ad modum sani, & non se reficit.

Nam illud non refici, cum non possit esse in casu isto, ex defectu alimenti, debet esse ex defectu virtutis nutritiæ, quæ deficiat à mala aliqua interna constitutione, aut intēperie simplici, vel cū materia : quæ cuncta sunt mala. Vnde non sequuta refectio in conualescente prænunciat reuersuram ægritudinem, & recidiuam. Hinc conclusio huius Aph. est fere eadem cum illa quæ in VIII. quam repetiit forsitan propter sui momentum.

APHOR. XXXII.

Omnes ferè, qui malè se habent circa initia, benè cibati, neq; quicquam proficientes, circa finem rursus cibum non appetunt: qui verò circa initia cibum valdè non appetunt, postea bene appetentes, ii melius euadunt.

Licet Gal. plurimique cum illo per *Male se habentes* accipiant conualescentes: ego concipio ægros ipsos, quia illi plus, & magis proprie dici possunt male se habere, cum idem sit male habere, ac malum habere, & malum sit ipse morbus. Eoque magis hoc concipio, quoniam conualescentiarum non est sollicitus adeo medicus, ut obseruet earum initia, & fines, prout facit modo Hip. istorum male habentium, seu malarum habitudinum. Et maxime hunc sensum accipio ex eo, quod dicit istorum male habentium aliquos melius, alios peius *Euadere*. Quod verbū importat exire à periculo, & per consequens potius à morbo. Credo bene quidem hos esse non grauiter, sed leuiter ægrotantes, dispositos potius ad graues, atque periculosas ægritudines, quam ex illis conualescentes. *Cibati* autem *Bene* manifestius est, quod sunt qui comedunt cū appetitu. Nā iis Hipp. in fine tex. opponit non appetentes. *Proficere* autem, ut dictum nuper est, est procedere ad bonum, & propterea versus sanitatem. Appetitus autem excitatur à defectu substantiæ viuientis, ipseque ex euacuatione, aut sensibili aliqua de propositis supra pluries, aut insensibili iugique resolutione, cum defectu eius quod debet cedere in refectionem nutriti.

Sunt itaque in isto Aph. due conclusiones, quarum prima est: quod ægrotantium seu male habentium, quidam per-
dunt

dunt appetitum à principio, quidam vero solummodo in fine ægritudinis. Secunda est: quod melius, idest cum minore molestia, & minore tempore liberantur ii qui perdiderunt appetitum à principio.

Quæ conclusiones supponunt necessariam esse in morbis appetitus perditionem, siue modo hæc accadat à principio, siue in fine. Hæc autem sequitur in morbis materialibus. Nam eorum materia, aut est primitus circa ventrem, tuncque tollit appetitum à principio, aut tandem deuenit ad ipsū, & tunc aufert appetitū in fine. Appetitus enim tollitur à præseñte materia. Et de his Hip. loquitur. Ratio modo secundæ facilius habetur ex prima. Qui enim habent materiam morbificam circa ventrem, eam habent magis exitui propinquam, & inde faciliorem; unde ea cito excreta citius liberantur: qui vero habent illam insinuatam, non possunt liberari, ni veniat ad ventrem; unde duplo tempore debent ægrotare.

Sed dubitabit aliquis: an necesse sit materiam omnē morbosam exire per ventrem, & ita in omni ægritudine aliquādo tollere appetitum: quia potest exire per superiores vias urinæ scilicet, & sudoris. Cui responsio sit: quod plerumq; materiæ morborum sunt in ventre, & à ventre eiiciuntur.

APHOR. XXXIII.

In quouis morbo mente constare, & benè se habere ad illa quæ offeruntur, bonum; contrarium verò malum.

Dictum est in Aph. I I I. & V I. Hipp. cum antiquis, nomine mentis accepisse, non intellectum, qui organicus non est, & propterea non potest dici ægrotare; sed sensus internos, imaginatiuam præcipue. Quod modo constare importet idem, ac perseuerare, & non mutari, patet

ex vi vocabuli; Vnde *Constare mente*, erit persistere in operatione sana, & naturali phantasiæ, scilicet non decipi imaginibus, nec loqui aliena, prout faciunt, qui amentes, quasi sine mente, & mente capti dicuntur. *Bene autem se habere* ad aliquod, est non habere repugnantiam cum illo; ut propterea cum illa quæ *Offerri* dicuntur in textu, sint alimenta, ut declaratum est in XVI 1. Primi Lib., bene se habere ad illa, erit comedere sine repugnantia tali qualē *ἀνορεξία* Græci vocant: non dico cum appetitu, potest enim sine anorexia & sine appetitu homo comedere.

Et cum vocabulum boni ac mali aliquando importet bonitatem, & malitiam in ratione causæ; aliquando in ratione signi, & quandoque in utraque, ut pluries dictum est; licet aliqui accipiant conclusionem huius Aphor. in ratione causæ, quod admittere alimenta iuuatiuū est ægrotis. Ego cum Gal. accipio potius eam in ratione signi talem. Quod in quocunq; morbo nō fallere imaginibus, nec loqui aliena, & comedere sine repugnantia est bonum signum; desipere vero aut fastidire esculenta, est malum signum.

Sed curnam bona aut mala signa sint, patebit ex repetitione eius, unde veniat delirium, & obseruatione eius, unde veniat cibi fastidium. Venire autem dictum est delirium ex intemperie simplici aut cum materia quacunque inflammatoria partium maxime principalium pro sensibus. Istæ autem sunt cerebrum, & cor. Ita fastidiū accidit ex simili affectione partium, quæ laborant circa alimentum, & quarum operatio supponitur operationibus sensus & motus. Cum ergo delirare importet affectionem partium principalium sensibus internis destinatarum, & fastidire affectionem partium seruientium primæ vitæ, bene dicitur malum signum: sicut è conuerso mente constare, & non fastidire cum sint effectus sanitatis partium, in quibus consistit anima.

malitas & primum viuere, erunt bonum signum.

Obferuandum tamen quod bonum signum non femper importat salutem, nec malum femper mortem. Nam dicuntur in refpectu, eius quod præceffit, cū fint de futuris.

Damnabit autem aliquis Hipp. de fuperfluitate ftili, cum fubiungat *Contrarium vero malum*, fi contrariorum intelliguntur effe contrariæ rationes. Sed ego credo fubiunxiffe Hip. illa verba, quia *Malum* plus in fuo genere importat quam *Bonum*; bonum enim non neceffario, nec de facili salutem, malum vero facilem mortem importat, ut profecto importat mentis alienatio, & fastidium cibi.

APHOR. XXXIV.

In morbis minus periclitantur, quorum natura, aut ætati, aut habitui, aut tempori magis congruit morbus, quàm quibus fecundum nihil iftorum congruit.

Periclitari, licet potiffime fit incurrere mortem, eft tamen & incurrere quodcumque validum peius. Ideo dicentur periclitari in morbis nō modo qui morientur, fed etiam qui de leuibus incefferint in graues, aut incurabiles ægritudines, ut qui ex imminuta aliqua operatione incefferint in abfolutā eius perditionem, quemadmodū qui ex imbecilli visu incurrerit in cæcitatem. *Natura* autē, ut eft alibi dictū, eft conftitutio noſtri corporis, quæ cum conſiſtat in temperamento, cōformatione, ac unione propriis, importat hæc omnia, aut alterum ex his. Hæc autem varia eft, non modo ſpecie, fed & indiuiduo. Vnuſquiſque enim noſtrum habet temperiem, conformationemque humanam, qua differt à temperie, & conformatione aliorum animantium: fed & conformationem ac temperiem ſibi ſoli propriam

priam, qua differt ab aliis indiuiduis hominibus. Quæ varia adhuc fit processu temporis, ac vitæ decursu, unde variatur secundū ætates. Alia etenim est temperies & aliquatenus diuersa conformatio Petri senis ab ea, quæ præfuit eiusdem adulti, aut adolescentis. Et variatur etiam iuxta tempora anni per varietatem contingentem in aere, à cuius iugi contactu corpora alterantur in temperie, & consequutiue aliquatenus in conformatione, dū frigore laxantur, aut densantur, aut obstruuntur. Quin etiā variatur à modo viuendi, iuxta quem alia sequitur temperies, & conformatio ex vini potu, alia ex potu aquæ, alia exercitati, & alia ociosi. & hæc natura acquisita cū sit, dicitur *Habitus*. *Congruere* modo est habere facilitatem ex dispositione patientis: quæ dispositio corporum in morbis est propter excessum leuem aliquem, ad magnum, & sensibilem eiusdem generis, qui morbus dicitur.

Vnde conclusio Aph. est: quod egrotantium illi difficilius morientur, aut ibunt in validum peius, qui ægrotabunt ægritudine aliqua, ad quam inclinabit corpus ex propria ac indiuiduali constitutione ab ortu accepta, aut mutatione ætatis suborta, aut anni tempore facta, aut ab ea, qualis est acquisita ex longa viuendi ratione.

Et ratio est: quoniam tunc erit minor recessus à statu naturali, & ideo minor morbus, cum ille sit recessus à natura innata, aut acquisita ex ætate, vel tempore, vel victus ratione. Hinc facile soluitur dubitatio: quod morbi nō possint congruere ætati, tempori, & habitui, sed solinaturæ, à qua sunt recessus. Nam semper sunt intelligendi cōgruere naturæ: sed ei quatenus variatur ex ætate, tēpore, victus ratione. Et obseruandū, quod sicuti ex proposita naturali dispositione ad aliquem morbum eger facilius euadit: quia in illo existens recedit à natura sua per pauciores
res

res gradus; ita facilius semper illius morbi causæ succumbit.

APHOR. XXXV.

In quouis morbo partes ad umbilicum & imum ventrem attinentes crassitudinem habere, melius est; multum vero extenuari, et contabescere, prauum. Sed hoc quoque ad inferiores purgationes, periculosum.

QUod *Umbilicus* sit pars illa, quæ est veluti centrum ventris, unicuique satis clarum est, sicut & liquet, *Ventrem* esse illam corporis partem in qua reconduntur præsertim partes quæ agunt circa alimentum. Dubiū tamen accidit ex eo, quod Hippo. dixerit ventrem imum, an sit in corpore alter venter non imus, an vero dixerit imum quia intellexerit partem inferiorem eius. Et dubium est quænam sint partes quæ dicuntur *Attinere* ad hunc umbilicum, & ad hunc ventrem imum, cum possint intelligi propinquæ quidem sed inferius, aut propinquæ circumquaque, aut propinquæ superius. Et dubium inde est: an internæ quæ viscera dicuntur, an vero externæ operimentales, membranosæ, scilicet carnosæ, & cutaneæ. Ego cum Gal. existimo per ventrem imum intellexisse Hip. ventrem secundum imum sui, hoc est ultimam eius partem. Est autem ultima pars eius, quæ subiacet umbilico usque ad inguina, quibus ille finitur. Cōmode enim videtur umbilicus parti ventrem in partes duas, superiorem, & inferiorem. Et ita censeo partes attinentes ad imum ventrem esse, quæ ab umbilico sunt ad inguina: partes vero ad umbilicum attinentes, esse quæ à costis sunt ad umbilicum, sicque voluisse Hip. intelligere totum ventrem secundum partes superiorem & inferiorem. Sed dissentio à Gal. qui credit Hip. intel-

lexisse de partibus solis operimentalibus ventris, cum ego credam & de contentis in eo visceribus; quæ quo crassiora sunt, crassiores reddunt ventrē continentem. *Crassitudinem* enim *Habere*, est esse multæ dimensionis cuiusvis, sicut *Extenuari*, & *contabescere* est perdere dimensiones & in quantitate minui.

Sunt ergo iudicio meo in hoc Aph. conclusiones duæ. Prima, quod in omni morbo conducit sanitati habere ventrē cum visceribus suis plenum & crassum, sicut obstat sanitati recuperandæ venter extenuatus. Secunda conclusio est quod extenuatus venter est periculosus in usu purgantium per inferiora.

Rationem primæ cōclusionis accipio quodāmodo à Galieno. Nam cum plurimi morbi per se venientes & magni, de quibus debet sollicitari medicus, sint ex materia; eaque congeratur primo in ventre, & visceribus eius, neque educatur nisi à calore eius cocta; calorque magis vigeat, quo magis abundat substantia ventris & viscerum, sequitur quod ventrosi homines plus valeant non modo coctioni alimentorum, quæ requiritur valetudini tuendæ, sed etiam coctioni materierum malarum, quæ requiritur morborum dictorum curationi. Rationem secundæ conclusionis addo: nam in purgationibus per inferiora primo educitur, quod in ventre ipso est. Quod si in ipso minimum est humiditatis, periculum accidit ne ex eius educatione ducatur ad ultimā tenuitatem, unde aut incurrat æger conuulsionem letalem aut perdat vim coëtricem, & inde sequatur malus habitus ac mors.

APHOR. XXXVI.

Qui salubritatem corporis habent, cum per medicamenta purgantur, cito exsolvantur; & qui pravo utuntur cibo.

Salu-

S *Alubritatem corporis habere* dicuntur, qui sani prorsus sūt actu, & potentia, quosq; Celsus, sanos, & bene valentes appellat, qui propterea nullatenus sunt dispositi ad ægritudinem; unde resistunt etiam causis ægrotare facientibus. Tales autem sunt, qui nullam habent, nec leuem intemperiem, nec leuem aliquam interius malam conformationem, unde nihil malæ materiæ intra se congregant, sed pura consistunt. *Purgantia* autem *Medicamenta* sunt, quæ aut lubricando interna faciunt excidere de corporibus materias: aut pungendo stimulant partes internas ad concussionem, ad quam sequitur eius, quod continebatur exitus: aut insimul aperiendo meatus, & vasa, faciunt effluere, quæ materiæ humorosæ in iis consistunt: aut easdem materias attenuando reddunt fluidiores: aut etiam substantias concretas sub viuentis natura, colliquant in humorosas formas. Quæ propterea cuncta sunt calida, & resolutiua. *Exolui* vero dicuntur corpora, quando subito viribus & animo deficiunt. Qui virium, & animi defectus accidit, quando deficit nutritio, quæ est fundamentum omnium virium, & accidit subitus, quādo deficit materia quæ subito, & omni momento participatur. Hæc autem est spiritiuosa, à corde procedens. *Præuus* demum cibus est, qui parum nutrit, & in multa excrementa deducitur. Nam præuum dicitur, quod non assequitur finem suum; sicut bonū vocatur quodcumque illum consequitur: & finis cibi est nutritio.

Sunt ergo in hoc Aphor. conclusiones duæ. Prima est: quod quæ corpora sunt inculpate sana, nihil malæ materiæ intra se habentia, dum euacuantur medicamento purgante, quod plerumque est calidissimum, cadunt in subitas & præcipites virium & animi defectiones.

Et ratio est. Nam in his, cum non adsit materia mala, euacuatur bona & nutritiua, præsertim vero spiritiuosa, quia

est facilioris resolutionis, ad cuius subitam, & violentam euacuationem, subito deficit illa momentanea nutritio, quæ vires omnes sustentat; unde illæ subito deficiunt.

Ex qua conclusione consultum sit practicum, de non purgandis corporibus sanis, minusque purgandis, quæ parum ægrotabunt à pauca materia, aut à facile educibili, quia satis fluida, aut quia sit in loco ad exitum propinquo.

Secunda conclusio est: quod exsoluuntur, si medicamentis purgentur, etiam qui usi sunt prauo cibo. Et ratio est. Nam in istis parum boni spiritus extat, unde illi facilius resoluuntur.

APHOR. XXXVII.

Qui bene se habent corpore, difficulter ferunt medicationes.

Bene se habentes corpore sunt iidem, quos in præcedenti Aph. dixit salubritatem corporis habere, unde erunt homines inculpatae sanitatis in illo clarius descripti. *Medicationes* autem sunt operationes à medico factæ, quæ remedia dicuntur: sed præsertim illæ, quæ aguntur κατὰ φύσιν à Græcis dicto, & propterea cum educatione materiæ ex aluo. Ferre autem, ut alibi dictum, est lædi, sed non destrui, unde facile ferre est parum lædi, difficulter ferre, erit multum lædi.

Conclusio itaque Aph. est quod corpora sana, & pura ex euacuationibus, quæ aguntur medicamento, valde læduntur.

Et ratio est. Nam cum in istis nihil sit mali, quod debeat educi, educitur à medicamento bonum, quod debebat retineri, ad cuius educationem, corpus propterea læditur. Læsis autem varia est iuxta varietatem loci, unde educitur
bonum

bonum hoc, & iuxta quantitatem. Communis læsio est exrenuatio, particularis est exsolutio, adhuc particularior est dolor, & conuulsio, quæ in indebita purgatione subsequitur. Vnde utilis est ista conclusio prout præcedentis Aph.

APHOR. XXXVIII.

Parum deterior potus & cibus, suauior autem, melioribus quidem, sed minus suauibus, est preferendus.

Deterior parum cibus erit, qui parum minus aliis nutrit, & in plura excrementa deducetur. Sic & potus. Nā humanus potus non est simplex aqua, sicut est aliis animalibus, sed mixtum quid aqueum. Ita Melior erit, qui erit magis nutritiuus, ut insinuatum est in expositione Aphor. xxxvi. Suauior autem dicitur, qui sensui gustus magis iucundus. Est autem magis iucundum quodcumq; sensibile, dum maiorem habet proportionem sensitiuā cū facultate sentiente. Quæ proportio cū procedat à constitutione temperamentali sensibilis agentis, ac sensitiui organi patientis, dimetiri atque inde notificari à priori non potest. Non etenim perueniunt nostræ cognitiones sensitiuæ ad ultimas rerum differentias, sed à solo posteriore sequuto effectu dignoscitur. Hæc autem est, non modo ex natura specifica sensibilis agentis, & specifica nostra humana sensorii patientis, sed ab indiuiduali agente, & patiente: unde sequitur, quod unum esculentum suaue gustui humano, quoniam iucundum sit plurimis hominibus, sit uni homini horridum, & insuaue, uti est mihi caseus.

Conclusio ideo Aph. erit: quod in alitura, concedenda & usurpāda veniunt potius ea alimenta, siue solida sint, siue liquida, quæ sunt iucundiora, ei qui debet assumere, etiā si

si sint minus nutritiua, & plus excrementi productiua, quæ alia esculenta. Rationē proponit Gal. quia suauia magis amplexatur, & circū ipsa ad eorum hauſtum arctatur ventriculus, qui ſuo tali maiore contactu, per calorem ſuum eſt magis concoctius. Quæ ratio non ſufficit. Siquidem ex hoc ſequitur, quod citius concoquantur, non autem quod magis nutrant. Magis autem nutrire eſt id quod primo requiritur in alimento, cum finis eius primus, & præcipuus ſit nutritio. Propterea ego addo pro ratione, quia ſuauia plus nutriunt inſuauibus. Guſtus etenim datus eſt ad faciliorem reddendam alituram, unde ille debet inclinare in magis nutritiua, & ita ſuauiora eſſe, quæ plus nutriunt. Confirmat hoc obſeruatio venenorum & medicamentorum, quæ quo plus habent veneficæ, aut medicamentofæ naturæ eo magis inſuauia ſunt, unde ſi inſuauitas negat nutritionem, ſuauitas debet eam dare, & per conſequens ſuauius alimentum eſſe magis nutritiuum. At ſtatim naſcitur dubitatio. Tunc enim ſuauius eſſet ſemper melius, quod videtur falſum. Nam Hipp. diſtinguit hic melius à ſuauiore: & apparent in opere alimenta maxime nutritiua, & parum ſuauia, ut panis, & è conuerſo multum ſuauia, ac parum nutritiua, ut fructus. Cui dubitationi reſpondendū, quod melius alimentum dicitur, quod pleroſque homines plus nutrit, ſuauius vero dicitur quod alicui indiuiduo determinato magis eſt iucundum ad guſtum. Sic fieri poteſt ex diuerſitate indiuiduali, quod aliquod iucundum guſtui ſit plurimis, illud tamen mihi iniucundum, ut dixi de caſeo, eademque ratione, ut ſit nutritiuum plurimis hominum, & non mihi, & ſic quod aliquid plus nutrimenti porrigat aliis, mihi vero parum. Et ſi panis videtur minus ſuauis, fructus vero ſuauiores, hoc accidit, quia ex inſuetudine fructus magis excitant guſtum, unde apparent ſuauiores, & panis mi-

nus excitat, quia est maximus usus, unde eius suauitas non obseruatur. Quoniam ergo medicus versatur tanquam artifex circa indiuidua, debet & in eorum alitura non modo querere, quæ plus nutriant homines, sed quæ plus nutriant hominem indiuidualiter. Hoc autem cum non possit accipi à priori sed ex appetitu eius, & voluptuosa assumptione, bene dicitur quod alimēta sunt porrigenda, quæ iucundiora sunt. Cum hac tamen obseruatione, quod si simus in sano homine, in quo appetitus, & sensus non errant, obseruetur consultum: in ægro vero distinguatur, an instrumenta gustus, & appetitus sint læsa; tunc enim non nutrient plus, quæ plus erunt suauia; an vero permaneant integra, & non mutata in operationibus suis, quoniam tunc erunt talia facilius propinanda, quæ appetuntur, & sapiunt. Et cum alia obseruatione, ut non multa sit diuersitas ab iis quæ plus sapiunt, & iis quæ alios homines plus nutriunt. Erit enim hoc argumentum multum corruptæ naturæ indiuidualis, qualis postea non venit seruanda.

APHOR. XXXIX.

Senes iuuenibus magna ex parte ægrotant minus. Qui vero morbi ipsis accidunt longi, maxima ex parte comitantur ad mortem.

Minus ægrotare dicuntur, qui rarius ægrotant. Vnde due sunt in isto Aph. conclusiones. Prima est: quod ut plurimum senes rarius incurrunt ægritudines, quam faciant iuuenes. Secunda est: quod ægritudines, longè quæ senibus accidunt, plerumque nunquam dimittunt eos, nisi cum morte.

Ratio primæ varia est. Vna, quia corpora senū, cum sint frigidiora, & sicciora, magis resistunt mutationibus à causis

sis externis. Alia est: quia senes consistunt magis in una viuendi ratione; unde minores habent causas ægritudinū. Et alia est: quia cum maximus morborū numerus sit febris, quæ accenditur ab adaucto calore, & frequenter ab excedente humiditate, senes, quia frigidi, & sicci, magis distant ab illa.

Ratio autem, qua morbi longi eos comitentur usque ad mortem. Prima est: quoniā accidunt à dispositione eorum habituali, non ab externo, quæ propterea plerumq; remouibilis non est. Secunda est. Nā omnes morbi senum quos refert etiam Hipp. in Aph. xxxi. Tertiæ Sect. sunt intemperies frigidae simplices, aut cū materia tali, aut alii hinc procedentes, propterea non solubiles nisi à calore, qui in senibus deficit, semperque magis defecturus est.

APHOR. XL.

Raucedines, & grauedines in valde senibus coctionem non admittunt.

Raucedines quas Græci *σπάγχεσ* vocant, dicuntur vocis retusiones, quando vox rauca non sit amplius acuta, nec sonora uti prius. Vnde per translationem etiam sonus alterius rei, quando retusus est, dicitur raucus. Accidit autem retusio soni à remolitione eorum, quæ percussa sonāt; sicut acuties sequitur siccitatem, & soliditatem duritiemque percussorum. Ita duo lignea plumbeaque corpora percussa respectu ferreorum, aut æreorum retuse sonant. Ita eadem linita minus acure sonant, quam deterfa, & exsiccata. Sequitur ergo & vocis humanæ retusio, quoties caput arteriæ asperę, quod percutitur ab aere exspirato remollitum est, aut aer percutiens humiditate crassatus, aut utrūque

que adest. Vnde si destillauerit à capite ad brôchon pituita, aut si euaporauerit eadē à pectore ad ipsum, aut si aer, qui exspiratur fuerit humiditate maiore crassatus, raucescit vox. Causa autē destillationis pituitæ à capite cum sit abundātia eius in illo, & abundet à refrigerato ipso: & euaporatio eius à pectore sit & ipsa ex simili abundantia in eo: sicut conspurcatio maior exspirandi aeris: & utraque à refrigerato, aut pectore ipso, aut corpore subiecto proueniat, unde mutatio vestium solet inducere has raucedines: sequitur, quod raucedines semper procedant à corporis totius, aut pectoris, vel capitis refrigerio. *Grauedines* etiam, quas Græci *κρύζας* appellant sunt quædam capitis grauitates, prout verbum Latinum innuit, præcipue circa frontem, oculos, & aures, unde & illæ sonant, tussis oritur, & sternutamenta, nihilque à naribus effluit, quousque facta concoctione materiæ morbus declinare incipiat. Vt propterea veniāt & ipse ex materia in capite præter debitū collecta: quæ frequenter colligitur, dum à refrigerato ex aliquo accidente capite euaporatio, quæ tanquam per caminū à foco à subiectis partibus ad ipsum effertur, frigore conclusa non resoluitur, sed in humorem concrefcit. Vnde & affectus iste importat capitis refrigeriū. *Valde senes*, vero quod sint ultimi, quos Auic. & uulgus, decrepitos appellat, & per consequens minimi caloris homines, satis est per se notum. *Cocctio* autem, quod sit perfectio à calore nostro in materiebus alimentalibus, data eis ultima dispositione, & situ etiam ad conuersionē in substantiam nostram; in materiebus vero nutritioni ineptis, data eis substantia & loco aptis excretioni, dictum est in Aph. XXI I. Primi Lib.

Conclusio ergo est: quod materiæ quæ reddunt raucas voces, aut caput grauant in decrepitis non tolluntur: unde illi ab affectionibus inde prouenientibus non euadunt.

Et ratio est: quia sunt affectus frigidi, qui calore debent
vinci. Decrepiti autem cum omnino deficient in eo, illos
vincere non possunt: unde accipitur hoc etiam de cæteris
morbis frigidis in ætate ista.

APHOR. XLI.

*Qui frequenter ac fortiter absque causa manifesta exsoluuntur
derepente moriuntur.*

Exsoluuntur, ut dictum est, in Aph. xxxvi. qui repente
perdunt sensus, & motum: unde dicuntur animo de-
ficere, sicut hic affectus Græci λυποθυμία, & σύγκοπη, Latine
vero, animi deliquiū dicitur. Absque causa manifesta autē, qui
sine euacuatione sensibili sanguinis, aut alterius humoris, ali-
cubi sequuta, aut insensibili, ex labore, inedia, dolore cor-
poris, aut animi, in quibus omnibus casibus exsoluuntur re-
pente vires, quia deficit cordi repente sanguis, unde ge-
neret spiritus eos, quibus ab illo iugiter & momento par-
ticipatis toti corpori, seruantur vires omnes sensitiuæ, &
motiuæ in eo. Sequitur autem repentina priuatio hæc spi-
ritus à corde aliquando non deficiente sanguine, si ab in-
grente in illud cōfertim aliqua materia premetur: siue ve-
nerit hæc à ventriculo, ut in dolore superni oris eius; siue
ab utero, ut in suffocatione uterina; siue ab alia parte, pro-
ut sequitur in omni ruptura abscessus interni; siue sub for-
ma humorosa, eaque magis, aut minus crassa; siue sub for-
ma flatuosa. Frequens modo erit, quando datis breuibus
interuallis repetet: quod accidet, quia materia aderit plu-
rima, & magna cordis debilitas, quæ resistere non possit.
Fortiter vero dicetur fieri exsolutio, quando cū perditione
totali sensuum externorum, & internorum, unde rediens,

acveluti reuiuiscens patiens nesciat, quid sibi contigerit: *Repente mori* demum dicuntur, qui absque ulla præcedente sensibili egritudine, sensibus, & motibus momento perditis, non amplius reuiuiscunt, sicut & omni alia operatione animæ.

Conclusio itaque est: quod qui sine ulla sensibili, aut insensibili euacuatione proposita, repente perdunt omnes sensus, & motus, & reuiuiscences redeunt in easdem perditiones pluries, & cum breuibus interuallis, aliquando perdunt omnes etiam alias animæ operationes, ut non amplius reuiuiscant.

Ratio in aperto est: quia importatur à frequentia affectus imbecillitas principii vitalis, & à fortitudine magnitudo causæ, & ab esse sine causa manifesta, quod sit à materia suffocante, unde non potest sperari, nisi ultimus effectus suffocationis, & citus, qui dicitur repentina mors.

APHOR. XLII.

Soluere Apoplexiam quidem fortem impossibile: debilem vero, non facile.

Apoplexiam, dicebant Græci morbum, quem Latini postea dixerunt Atonitum, cum in eo affectis corpus, & mens stupeat, repente perduto omni sensu, & motu, respirationeque nunquam ex toto integra, sed aliquādo ad apparentiam omnino deperdita. Cuius causam vult Gal. esse crassam materiam implentem cerebrum, aut saltem ventriculos eius, unde prohibeatur spiritus, & virtutis animalis sensitiuæ scilicet, & motiuæ, ad subiectas partes influxus. Quam opinionem concepit ille, & concludunt sequaces, ex eo quod accidit apoplexia frequen-

tius, præcedente dolore capitis grauatiuo: & ex eo, quod succedit sæpe è refrigerato capite: ac eo, quod inducitur percusso eodem: & quia eam inducant quæcumque caput replere videntur, uti est somnus meridianus, vinum generosum, crapula, & opiata remedia: sed magis, ex eo, quod lenatur calefacientibus capiti applicitis: & tandem quia distinguitur à syncope cordis. Nā in apoplexia non erumpit sudor, prout in syncope, & difficilis redditur respiratio, quæ in syncope remanet illæsa.

Quam tamen opinionem redarguit, Primo natura cerebri omnium frigidissima, ac proinde prorsus inepta generationi spirituum, qui cum sint substantiæ omnium tenuissimæ, non nisi à calore summo, qualis est in corde, possunt generari: unde si non possunt venire à cerebro spiritus, nec potest ex læsione eius inferioribus partibus denegari. Denegatur autem in apoplexia, ut cuique confessum. Secundo, quod in apoplexia apparent manifestè lesa, quæ in pectore sunt. Nā difficilis redditur respiratio, cōstante motu musculorum pectoris; unde læsis pulmonibus, qui circum cor extant. Hinc Incubus, in quo sentitur in somno veluti premi pectus, est prodroma apoplexiæ passio. Tertio, quod venit cum repentina obmutescencia, indeque repentinam etiam mortem inducit. Obmutescencia autem subitæ fiunt ex interceptione, & occlusionē venarū, à principio suo venientium: quales sūt, quæ veniunt à corde, & prope ipsum sunt, & ab hac interceptione fieri obmutescencias repentinæ, explicauit etiam Hip. in tex. XXI II. Libri Quarti, de Ratione Victus in acutis. Sic & mortes repentinæ non possunt succedere, nisi læso primum, & primo vite principio, quod est cor, prout cognouit idem Hipp. qui in Aph. XI I. Tertiū Lib. dixit, in cōstitutionibus hiemali, austri-na, vernaq; succedente boreali fieri in senioribus destillationes

tiones, quæ cito interimunt, & in lib de Aere, aqua, & locis dixit valde senibus propter raritatem, & venarum colligationem accidere destillationes; quæ quosdam repente interimant, quosdam vero dextra, aut sinistra parte stultos reddunt. Vnde Gal. in commentario admonet Hip. per destillationes non intelligere solas eas, quæ per asperam arteriam fiunt, sed omnes, quæ fiunt per venas à capite ad subiectas partes. istæ enim cito interimunt. Quarto: quod & Galenus expressis verbis in Lib. de Ratione curandi per Sanguinis missionem tex. vi dixit, apoplexias fieri à nimio sanguine confertim in principium animantis incumbente: principium autem animantis verum, & primum est cor, nō cerebrum; & in cor potest decumbere facile, ac repente nimius sanguis per venas magnas cum ipso continuatas, per quas iugiter solet idem ingredi, & egredi, licet in moderata quantitate, ad perfectionem, & spirituationem suscipiendam. In cerebro autem cum neque sint magnæ venæ, neque cauitates sanguinis naturaliter receptivæ, nō est rationalis iste sanguinis propositus in apoplexia decubitus. Quibus argumentis adiungitur, vulgi opinio dicentis, apoplecticos mori ex gutta supra cor illapsa, unde Itali vocant apoplexiam, *mal della goccia*, & addatur quod si non extingueretur ab illabente materia caloris principium cor, sed illa confisteret in cerebro, non esset apoplexia incurabilis, aut difficilis adeo curationis. Nā calor cordis impetum reiterando in cerebrū, posset illam dissolvere. Apoplexia itaq; credatur obstructio ventriculorum cordis, facta aliquando à sanguine bono, sed nimio, repente, & confertim eo decumbente: frequentius tamen ab eodē crassiore reddito, per admisionem pituitæ ex refrigerato cerebro in ipsū illapsæ, prout confirmabitur in Aph. xxi i r. Libri Tertii, ac lvi. Sexti, & lx. Septimi.

Nec momentum faciant quæ deduxerunt Gal. & sequaces in illam opinionem. Nam dolor capitis aliquando præcedens, & refrigeratio eiusdem, sicut vinum, crapula, & potio narcotica possunt esse causa, & signum materiæ in crassatæ in cerebro, nõ tamen oppilationis eius; quia sunt præcedentes, & non coniuncta accidentia, quinimmo quia præcedunt, importat inibi nõ fieri apoplecticam oppilationem. Nec irresolubile est argumentum de contusione cerebri, quæ & animalia concidunt in subitam mortem. Ex ea. n. reprimitur in inferiora materia, quæ aut eodẽ modo oppilat, quo & destillatio penetrans, aut per modũ extrinsecũ cõprimẽtis, prout percussæ, aut ligatæ carotides faciunt repẽtẽ corruere animal. Contusio ergo cerebri est causa oppilationis in inferioribus locis, & inde sequitur apoplexia. Minimumque valet argumentum ductum à iuuamento calefacientium capiti ad motorum. Nam hoc sequitur, quia ex attenuatione, quæ inde fit in cerebro euocatur materia à subiectis, eo modo, quo inducitur subiecta materia in cucurbita, cuius aer fuit igne attenuatus. Nec ex eo quod in syncope accidat sudor sine difficultate respirationis, in apoplexia vero contrariũ, concludi debet diuersa pars affici; cum hoc possit prouenire à diuersitate materiæ, & modi affectionis, utpote quod in syncope materia sit potius fumosa, & nõ oppilet, sed digerat spiritum, & exsoluat: unde ex exsolutione sequatur sudor; nec fiat violenta suffocatio, neque difficilis reddatur anhelitus. In apoplexia autem materia suffocat oppilando cavitates viarum primarum spiritus, & propterea non accidit sudor, sed premitur respiratio. Fortis autem erit ultimi gradus; & cum dignotio eius ab aliis exsolutionibus sit per lèsionẽ respirationis, quæ aliquãdo ita perditur, ut nõ cognoscatur nisi ingenio; quale est speculum ori appositũ, quod inficitur rore, aut floccus

gossypii, quod cōcutitur; aliquando vero adest, sed cū ster-
tore maiore postea aut minore. Fortis erit in qua respiratio
saltem ad sensum sine artificio ingenioso videtur perdi-
ta, & quando venerit cum spuma circa os. *Debilis* autem
in qua non perdita, sed deprauata & sine spuma.

Erit ergo conclusio Prima: quod perditio repentina sen-
sus, & motus ac apparētis respirationis, aut saltem cū spu-
ma circa os est curatu impossibilis. Altera vero, quod per-
ditio repentina sensus, & motus omnis cum læsione etiam
respirationis, raro, & cum labore curatur.

Ratio primæ conclusionis est: quia suffocata respiratio-
ne, extinguitur breuissime calor, qui est principium omnis
curationis, quique præsertim debet esse resolutiuus ma-
teriæ suffocantis, quæ si esset longe à principio, posset ab
illo expanso, & non suffocato resolui. In forti enim apo-
plexia dum materia obstruit omnino principium caloris, il-
le nō potest procedere ad proximos pulmones attollēdos,
& ampliandos pro respiratione, & ad euentandum marco-
rem, qui ab ipso in semetipsum introducitur.

Ratio secundæ est: quia cum debilis differat à forti in
sola remissione, differt etiam in sola desperatione, sed pro-
pter similes causas habebit difficile resolutionem.

Vtilitas Aph. est ad prædictionem, sed meæ expositio-
nis est ad exquisitiorem curatiuam intentionem. Si etenim
erit debilis facta à sanguine nimio, erit intentio reuelendi
à corde, & deriuandi illū ab eo ad magnas venas, iis aper-
tis. Propterea primo magis remotis, uti sunt saphenæ, & ba-
silicæ, seu mediæ; deinde etiā iugularibus quæ sunt aliis cor-
di proximiores, si aperiri poterunt, non multū tunc cura-
ta cerebri resolutione, nisi in quātum iuuatura sit ad distra-
hendum sanguinem circa cor nimium obfistentem. Si ve-
ro erit ab illapfa pituita à cerebro, eaque credatur sangui-
nis

nis particeps, seccandæ solæ cephalicæ, aut iugulares, cum euacuatione fiat reuulsio ad eum locum, à quo facta est effluxio, & cum ista intentione iuuabunt magis à principio attenuantia calida capiti, ut reuocent materiam, & calefaciendo tolant frigiditatem capitis, quæ fuit causa prima morbi, dum fuit causa multiplicationis, & crassationis pituitæ in eo. Verum quoniam difficilius est reducere ad superiora, quod crassatum suo pondere vergit ad inferius, ideo præter proposita, est procuranda attenuatio circumcor, quæ procurabitur, aucto circa ipsum calore, ut propterea sanguinis missio, cum refrigeret in casu isto, est suspecta: maximeque exitialis, si materia erit prorsus pituitosa, & crassa: & hic est casus, quam innuebat Celsus, quando dixit, quod venæ sectio occidit, sicut illa, quæ venit à sanguine, non à destillatione cerebri, est ille casus, in quo idem dicebat, venæ sectionem liberare. Erunt ergo attenuantia, & resoluentia adhibenda etiam pectori ipsi, ut inde auctus calor materiam attenuet, & à se discutiat.

APHOR. XLIII.

Qui strangulantur, ac dissoluuntur, nondum vero mortui sunt, non referuntur quibus spuma circa os fuerit.

Licet plurimi cum Gal. immo cum Celso, per eos, *Qui strangulantur* intelligant, & acipiant solos eos, qui laqueo in suspendio, aut sine suspendio suffocati extinguuntur. Ego qui non credam Hip., adeo exilia esse prosequutum in suis documentis, cum rari sint, fuerintque semper, qui à suspendio damnati fuerint relati ad vitam, paucique etiã, qui desperatione suspensi fuerint inuenti nondum mortui. Nã damnatio ad suspendium semper est morti destina-

ta; & quod desperatione actum est suspendium, semper est actum occulte, ut primo sit sequuta mors, quam publicatio. Existimo, per eos qui strangulantur voluisse innuere etiam illos, quia morbo perdunt respirationem. Nam respirationis perditio, strangulatio dicitur ex eo, quod respiratio est per apertam gulam. Qui autem impedita respiratione suffocatur, sunt duplicis differentiae. Quidam enim suffocantur, non perduto sensu, nec motu, immo maxime se torquentes in suffocatione, ut qui angina laborant, qui submerguntur in aqua, quiq; ingerunt in arteria aliquod crassum deglutibile, & qui laqueo cum suspensio, aut sine eo, ceruicibus, colloq; torquentur. Alii vero perduto sensu, & motu quouis, ut qui apoplexia corripuntur. Differunt autem isti ab illis, in loco praesertim, & modo aliquando suffocationis. Nam suffocatio accidit, quoties fuliginosus calor per pulmones, & arteriam asperam expirare non potest, tunc enim marcescit, & extinguatur, quomodo & ignis accensus in vase, dum operitur, & prohibetur ei spiritus, occulto omni spiramine. Non potest autem expirari, si claudatur extremitas arteriae asperae, prout clauditur ab apostemate anginoso, & circumdata extrinsecus a laqueo, aut ab aqua in submersione, eo ingrediente; sicut ab aliquo assumpto illuc praeterrationem deglutitionis illapso, ut contigit Anacreonti poetae lyrico, ex vuae acino, & me vidente rusticae cuidam comedenti carnem bubulam tendinosam. Et perditur respiratio, si occlusio fiat in profunditate pulmonum, prope aut in cor, quod est principium respirationis, prout accidit in apoplexia. Hinc volens utramque hanc suffocationis differentiam innuere, duo adhibuit Hipp. vocabula. Primum *Strangulorum*, quo intellexit qui suffocatur ex impedimento spiritus gulae contingente, ut est submersio, illapsus per os in arteriam alicuius rei solidae, non

spirituosæ, apostema faucium, aut laqueus, aliudue extrinsecus comprimens gulam, & obstruens. Alterum vero *Dissolutorum*, quo comprehendit suffocatos ab apoplexia. Isti etenim, & suffocantur, & dissoluuntur, dum cum impedita respiratione perdunt sensum, & motum. *Referri* autem bene conuertitur, à Celso ad vitam redire. Nam sicut mortui antiquitus extra urbem maxima ex parte ad tumulum ferebantur, & nostris temporibus extra domum, ideo verbum hoc *Efferri*, dicebatur præsertim de illis. Ita istud referri est à destinato tumulo, & propterea à morte ad vitam. *Spuma* autem est congregatio bullarum, & ampullarum; bullæq; & ampullæ fiunt ab aere congregato in visciditate aquea. Sic pueri cômisto pauxillo sapone in aqua intingentes caput unum fistulæ, indeque ex altero exsufflantes bullam excitant, quæ facilius accidit, si aqua plus habeat saponis, unde plus habebit etiam lentoris, quo magis possit circumdare spiritum insufflatum, & spiritus sit leuiter impulsus.

Conclusio itaque Aph. est: quod qui suffocantur ex aliquo impedimento gulæ, & qui cum dissolutione apopletica, non reducuntur ad vitam, quando in illius suffocationis actu deuenerint ad spumam circa os.

Ratio est inquit Gal. Nam spuma significat colliquatam substantiam pulmonum, quæ aere egrediente cômixta redigatur in bullas. Addo & ego, significat imbecillitatē spiritus, qui non potest amplius impetuosè efferri, nec ab humiditate detineri.

APHOR. XLIV.

Qui natura admodum crassi sunt, citius intereunt, quàm qui graciles.

Crassi

Craſſi dicuntur, qui ſunt extenſi in ſola latitudine plus quam conueniat proportioni longitudinis: quod accidit ex abundantia præcipue pinguedinis. *Admodum* autem tales, qui excedunt alios in genere iſto. *Natura*, qui à principio ſui interno ſine artificio tales exiſtunt. *Graciles* ergo in contrarium erunt, quorum longitudo excedit proportionem latitudinis, ex defectu præſertim pinguedinis.

Concluſio itaque Aph. eſt: quod pingues à natura, pauco tempore viuunt: Macri vero ſunt plus longæui.

Ratio eſt. Nam pinguedo generatur à frigidiori temperamento: quia creſcit in frigidis, & liquatur à calido. Vnde & ipſū arguit. Refrigerat etiam corpus, quādo valde creſcit. nam comprimit venas, indeque minuit ſanguinem: unde corpora pingua, cum ſint frigidiora, minus viuunt, & adhuc minus, quando humida, quia abundant excrementis, à quibus facilis putredo, & inde accidentalis mors: ſed & ſuffocat humiditas illa calorem, ex quo acceleratur etiā mors naturalis. Quam doctrinam recepit, & retulit etiā Ariſt. in Lib. II. de Partibus Animalium, Quinto, dicens quod pingua minus ſanguinis habent, ut propterea ſunt frigidiora macris, ac inde citius ſenescunt, & moriuntur.

APHOR. XLV.

Quicumque iuuenes morbo comitali laborant, mutatione maxime ætatis, & temporum, & locorum, & victuum quoque liberantur.

Morbus comitalis quia frequentior in comitiis, & in omni populari conuentu, à Græcis *ἐπιληψία* dictus, eſt affectio ſimilis apoplexiæ, quia in eo amittitur ſenſus, & motus voluntarius, vt propterea qui incidunt in illum, ſaltem titubent in motu, ſed plerumque cadant: unde di-

citur etiā morbus caducus: lēditur & respiratio, spumescit ut plurimum os. Differt autem, quia est cum conuulsione, saltem alicuius partis: non durat per horam, & habet circuitus. Quorum accidentium, duo prima procedunt à materia, quæ circum cor obstructionem facit, quæ in epilepsia est potius flatuosa: unde nec omnino obstruit, ut non irrumpat per eam aliquid spiritus, qui iugiter, & sensim, ac æqualiter debebat in totum procedere, qui propterea irrumpens cum impetu in aliquam solam partem eius, facit motum violentum & conuulsorium. Hinc succedit breuitas etiam affectus. Nam materia talis facile à calore resoluitur. Redit autem affectus, quia prouenit à mala temperie, aut conformatione totius, aut alicuius partis habituata, sicut & debilitate præsertim cordis, unde tempore congregatur materia flatuosa, quæ recepta in cor reducit affectionem.

Est itaq; cōclusio: quod qui iuuenes repente titubant in motu, aut cadunt conuulsi sine sensu, & motu, cum læsa aliquo qualiter respiratione, & spuma circa os, liberantur omnino, ut nunquam amplius recidant, succedente ætate virili, aut mutato anni tempore, aut loco, aut victus ratione.

Ratio, qua mutatio adolescentiæ in adultam ætatē hoc faciat, est quoniam morbus accidit ab abundantia humiditatis, quæ secundum partem tenuiorem & flatuosam potest facile ingurgitari in principium, puta cor, quæ succedente virilitate demitur; ubi corpus totū siccius redditur: quini- mo, & succedente aliqua euacuatione, sicut seminis, aut sanguinis cessat, prout declarabitur in Aph. vii. Quintæ Sect.

Ratio autem, qua mutatio temporum hoc idem præstet, licet hoc maxime respondeat succedenti ætati, est propter resolutionem, quam efficit ab hieme, quæ multiplicauit humiditates ad intra.

Ratio autem communis mutationis temporis, loci, & virtus rationis est: quoniam, cum morbus accidat à qualitate humorum, & materiæ ad nutritionem destinatæ, in principium irruentis, & à singulo propositorum diuersificentur, & materiæ assumptorum pro nutritione, & temperamentum principij nutritiui, potest etiam diuersificari circa ipsum effectus.

APHOR. XLVI.

Duobus doloribus simul non eundem locum infestantibus, vehementior alterum obscurat.

Sensus tactus (in quo solo videtur esse dolor, quia, cum sit primus, intensior est aliis) cum sit plurium differentiarum, scilicet qualitatum primarum, & secundarum, potest propterea esse dolorosus, & dolor multiplex in una, & eadem minima particula, ut in casu obiecti sua duritie molesti, & sua etiam caliditate infensi. Tunc enim facta receptione improporcionatæ duritie est dolor unus, & facta receptione improporcionatæ caliditatis est dolor alius, nã alius est tactus calidi & frigidi, alius duri & mollis. Sic obiectum aliquod erit dolorosum duplici qualitate, a qua singula cū afficiatur sensitiua potentia diuerso modo, duplex excitabitur in eadē parte dolor. Vnde male Gal. per *Vnum eundemque Locum* negat, intelligendam unam, & eandem, etiam minimam nostri corporis particulam. sed vult accipiendum unum membrum, veluti brachium, vel cubitum, femur, aut tibiam, in quorum vna parte, aut superiore, aut inferiore, sit unus dolor, in alia alter. *Maior* autē & *Minor* dolor sequitur, iuxta maiorem improporcionem qualitatis tangibilis. Nam magnitudo hæc, aut paruitas est accipienda

cipienda in genere dolorifico, seu sensitivo; non autem in
 dimensione maiore, aut minore substantiæ sensitivæ, quæ
 dolorem percipit. Nam sic in una, & eadem minima par-
 ticula poterunt existere eodem tempore dolor maior, &
 dolor alius minor: maior in una qualitate, quia fit illa ma-
 gis improporcionata virtuti tactivæ; minor in altera, & al-
 terius differentiæ; quia illa fit minus improporcionata. Ut
 si erit illata punctura à gladio ignito. cum enim alius fit sē-
 sus acuti, & alius fit calidi, fieri potest quod dolor ex a-
 cutie sit maior, quia acuties gladii sit magis impropor-
 tionata, & dolor à caliditate eius sit minor, quoniam calidi-
 tas illa minus distet à proportionata caliditate, quam acu-
 ties proposita proportionata acutie. *Obscurare* autem pro-
 prie dicitur de *Reddere* res inuisibiles. Obscuritas enim est
 priuatio illius luminis, quod actuando medium reddit ob-
 iecta visibilia. Usualiter tamen sumitur pro impedimen-
 to cuiusvis sensationis, & præsertim internæ, quæ est ex-
 ternarum sensationum, & in isto sensu accipitur nunc. Nam
 sermo est de sensationibus quæ sunt dolores; non de sensi-
 bilibus, quæ sunt causæ doloris, cū dicat textus *Duobus do-*
loribus, non autem duobus dolorificis. unde obscuratio e-
 rit priuatio sensationis in sensu posteriore à sensibus ex-
 ternis particularibus phantasia scilicet, cuius sensatio est
 receptio non sensibilium, sed sensationum, & si sensibiliū
 eorum iam sentitorum, & non sub ea forma, qua venerunt
 ad sensus particulares, sed sub ea qua sentiti & recepti
 sunt, quæ sensatio ut dictum est in Aph. vi potius appella-
 tur observatio. Et ita etiam male Gal. declarat maiorem
 dolorem impedire minorem distrahendo à parte minus do-
 lente spiritum, eamque modo isto reddendo stupidam &
 non sentientem. Tunc enim tolleretur dolor, sed nō tolle-
 retur eius dignotio. Dolor autem non tollitur, quia suppo-
 nitur

nitur adesse, & non sentiri. Et quod dolor non tollatur, apparet ex eo, quod si adigatur aliud obiectum ei loco, qui minus dolebat, adhuc plus dolorificum, immediate momento temporis fiet sensus eius & dolor.

Vt propterea conclusio sit: quod duobus illatis, etiam ab uno corpore, in eandem minimam particulam nostri sensitivam doloribus, à duplici qualitate tangibili, maior nō permittit observari minorem. Quę conclusio adhuc magis est de duobus doloribus in varia parte corporis externa, aut interna illatis.

Ratio autem est. Nam maius sensibile, cum operetur in sensum, plus afficit sensitivam potentiam: unde eam determinat modo suo, quia communis est, & ita sensationem alterius excludit. Hoc declarant qui imaginationem fixerint in ecstasi, qui nec tangibilia in tactū agētia, nec visibilia in visum recipiunt, sicut nulla alia sensibilia externa, nec interna.

APHOR. XLVII.

Dum pus conficitur, dolores, ac febres accidunt magis, quam iam confecto.

Pus est corpus fluidum à calore concoctivo ex substantia aliqua nostri corporis, molli atq; vivente corrupta constitutum. Non enim solidæ partes ossē & cartilagineæ corruptæ unquam in pus vertuntur, nec humores intra venas ulla corruptione ad pus rediguntur. Generatur ergo illud, dum substantia viventis corrupta secernitur à bona & reducitur de consistentia ad fluorem. Quod fieri non potest nisi à multo calore, & humiditate. Vnde quæ putrefactientia medicamenta vocantur, humectando, & obstruendo

do meatus externos partis, in qua sequuta est corruptio firmato calore, qui solebat exspirare, eoq; sic multiplicato reddunt facilem puris generationem. Hinc patet, quod nouus, & excedens calor inditur parti viuenti, à qua scerni debet materia corrupta, & pus generari, qui calor sic dissentaneus, & improportionatus, est facultati sensitivæ dolorosus. Est itaq; conclusio, quod dum corrumpitur substantia viuens in pus, crescunt febris, & dolor.

Et Ratio est. Nam crescit dolor, dum calore nimio scernitur pars substantiæ viuentis, corrupta à sana; dumq; crescit dolor & calor, debet crescere febris, quæ est excessivus calor.

APHOR. XLIX.

In omni corporis motu, ubi laborare cæperit, quies statim lassitudine aufert.

QUod *Lassitudo* sit sensus cuiusdam gravitatis artuum ex imbecillitate facultatis motivæ illorum, sequuta plerumq; à resolutione nimia eorum substantiæ, aliquando ab humore malo aut sanguine nimio facultatem grauvante, declaratum est in Aph. v. huius Lib. Quod etiam *Laborare* sit exerceri usque ad inductionem dictæ lassitudinis, patuit in Aph. i. huius Libri.

Erit itaque huius Aph. conclusio: quod quies statim aufert sensum gravitatis artuum inductum à nimio exercitio.

Et ratio est: non quia quies per se reponat, & reficiat substantiã artuum nimio labore resolutam, ad cuius deficientiam deficit virtus motiua. Sed quia cum iugis fiat in corpore resectio, præsertim partium externarum, quæ in sua resolutione trahunt ab internis materiam refectionis iam in ventre, & venis magnis, tanquam in penu asseruatam

ad nutritionem) sequitur non prosequente labore resolutione, ut artus reficiantur, & tollatur lassitudo.

Monuit autem hoc forsitan, ut ostenderet facilitatem remedii, & superfluitatem aliorum, quæ in lassitudinibus laboriosis usurpabant Antiqui: uti erat balneum tepidum, & inunctio, quorum primo humectabant quidem artus, sed & nutrimentum atrahebant, oleo vero humectabāt, & opilatione inducta progressum resolutionis impedire curabant.

APHOR. XLIX.

Qui consueti solitos labores ferre, etsi fuerint imbecilles, & senes, non consuetis fortibus atque iuuenibus facilius ferunt.

Consueti labores solitos ferre sunt, qui pluries usi eodem exercitio, & à lassitudine inde recepta se facile refecerunt: *Debiles* autem, qui in motu voluntario parum valent, præsertim natura, licet possint etiam accipi ex morbo, ætate, & alio accidente debilitati. *Fortiores* vero, qui in motiva facultate valent, & robusti dicuntur. Consistit autem virium motivarum robur, in multitudine substantiæ præsertim carnosæ ac nervosæ, quæ musculosa dicitur. Hęc etenim ad motum est destinata. Hinc exercitati Antiquorum, de quibus in tertio Aph. Primæ Sectionis, non modo multis alimentis, quæ multum substantiæ generant, sed frictione, & unctione corporis, quæ ad partes musculosas alimenta trahunt, & concoquunt in carnē, virium robur procurabant. Vnde sicut bene carnosus est fortior in exercitiis, ita ex carne sunt debiles.

Conclusio itaque Aph. est: quod in omni exercitio, qui frequenter utuntur illo, minus consumuntur ab eo, faci-

lius qui reficiuntur, quam qui non sunt usi, etiamsi fuerint illi excarnes & debiles ex natura, aut aliquo accidēte, vel ætate senili, quam robustiores natura, aut ætate, qui raro, aut nunquam sunt usi.

Ratio autem procedit ex eo, quod partes exercitatae sunt ab exercitio roboratae. Nam motus calefacit, & inde trahit, & concoquit plus alimenti in parte exercitata. Quapropter si fuerint etiam debiles homines secundum reliquum corporis, ex natura, accidente, aut ætate, erunt tamen secundum partes in illo exercitio usurpatas fortiores. Sic viatores, & saltatores senes itineribus & saltui cōstant plus, quam remiges iuvenes; sicut contra minime constarent remigio: & urbani iuvenes sedentarii quocumque exercitio laxantur, rustici vero, & laboriosi minime. Et si exercitio etiam resoluantur partes fatigatae plus aliis, plus etiam aliis trahunt sibi de nutrimento pro refectione, & natura totius à continuata ista maiore partium exercitatarum tractione, inclinata transmittit eis plus quam aliis, unde etiam plus roborantur. Quod autem exercitium trahat ad partem exercitatum, monstrant laboriosi homines qui sunt magis musculosi, quam sedentarii, & manus dextrae quae est maior sinistra.

APHOR. L.

Quae ex longo tempore consueta sunt, et si deteriora sunt, insuetis minus molestare solent. Oportet igitur ad insueta permutari.

Longo tempore consueta, sicut & Insueta debent esse aliqua, quae sint homini usualia, quorum ea quae sunt raro usurpata, dicantur insueta: quae vero frequenter usitata, vocentur longo tempore consueta. Sunt autem haec quaecumque

que ad humanam vitam necessario concurrunt, ut aer. Ille enim sub quo quis habitat, est ei consuetus, sicut alter ab eo distans, insuetus. Ita cibus, & potus, quorum qui frequenter assumitur dicetur consuetus; qui raro, aut nunquam, insuetus. Sic exercitium, & quies, aliud & alia, quia frequentata consueta vocantur; alterum vero, & altera, quia missa, insueta. Et hoc est etiam in omni, & quavis corporis euacuatione. quarum illa dicetur consueta, quæ alias, & pluries successit; illa insueta, quæ fere nunquam. Sic & somnus atque vigilia, alius alicui consuetus, quia crebro contigerit; alteri insuetus, quia raro. Demum & animæ operationes ita se habent. Ira etenim, & gaudium consueta quando frequentia; insueta, quando raro contingentia, prout & reliquæ animi passiones. *Deteriora* autem sunt idem, ac magis nocua, & offensiva. Nocua autem cum debeant referri, non sunt accipienda relata ei cui considerantur esse insueta. certum enim est, quod sic accepta, erunt ei molestia, ut de eis non possit dicere Hipp. quod minus molestare solent. Sunt ergo intelligenda deteriora, & nocua plurimis hominibus.

Dux itaque conclusiones sunt in hoc Aph. vna theórica, quæ est: quod quæcumque sunt de ratione victus in homine, etsi essent plurimis hominibus offensiva, quando erunt alicui usitata, reddentur ei minus offensiva, quam ea, quæ sunt minus offensiva plurimis, quando erunt inusitata illi. Altera conclusio est: quod debet homo semper mutare, quæ sunt de ratione sui victus, ut inde assuescat omnibus, & nihil ei hac de causa in usu restet, quod molestiam facere possit.

Ratio primæ conclusionis est: nam quod sæpe succedit in nobis, facit habitum, id est qualitatem difficile mobilem: quæ propterea est quædam natura similis cum ea, unde processit, ut propterea, eiusdem repetitus usus; etiam si non sit

cum specifica bonitate, respectu indiuidui, in quo est, redditum simile non molestat, cum molestia nascatur à diuerso, & contrario. Experimenta plura confirmant hanc conclusionem, sed inter ea illud propositum à Gal. puellæ, quæ sensim assuevit esui napeli sine læsione, cum tamen ipse sit humanæ naturæ deterior, & exitialis.

Ratio secundæ conclusionis est: ut contracta aliqua similitudine cum omnibus, & singulis iis, quæ necessario, aut fere necessario, vel facile nobis occurrere possunt, nō molestemur, nec patiamur ab aliquo. Et aliam addit Celsus in primo de Re Medica cap. 1. ut scilicet habeamus, quo confugiamus tanquam ad remediū tempore morbi. Vnde clarius apparet, consuetudinem esse ineundam, cum iis quæ sunt de ratione victus, non cum medicamentis. Quia ista fugere possumus, & ab eis nouitatem nostri volumus: priora vero sunt ineuitabilia, & conseruari per ea intendimus. Hinc concluditur, quod etiam fuit tactum in Aph. v. Primæ Sectionis, viuendi rationem angustam seu exquisitam esse fugiendam.

APHOR. LI.

Plurimum atque repentè euacuare, vel replere, calefacere, vel refrigerare, siue quouis alio modo corpus mouere, periculosum; quoniam omne nimium est nature inimicum: sed quod paulatim fit, tutum est, tum aliàs, tum quum ab altero ad alterum transitus fit.

E Vacuare quod sit materiam è corpore ducere ex se patet, & alibi declaratum est. Sic & Replere quod sit materiam corpori adicere, similiter Calefacere, & Refrigerare, quod sit aliquod mutare secundum has qualitates, sicut A-

lio quouis modo corpus mouere sit alterare in aliqua alia qualitate primarum, aut secundarum, & mouere de parte corporis ad aliam, quod dicitur euocare & repellere. *Plurimum* autem intelligitur fere ad ultimum gradum in suis generibus. *Repente* demum dicitur, quod sine præmisso principio sequitur totum simul. *Paulatim* dicitur quod sequitur per gradus interposita quiete inter eos.

Sunt ergo conclusiones duæ, Prima est: quod omnis mutatio corporis desiderata sit alteratiua per gradus. Secunda est, quod facta confertim de primo ad penultimum potest finire in malum.

Ratio autem, utrique conclusioni communis est: quod inter similia, facilius est conuersio cum parum sit inibi contrarium tollendum, similia autem sunt, quæ paucioribus gradibus distant, unde secundus gradus minimum distat à primo, at penultimus maxime distat.

Dubitationem tamen habet conclusio. Nam quod est à corpore tollendum, ideo est tollendum, quia officit illi. Quo ergo serius, & magis læte tolletur pluri tempore permitetur officere. sed hoc est præter medicam intentionem, quæ est iuuandi. Responsio autem est: quod unumquodq; tollendum, etsi officiat, in aliquo iuuat propter sui factum habitum, & propter habere aliquid bonum. Sic aqua in hydropico, dum calorem viuentis percepit, ipsumque in corpus reflectit, isto titulo iuuat. unde tota simul non educitur, nisi cum morte. Et qualitatum excessus, dum sunt tempore habituati, habent quid naturalis; cum habitus, seu consuetudo sit qualitas fixa ad modum naturæ, ut dictum est in præcedenti.

APHOR. LII

Omnia secundum rationem facienti si non succedat secundum rationem, non est transeundum ad aliud, stante eo quod à principio visum est.

Facere secundum rationem, est quodcumque procedit ab homine, dum agat discursu. Sed facere, quod consideratur ab Hip. in his sermonibus non potest esse aliud, quam pro salute circa hominum corpus. Quod cum veniat ipsi medico aliquando conseruandum in sanitate, frequentius vero curandum ab ægritudine, ut pro ista remouenda & illa conseruanda possit operari cum ratione, indiget cognitione sanitatis & ægritudinis, pro quibus debet agere, & remediorum, quibus debet uti in opere suo. operatio enim rationalis est scientifica, & propterea cum cognitione rei ex causa sua, aut ex effectu. Cognitio autem eius quid sit sanitas, & morbus, cum eæ sint dispositiones, seu qualitates corporis viuentis, supponit cognitionem eius, quid sit corpus viuens: sicut cognitio remediorum, cum sint operationes procedentes à medico in corpus, non potest haberi, nisi obseruata natura illius operationis, & instrumenti, quo illa perficitur. Operatio enim cum sit communis, determinatur à subiecto, in quod recipitur, & instrumento quo perficitur. Dignoscitur autem natura hæc, aut à priori ex cognitione causæ rerum, aut à posteriore ex cognitione effectus, id est per experientiam habitam in simili occasione. Succedere autem est, sequi effectus. Vnde succedere secundum rationem, est qualis illi operationi, in gratiam cuius est illa peracta, debet sequi.

Vocabulum autem illud *Aliud* cū importet diuersitatem, potest illam importare & specificam, ut sit mutatio scilicet de operatione euacuatiua ad implentem: de refrigerante ad calefacientem: & potest importare diuersitatē gradua-lem magis scilicet operationem illam præstantē. Quo supposito dicunt expositores Hip. intelligere de remediis aliis specie, non de aliis sub eadem specie indiuidualiter & gradu differentibus.

Conclusio ergo est: quod medicus, dum operatur cū ratione, prout scilicet debet, supposita natura morbi, & remediis, saltē à posteriore, si non inde proficiat, non debet propterea dimittere illas operationes, & transire ad alias scilicet præter rationem, quarum non sit notus successus, nec à priori, per rationem, nec à posteriori per experimentum. Ratio est: nam medicus non debet operari temere.

Dubitatur tamen: quia perseuerare in nō iuantibus est contra medici finem, qui est iuare. Tuncque experiri non esset medicum, cum tamen experiri faciat ad omnes artes, & ita ad medicinam præsertim, quia ex diuersitate subiecti, quod ratione indiuidualitatis est semper diuersum, necessaria sunt experimenta.

Sunt qui respondeant, non esse transeundum, quia successus tempore explebitur. Sed responsio non satisfacit. Nam qui fecit omnia secundum rationem, etiam expectat tempus debitum successui.

APHOR. LIII.

Quicumque aluos humidus habent, si quidem iuuenes fuerint, melius degunt his, qui siccus habent. Ad senectam vero deterius degunt: nam senescentibus magna ex parte exsiccantur.

Non

Non repetit hoc loco Hipp. Aph. xx. ut male censens Gal. cum, reliquerit sine expositione, & sine ratione, Sed supposita commutatione alui, de lubrica in stypticam, aut de styptica in lubricam, quæ sequitur à iuuentute ad senectutem obseruata in illo Aph. Monet modo eam quæ conueniat magis, aut minus ad vitæ integritatem. Sic enim ego per, *Melius degunt*, intelligo melius, & integrius, hoc est, cum maiore sanitate degunt, id est viuunt, sicut in contrarium per *Deterius*, accipio cum minore sanitate.

Sunt ergo duæ conclusiones in isto Aph., & unica unius ratio, quæ refert tamen & rationem alterius.

Prima conclusio est: quod qui lubrici aluo extabunt, si quidem iuuenes erunt, id est habebunt hanc alui lubricitatem in iuuentute, longius & sanius viuent, quam qui siccam eandem aluum in proposita iuuentute obtinebunt.

Secunda conclusio est: quod qui lubrici extabunt in senectute, cum minore sanitate viuent. Dū enim Hip. subiungit, *Ad senectam vero deterius degunt* demonstrat se accipere eos qui fuisse assumpti in consideratione à principio. Hi autem fuerunt quicumque lubrici sunt, & aluos humidas habent. Quorum postea, dum subiunxit, *Si quidem fuerunt iuuenes*, excipit istos, qui sunt tales in iuuentute: unde relinquebantur alii, qui sunt in ætate opposita scilicet in senectute. Hos ergo accipit postea considerandos, dū subiungit ad senectutem vero deterius degunt. Ratio autem immanifesta est de solis iis, quos fluidos existentes, aut factos in senectute, dixit deterius viuere. Et est, quia senes magna ex parte, hoc est secundum naturam (nam quod est magna ex parte, est etiam secundum naturam) styptici fiunt, unde fluidos esse, cum sit iis plerisque præter naturam, erit ipsis & ad vitæ longitudinem, & ad sanitatem nocuum.

Ex qua ratione habetur etiam ratio, qua melius viuunt

iuuenes fluidi. Quia sicut senes natura sunt styptici, ita iuuenes natura sunt fluidi. unde qui iuuenes, habent aluum, magis ex naturæ debito, debent etiam sanius viuere. Quod modo aluus secundum naturam sit fluida in iuuentute, & styptica in senectute, non modo innuit Hippoc. in hoc Aphor. & dicit experientia. nam pueri & infantes sunt maxime fluidi, senes vero contra. Sed & docet ratio. Illi enim debent esse magis lubrici, qui sunt humidioris temperamenti, quique gaudent magis esculentis humidis, & egent iis pluribus. Nam ubi plura assumuntur, ibi plura sunt ex aluo excernenda: & ubi illa sunt humida, debent exire fluida. Sed isti sunt, qui crescunt, ut notatum est in Aph. xvi. & xv. Primæ Sect. In contrariū senes sunt sicci, minus comedunt, & solidioribus indulgent.

Dubitatur autem, cur dixerit nunc, senes fieri plerumque stypticos, cum in Aph. xx. dixerit absolute, iuuenes fluidos fieri stypticos.

Sed resolutio est: quod ibi dixit, non omnes iuuenes fieri stypticos, sed solos fluidos. Nam dixit iuuenes stypticos fieri fluidos. Nunc modo loquutus de hominibus uniuersis dicit, quod in senectute plerumque stypticantur. Pauci ergo in contrarium lubricabuntur. Et ratio est, quia stypticitas magis conuenit senio, & lubricitas iuuentuti, prout superius dictum est.

Cuius expositioni fauet amicus Celsus, in Primo de Re Medica cap. iii. qui ubi retulit Aph. xx. dicens: *Quibus iuuenibus fluxit aluus, plerumque in senectute contrahitur; quibus vero in adolescentia fuit adstricta, plerumque in senectute soluitur*, istum veluti subiungens dicit, *melior est autem in iuene fusior, in sene adstrictior.*

APHOR. LIII.

*Magnitudo corporis iuuenta quidem, nec indecens, nec illiberalis :
senectæ verò inutilis, & deterior paruitate.*

Licet Gal. nomine *Magnitudinis corporis*, solam longitudo-
dinem accipiat, & credat Hipp. intellexisse in Aph.
isto. Ego credo tamen eum voluisse corpus magnum secū-
dum trinam dimensionem. Non modo quia corpori con-
uenit longitudo, latitudo, & profunditas, in qua, quæcū-
que ea sit, potest magnificari: sed etiam, quoniam non so-
la longitudo eius decet, seu conuenit operibus humanis in
iuuentute, & commoda eisdem est, sed etiam conuenit,
& commoda est crassities, & latitudo. Nam operationes
siue nutritiæ, siue motiæ accipiantur, perfectius fiunt
tempore iuuentutis, à corpore non modo longiore, verum
etiam crassiore. Ita concoctionem alimenti, non sola lon-
gitudo, sed magis crassities præstat, cum ea non modo im-
portet abundantiam caloris, unde processit, sed etiam fa-
ciat ad eius conseruationē in internis, ut dictum est in Aph.
xxxv. Sic & operi motiuo non sola longitudo proficit, sed
magis crassities: unde quadrata & non valde longa, sed sa-
tis crassa corpora, sunt robustiora. Et addo, quod nec so-
la longitudo est quæ inconuenit, & non accōmodatur se-
nio; quia inde gibbosum, & curuum reddatur corpus, ut an-
nuit Gal; verum etiam crassities, nam diminuto calore, cras-
sities officit coctioni, quia degenerat in cruditates cathar-
rales, & non valet diminutus calor multam corporis mate-
riam, siue illa sit capitis, & spinæ, siue ea etiam sit artuum,
erigere, & mouere.

Vnde conclusio est: quod sicut in iuuentute plus con-
uenit

Illustrissimis & Excellentiss.
PETRO SAGREDO
DIVI MARCI PROCVRATORI,
HIERONYMO LANDO
EQVITI,
FRANC.^{co} MICHAELIO,
REI LITERARIÆ III VIRIS

Guidus Antonius Albanesius.



Atuit domestica securitate hoc opus, Amplissimi Senatores, nec quamquam longo excussum labore, erat subiturum alieni pondera iudicij, ni studiosorum contendendum legere, quæ audierant, subita persuasione fluxisset. Istud igitur quaecumque sit, Vobis dono. Vestris enim augustis auspicijs natum, Vestris etiam edidit, ut famam non timeret. Quare inter alta pacis

Et belli negotia, quibus Vos pro Serenissima Republica
omnes vestras curas impenditis, breue aliquod spatium
studiis meis lubentes concedite, imitatione excellentium
Principum, qui Philosophiae vel in ipsis castris inter mo-
menta rerum operam nauarunt. Sic namque mihi vide-
bor et precium meorum laborum, et testimonium praes-
entis in vos obsequij composuisse. Valete diu.

LECTO-

LECTORI



Lurimi commentati sunt Aphorismos Hippocratis, utpote totius artis Medicæ opus præstantissimum. Multi ante Galenum: & tamen ipse, quod sic videretur meliora moliturus, idem præstitit. Plures ab ipso, donec corruptis doctrinis compositiones facerent in alienorum dictorum indices.

Mihi consilium est puris & congruis sensibus eosdem amplecti, unde nec veritatis via deturber, nec segniter aliena vestigia persequar. Si non meliora, saltem promitto parem diligentiam, studiaque sapientiæ in Aristotele consumpta, quem propria dogmata cum Hippocrate communicasse Lib. de Naturalibus Facultatibus Secundo vel ipse fatetur Galenus. Neque enim quod Is doctrinam potius Platonis retinuit, & in posteros usque in hanc diem propagavit, mihi interdictum puto, ex Stagiræ fontibus, unde Græci cæteris gentibus scientias intulerunt, nova vulgares; quæ prius lege, & postea benigne iudica. Ea erit methodus, ut primo equiuocatione verborum sublata conclusionem sensumque dictorum interprete Nicolao Leoniceño expromam: quæ dein argumentis confirmem, euerfis demum quæ in contrarium obiectari possent. More autem scholæ loquar, & ad facilitatem discientium, quæ potior intentio est, ob idq; styli, quæ incidat, impuritatem excusa. Hæ primæ partes erunt, quibus cæteras adiciam, si de harum fama benè meritis in reliquum vitæ successero.

6
HIPPOCRATIS COI
APHORISMORVM
LIB. PRIMVS.



PHORISMI dicuntur sententiæ separatæ, nullum habentes essentiale commercium ad inuicem. Et bene. quia ad sui conclusionem non egent præcedente, nec subsequente, & eorum nomen est deductum à verbo Græco *Ἀφορίζω*, quod apud eos idem significat, ac Latinis *Separo*: ut cum ratione Auerroes cum cæteris Arabibus, quos Primi posteriorum secuti sunt, appellauerit istud opus Sermonum separatorum: quam sermonis separationem etiam Gal. & Philotheus proposuerunt in suis huius doctrinæ definitionibus, licet breuitatem sermonis, quæ hanc de necessitate consequitur, dum excludit verba connectentia, videantur magis profecuti. Hinc habeatur ratio, cur expositio mea non laboret in connexionem. Eorum Auctor dicitur Hippocrates Cous, ab insula Coo in mari Icario sita, cuius genealogia nihil operis, aut medicinæ exponit. Obiici bene potest: quod non dicat titulus, de qua re sint istæ sententiæ, cum esset magis necessarium scitu istud, quam quod essent separatæ. Sed forsitan hoc secutum est, quia titulus non fuerit Auctoris, sed à posteris appositus, postquam factum erat adeo celebre nomen Hip. & horum Aphorismorum, ut pro noto haberetur illum esse Medicum, & istos de re medica.

uenit & accómodatur operibus animę corpus maius, inter corpora. Ita in senectute magis conuenit, & commodius est operationibus, quod erit mediocritate minus.

Ratio autem patet: quia corpus debet dimetiri cum anima, ita ut illa maiore existente, sit & ipsum maius, & ea diminuta diminuatur & ipsum, loquendo de anima nutritiua, & motiua, quę organo utitur in opere suo, non de intellectiua, quę organum non habet, & propterea non magnificari, aut diminui, nec improprie, prout improprie, dicitur de brutali & plantali.



in se eodemque corpore animae corpus inanimatum
 nota. Ita in se eodemque corpore inanimatum
 operationibus, quod est in se eodemque corpore
 ratio animae patet: quia corpus debet dimittere animam
 ita ut illa maiore existeret, ut & ipsa animae, & ea
 anima dimittere & ipsam, loquendo de anima patet
 & motus, quia organum patet in opere suo, non de m-
 ectura, quia organum non habet, & proprietates non ha-
 bent, nec dimittere nec in se eodemque corpore, pro
 in de brutis & plantis.

